

ለሚንቴ ዋጎ ማፃኣገ ዓይያ ካር

ሃይ ለሚንቴ ዋጎ ማፃኣገ ዲብራዒኤሌ ዳራ ሚርጌ ዋዴ ዓሲ ናንጉዋ ዳውሎይዳ ሃንቲ፣ ካኣናኔ ሄላኒ ዳካ ዓታዛ ሞዓኣቤ ቦኦሎይዳ ዳዔያና ሙሴ ኬሊ ኬሊ ዔያቶም ኬኤዜ ማሊያ ዓርቄያኩ።

ሃኖ ማፃኣገይዳ ፃኣፒንቲ ዓኣ ባኮይዳፒ ሚርጌና ኮይሳያ ማዔ ፔቴ ፔቴ ባካ ሃካፒ ሊካ ፓይዲንታሢጉዴያኩ፡-

1. ዔያታ ናንጌ ዓኣሢ ሃይዲታሞ ሌዖ ጋራ ማዲንቴ ዴኤገ ዴኤገ ባኮ ሙሴ ዓሶም ጳቂሢ ኬኤዛኔ፤ ዓሲ ናንጉዋ ዳውሎይዳ ያኦሲ ዋማይዲ ዔያቶ ዔኪ ዓኣዴቴያ ዳርም ጳቂሢ ዳራ ያኦሲም ጉሙርቂንታያ ማዓንዳጉዲ፤ ሃሣ ፒዙሞና ዓይሢንታንዳጉዲ ኬኤዛኔ።

2. ሙሴ ታጳ ዓይሢያንሢ ለሚ ኬኤዚ ኬኤዚ ባሼና ቤርታሳ ዓይሢያሎኮ ቡሊያ ዳልገና ፔጋሲ ኬኤዚ ዳራ ያኦሲ ሌሊ ካኣሽካንዳጉዲ ጳቂሢ ኬኤዛኔ፤ ዬያይዳ ሃሣ ዲብራዒኤሌ ዓሳ ዔያቶም «ዲንገንታንዳኔ» ጌይንቴ ዓጩሎይዳ ካፒ ናንጋንዳ ዲማ ዲማ ዋጎ ለሚ ዔኪ ዔኪ ፔጋሲ ኬኤዛኔ።

3. ያኦሲ ዔያቶና ዋላ ጫኣቄ ጫኣቄማ ዋዚጉዲታቶም ቡሊ ኬኤዚ ኬኤዚ፤ ሃሣ ዳራ ዬያ ጫኣቄም ጉሙርቂንታ ካፒያ፣ ጊንሣ ዓካሳንዳጉዲ ሙሴ ዳርም ጳቂሢ ኬኤዛኔ።

4. ዲያሱ ሙሴ ቤዛ ጌሊ ያኦሲ ዳር ዔኪ ዓኣዴንዳጉዲ ደኦሪንቴ፤ ያኦሲ ጉሙርቂንታያ ማዒያ ዛሎ ሙሴ ዓይኦም ኬሲ ዓይናዲ፣ ዲብራዒኤሌ ማኣር ዓሶ ቢያ ዓንጂ ጌዔሰካፒ ዮርዳኖሴ ዋሮኮ ዓባ ኬሰካ ዛሎና ዓኣ ሞዓኣቤ ዓጩይዳ ሃይቂኔ።

ያኦሲ ዲዚ ናሽካ ዓሶና ዲ ደኦሪ ፔ ዳር ዳቂሹሢና ዓንጂሢ ኬኤዛ ማሊያ ሃኖ ማፃኣገኮ ዴኤፒ ዓይሢ ካራ ማዓኔ፤ ያኦሲኮ ዳራኣ ዲዛኮ ዓንጂ ዔያቶይዳፒ ዲማዲዋንቴ ሹምፔና ናንጋንዳጉዲ ያኦሲ ዔያቶም ማዴ ባኮ ቢያ ጳቂሢ ጳቂሢ ቢያ ዋዴ ዔያታ ያኦሲ ናሽካንዳጉዲና ዲዛም ዓይሢንታንዳያ ኮይሳሢ ኬኤዛኔ።

ሃኖ ማፃኣገኮ ዴኤገ ማሊያ ዓርቄ ቤዛ ዓይ. 6:4-6 ሄላንዳኣና ዓኣ ቤዘኩ፤ ዬና ቤዛ፡- «ዓይሢያይዳፒ ቢያ ባሻ፣ ዴኤገ ዓይሢያ» ጌዒ ዬሱሴ ኬኤዜ ባኮ ዓርቄያኩ። ዬይ ዋዚ ጋዓያዳይ ጌዔቴ

«ናንገና ናንጋ ጎዳ ማዔ ኔ ጾኦዛሂ ጉቤ ዒናፓ ጉቤ ሸምፓፓ ጉቤ ዋልቃፓ ናሽኬ» ጋዒያኩ።

ማፃአፔላ ዲማ ዲማ ዓርቄ ባኮ

ሙሴኮ ቤርታሳ ጌኤዞ (1:1—4:49)

ሙሴኮ ላምዓሳ ጌኤዞ (5:1—26:19)

1. ታጾ ዓይሢያ (5:1—10:22)

2. ዋጎና ዳምቦና ላቲ ኬኤዚንቴ ባኮንታ ዛላ (11:1—26:19)

ካኣናኔ ጌላያ ማዳንዳጉዲ ዓይሢንቴ ባኣዚ (27:1—28:68)

ጫኣቁሞኮ ዓካዲያ (29:1—30:20)

ሙሴ ጋፒንሢ ጌሰቴ ባኮ (31:1—33:29)

ሙሴኮ ሃይቦ (34:1-12)

ዒሰራዔኤሌ ዴራ ሲና ዲካፓ ዴንዳንዳጉዲ ዓይሢንቴሢ

1 ዒሰራዔኤሌ ዴራ ዮርዳኖሴ ዋርኮ ሱካ፣ ሱፔ ጎያ ዓጮኮ ቤርቶ ዛላ ፔቴ ዛሎና ፓኣራኣኔ ካታማ ባጎ ዛሎና ቶፔሌ፣ ላባኔ፣ ሃዳርቴና ዲዛሃባ ጌይንታ ካታማ ዓኣ ዓራባ ጌይንታ ዓሲ ናንጉዋ ዳውሎይዳ ዓኣንቴ ሙሴ ዔያቶም ሂዚ ጌይ ኬኤዜኔ፡- 2 ዔዳኦሚ ጌሜር ጎይያ ዴንዴቴ ሲና ዲኮይዳፓ ዴንዲ ቃዴሴ ባርኔ ሃላኒ ታጾ ፔቴ ኬሊ ሃንቲንታያኩ። 3 ጌላባዔ ዓጫፓ ዔያታ ኬሰኬንቴ ያይዲታማሳ ሌያኮ ታጾ ፔታሳ ዓገና ፔቴ ጌዒ ዓርቃ ኬሎና ናንገና ናንጋ ጎዳ ዒዛ ዒሰራዔኤሌ ዴርሞ ኬኤዞንጎ ጌዔ ባኮ ቢያ ሙሴ ኬኤዜኔ። 4 ዩያ ዒ ኬኤዜሢ ሃሴቦኔ ካታሞይዳ ዴዒ ካኣታዲ ዋይሢ ዓሞራ ዓሶ ካኣቲ ሲሆኔንታ ዓሰታርቴና ዔድሬዒ ካታሞ ዋይሢ ባኣሳኣኔ ካኣቲ ያጌንታ ያሊ ባሽሢኮ ጌንፃፓኩ። 5 ዒሰራዔኤሌ ዴራ ዮርዳኖሴኮ ዓባ ኬሰካ ዛሎና ዓኣ ሞዓኣቤ ዓጮይዳ ዓኣንቴ ጾኦሲ ዒንጌ ዋጎ ሂዚ ጌይ ሙሴ ፔጋሲ ኬኤዚያ ዓርቄኔ፡-

6 «ሲና ዲኮ ኮይላ ኑ ዓኣ ዋዶና ናንገና ናንጋ ጎዳ ማዔ ኑ ጾኦዛሢ ኑም ሂዚ ጌዔኔ፤ ሃኖ ዲኮ ኮይላ ሚርጌ ዒንሢ ዴዔኔ፤ 7 ዩያር ሃኖ ቤዞ ሃሺ ሚርጌ ጌሜራ ዓኣ፣ ዓሞራ ዓጮና ኮይሎይዳ ዓኣ ዓጮ ዴንዲዋቴ፤ ዩይያ፡- ዓራባ ዓጮኮ ዓሎ ዓጮና ዳውሎ ዓጮ፣ ድኦሎ ዛሎ ዓጮ፣ ሜዲቴራኒያ ባዞ ኮይሎ ዓጮ፣ ካኣናኔ ዓሶ ዓጮና ሊባኖኦሴ ዲኮይዳና ጌዒ ዴንዲ ዔፕራዲሴ ዋር ሄላንዳኣና ዓኣዲዋቴ። 8 ታኣኒ፣ ናንገና ናንጋ ጎዳ ዩያ ዓጮ ዒንሢኮ ቤርታኣ ዓድንሢ ዓብራሃሜንታ ዪሳኣቁንታ ያይቆኦቤንታም ዔያቶኮ

1:4 1:4 ፓይ. ማፃ 2:21-34።

ዘርዎማኣ ዳካልሳኒ ሃጊ ማዓንዳ ዎዞ ዒንጊ ጫክቄሢር ዬኖ ዓጮ ዴንዲ ዳካሉዎቲ።» »

ሙሴ ዴርኮ ሱኡጎ ደኦሬሢ
(ኬሲ. ማፃ 18:13-27)

9 ሙሴ ዒማና ዴርሞ፡- «ሃጊ ኑኡኒ ሲና ዲኮ ኮይላ ዓኣንቲ ታ ዒንሢሞ ሩንሢ ምይሢፃ ታኣሞ ዴኤፃኔ፤ ዬያ ቢያ ታኣር ማዳኒ ታ ዳንዳዑዎሴ፤ 10 ናንጊና ናንጋ ጎዳ ማዔ ዒንሢኮ ጾኦዛሢ ዒንሢ ሚርጊሹኔ፤ ዒንሢኮ ፓይዳኣ ጫሪንጮ ወጫሢጉዲ ዲቤኔ። 11 ናንጊና ናንጋ ጎዳ ማዔ ዒንሢኮ ቤርታኣ ዓደንሢኮ ጾኦዛሢ ሃሢያ ዒንሢሞ ሃጊ ማዓንዳ ዎዞ ዒንጊ ጎይያና ሚርጊ ሺያ ጳንጨ። ማሂ ፓይዳ ዒንሢኮ ሚርጊሹ ዒንሢ ሳንጅንጎ! 12 ጋንቲ ዒንሢኮ ባኣካ ማኸንጎ ቸርቲሞንጎ ማርሚሢንጎ ባይዛኒ ዬያ ዴኤፃ ማዳ ታኣር ታ ዎዲ ማዳንዳይ? 13 ፔቲ ፔቲ ፃጳይዳፓ ዔራ ማዔ ዓሲ፣ ሃሃ ዬያጉዴ ማዳ ማዳ ዔሬ ዓሲ ደኦሩዎቲ፤ ታኣኒያ ዔያቶ ዒንሢ ዑፃ ሱኡጊ ማሂ ገሣንዳኔ» ገዔኔ። 14 ዒንሢያ ዬያ ማሊያ «ቃራኩ» ገዒ ዔኬኔ፤ 15 ዬያር ፔቲ ፔቲ ፃጳፓ ዒንሢ ደኦሬ፣ ቤርታ ዬኖ ጉዴ ማዳ ማዳ ዔሬ ዓሲ ዔኪ ዒንሢ ዑፃ ሱኡጊ ማሂ ታ ገሣኔ። ዔያቶይዳፓ ዛሎ ሺያ ዓሲ ዎይሣያ፣ ዛሎ ፃኤታ ዓሲ ዎይሣያ፣ ሃንጎ ዓሲ ሃሃ ደንጊታሚ ዓሲ ዎይሣያና ታጳ ዓሲ ዎይሣያ ማሂ ታ ደኦሬኔ። ፔቲ ፔቲ ፃጳ ማኣርዎ ዎይሣንዳ ዓሲ ታ ደኦሬኔ።

16 «ዒማና ዔያቶሞ ታ፡- «ዒንሢኮ ዴር ባኣካ ማኸንጎ ቸርቶ ባኮንጎ ማርሚሢ ገኤዘዎ ዎይዙዎቲ፤ ዒንሢ ዴር ባኣካ ማፃሞ ሚሌ ዓጫፓ ሙኪ ዒንሢ ባኣካ ናንጋ ዓሶኮ ማኸንጎ ቸርቶ ባኮንጎ ሞኦቶ ቢያ ዛጊ ፒዜ ዎጉዎቲ። 17 ዒንሢ ገሰቲ ዎጋ ዎደና ዓሲ ዲማሲ ዎጊፖቲ፤ ዓይጎ ባኣዚያ ማፃሞ ዴኤፒ ዓሲ ማዔቲያ ዳካ ዓሲሞ ሄኮ ገሰቲ ዎጉዎቲ። ዒንሢ ዎጋሢ ጾኦሲ ዒንሢሞ ዳዎ ጎይያና ማዓያታሢር ዎናኣ ዒጊጨፖቲ፤ ዒንሢሞ ዴኤፃ ባኣዚ ዓኣቲ ታ ኮይላ ዔኪ ዬዑዎቲ፤ ታ ገሰቲ ኩንሣንዳኔ» 18 ዒንሢ ማዳኒ ኮይላ ባኮ ቢያ ዒማና ታ ዒንሢሞ ኬኤዜኔ» ገዔኔ።

ሙሮ ዳኪንቲ ዓሶ
(ፓይ. ማፃ 13:1-33)

19 «ዬካፓ፡- ናንጊና ናንጋ ጎዳ ማዔ ኑ ጾኦዛሢ ኑና ዓይሢ ጎይያና ሲና ዲኮ ኮይላፓ ዔቂ ሚርጊ ገጫራ ዓኣ ዓሞራ ዓሶ ዓጮ ዔኪ ዓኣዳ፣ ዒንሢ ዛገሢጉዲ ሚርጊ ሚታሳ ዓሲ ናንጉዎ ደውሎ ጎይያና ገዒ ቃዴሴ ባርኔ ኑ ሄሌኔ፤ 20 ዒኣካ ታ ዒንሢሞ፡- ናንጊና ናንጋ ጎዳ ማዔ ኑ ጾኦዛሢ ኑና ዳካልሳኒ ሃጊ ማዓንዳ ዎዞ ዒንጊ

34 «ናንገና ናንጋ ጎዳ ዲንሢ ጌዒ ሺራ ባኮ ዋይዚ ዳጋዳኔ፤
 ይያር፡- 35 ታኣኒ ዲንሢኮ ቤርታኣ ዓድንሢሞ ዳካልጎንዳኔ ጌዒ
 ሃገ ማዓንዳ ዋዞ ዲንጌ፣ ይኖ ማሎ ዓጩሎ ሃያ ፑርቶ ሾይንቶ
 ዓሰይዳፓ ፔቴ ዓሲታፓ ጌላዓኬ፤ 36 ይኖ ዓጩሎ ጌላኒ ዳንዳዓሢ
 ዪፑኔ ናኣዚ ካኣሌቤ ሌሊኬ፤ ዓዚ ጉቤ ዲናፓ ታኣሞ ጉሙርቁንታያ
 ማዓሢሮ ይኖ ዒ ዴንዲ ዛጌ ዓጩሎ ዒዛና ዒዛኮ ዜርዖናም
 ታ ዲንጋንዳኔ፤ ጌዒ ጩኣቄኔ። 37 ዲንሢ ፑርቲሴ ዛሎና ናንገና
 ናንጋ ጎዳ ታ ጌዳታፓ ዳጋዲ፡- «ሙሴ! ኔኤኒያ ይኖ ዓጩሎ
 ጌላዓኬ፤ 38 ጋዓንቴ ኔና ማኣዲ ማዳ፣ ኔዊናኣዚ ዒያሱ ይኖ ዓጩሎ
 ጌላንዳኔ፤ ዓጩሎ ዔያታ ዳካልጎንዳኔ ዒሰራዔኤሌ ዳር ዔኪ
 ዓኣዳጎንዳሢ ዒዛታሢሮ ዒዛ ዶዲሽ» ጌዔኔ።

39 «ዩካፓ፡- ናንገና ናንጋ ጎዳ ኑና ቢያሢሞ ኦኡኮ ሞርካ ዔያቶ
 ዲዒ ዔካንዳኔ ዲንሢ ጌዔ ናኣቶንታ ፑርቶና ኮዠና ዳማሲ ዔሪባኣ
 ዳኮ ናኣታ ሌሊ ዓጩሎ ዴንዲ ጌላንዳኔ፤ ዓጩሎ ታ ዔያቶም
 ዲንጌም ዔያታ ዳካልጎንዳኔ። 40 ዲንሢ ጋዓንቴ ዘቄ ባዞ ባንሢ ዔኪ
 ዓኣዳ ጎይዖና ዓሲ ናንጉዋ ዳውሎ ማዒ ዴንዲዋቴ» ሂዚ ጌዔኔ።

41 «ዒማና ዲንሢ «ሙሴ! ኦኡኒ ናንገና ናንጋ ጎዳም ዋይዞ ዒዲ
 ዳቤኔ፤ ሃሢ ዓካሪ ናንገና ናንጋ ጎዳ ማዔ ኦ ዖኦዛሢ ዓይሢ ጎይዖና
 ኬሰኪ ኦ ዖልታንዳኔ፤ ጌዒ ማሄኔ፤ ይኖ ሚርጌ ጌሚራ ዓኣ ዓጩሎ
 ዓርቃኒ ሽሌዔ ዲንሢሞ ማሌሢሮ ዲንሢ ፔቴ ፔቴሢ ዖልዚ ዓንጋሞ
 ዔኪ ዔቄኔ።»

42 «ናንገና ናንጋ ጎዳ ጋዓንቴ ታኣኒ ዔያቶና ዋላ
 ማዒንዲዋኣሢሮ ዖሎሮ ዔያታ ኬሰኩዋጉዲ ዔያቶም ኬኤዜ፤
 ይያ ዔያታ ዋይዞ ዒዳቲ ሞርካ ዔያቶ ባሻንዳኔ ጌዒ ኬኤዜ
 ታኣሞ ጌዔኔ። 43 ይያ፣ ናንገና ናንጋ ጎዳ ታኣሞ ጌዔ ባኮ ዲንሢሞ
 ታ ኬኤዜኔ፤ ዲንሢ ጋዓንቴ ዋይዞ ዒዳኔ፤ ዒዛም ዋይዞ ዒዲ
 ቶቶርሙሞና ጌሚሮ ሚርጌ ዓኣ ዓጩሎ ዲንሢ ዖላኒ ኬሰኪኔ።
 44 ይኖ ዓጩኮ ጌሚራ ጌሚራ ናንጋ ዓሞራ ዓሳ ኬሰኪ ዲንሢ
 ዖላኔ፤ ዔያታ ማሢጉዲ ዳኡቁ ዴንዲ ሆርማ ሄላንዳኣና ዳውሲ
 ዲንሢ ዳኬኔ፤ ጌሚሮ ሚርጌ ዓኣ ዔይኦሚ ዓጩይዳኣ ዖሎና ዲንሢ
 ዔያታ ባሽኔ። 45 ይያር ናንገና ናንጋ ጎዳ ዲንሢ ማኣዳንዳጉዲ
 ዒላቲ ዲንሢ ይኤኬኔ፤ ጋዓንቴ ዒዚ ዒላቶ ዲንሢኮ ዋይዛኒ ሃሃ
 ማኣዳኒያ ኮዒባኣሴ። 46 ያዲ ማዔሢሮ ቃዴሴይዳ ሚርጌ ዖዶሲ
 ዋይ ዲንሢ ዴዔኔ።»

1:35 1:35 ዔ.ብ. 3:18።

2

ዲሰራዔኤሌ ዴራ ዓሲ ናንጉዋ ደውሎይዳ ማታዲ ሃንቲ ሌዎ

1 ሙሴ ከኤዛዎ፡- «ናንገና ናንጋ ጎዳ ኑና ዓይህ ጎይዎ ዓሲ ናንጉዋ ደውሎ ባንዎና ዘቄ ባዘ ባንህ ዔኪ ዴንዳ ጎይዎይዳና ጌይ ዔዶኦሜ ዓጮ ጌሚሮ ሚርጌ ከሌ ኑ ሺሪ ሃንቲ። 2 ዩካፓ ናንገና ናንጋ ጎዳ ታኣም፡- 3 ሃያ ጌሚሮ ሚርጌ ዓጮይዳ ሚርጌ ከሌ ሴካ ሃንጋ ጌዒ ማታዲ ዒንህ ሃንቲ፤ ሃህ ጋዓንቲ ከዶ ዛሎና ዴንዳዎቲ፤ 4 ዴሮም ሃዚ ጌዒ ዓይህ፡- ዒንህኮ ዒጊና ማዔ፣ ዔኤሳዎ ዘርፃ ናንጋ ጌሚሮ ሚርጌ ዓኣ ዔዶኦሜ ዓጮይዳና ዴንዳዎቲ፤ ዔያታ ዒንህ ዒጊጫንዳኔ፤ ጋዓንቲ ዒንህና ኮሺ ዔሩዎቲ፤ 5 ዔያታ ዒንህ ዎላንዳጉዲ ዔያቶና ፑርቲ ዎልቲፖቲ፤ ዓይጎሮ ጌዔቲ ዔያታ ዴዒ ዓኣ ዓጮይዳፓ ቶኪ ሄርቃንዳጉዴ ቤሲታዎ ታዒንህም ዒንገንዲዎሴ፤ ዔዶኦሜ ዓጮኮ ጌሚሮ ሚርጌ ዓኣ ዓጮ ዔኤሳዎ ዘርፃሮ ማሂ ታዒንጌ። 6 ዒንህም ኮይሳ ሙዎና ዎኣዎና ሚኢሺና ሻንቄ ዔኩዎቲ ጌዔኔ።

7 «ናንገና ናንጋ ጎዳ ማዔ ዒንህኮ ዎኣዛህ ዒንህ ማዳ ማድና ቢያ ሚርጌ ዓንጃ ዒንህም ዒንጌኔ፤ ሃያ ማታሳ ዓሲ ናንጉዋ ደውሎይዳኣ ማታዲ ዒንህ ሃንቲ ዎዶና ዒንህም ኮይሳ ባኮ ከንህ ዒንህ ዒ ካፔኔ፤ ሃህ ዎይዲታሚ ሌዎ ቢያ ናንገና ናንጋ ጎዳ ዒንህና ማዔህረ ፔቲታዎ ዒንህም ፓጩ ባኣዚ ባኣሴ።

8 «ዩያሮ ኑኡኮ ዒጊና፣ ዔኤሳዎ ዘርፃ ናንጋ ዔዶኦሜ ዓጮ ጊዴና ጌዒ ዔላቲና ዔፂዮንጋብሬ ካታሞናይዳፓ ሙካ ጎይዎና ዓራባ ባንዎና ጌዒ ዓሲ ናንጉዋ ሞዓኣቤ ደውሎ ባንህ ማዒ ኑ ዴንዴ።

9 ናንገና ናንጋ ጎዳ ሃህ ታኣም፡- ሎኦዴ ዘርፃ ማዔ፣ ሞዓኣቤ ዓሶ ማታሲፖቲ፤ ዔያቶና ዎላ ፑርቲ ዎልቲፖቲ፤ ዔኤሬ ካታሞ ዔያታ ናንጋንዳጉዲ ታዒንጌ፤ ዩያሮ ዔያቶ ዓጫፓ ታዒንህም ዳካ ቤሲታዎ ዒንጋዓኩ ጌዔኔ።»

10 [ናንገና ናንጋ ጎዳ ሞዓኣቤ ዓሶም ዒንጋንዳሂኮ ቤርታ ዔሚሚ ጌይንታያ ዎልቄና ዓኣ፣ ዲቢ ዴሬ ዔኤሬይዳ ናንጋኔ፤ ዔያታ ዴኤፒ ማዔያ ዔናኣቄ ዓሶጉዲ ዎደሲ ዓሲኩ። 11 ዔናኣቄ ዓሶጉዲ ዔያታኣ ሬፓ ዓሶ ጌይንታያኩ። ሞዓኣቤ ዓሳ ጋዓንቲ ዔያቶ ዔሚሚ ዓሶ ጋዓኔ። 12 ሆኦሬ ዓሳኣ ዔዶኦሜይዳ ናንጋንቲ ዔኤሳዎ ዘርፃ ዔያቶ ደውሲ ባይዚ ቤዛ ዴዔኔ፤ ዩሮ ጎይዎ ዒሰራዔኤሌ ዓሳ ናንጊቤቃ ናንገና ናንጋ ጎዳ ዔያቶም ዒንጌ ዓጩሎይዳፓ ካኣናኔ ዓሶ ደውሲ ከሲ ቤዛ ዴዔኔ።]

2:1 2:1 ፓይ. ማፃ 21:4። 2:4 2:4 ማኸ. ማፃ 36:8። 2:9 2:9 ማኸ. ማፃ 19:37።

13 «ዩካፓ ናንጊና ናንጋ ጎዳ ኑና ዓይሄ ጎይፆ ዜሬዴ ዎርና ኑ ፒንቁኔ፤ 14 ዬይ ባካ ማዲንቴሄ ቃዴሴባርኔይዳፓ ኑ ዴንዴንቴ ሃይሄታሚ ሳሊ ለዴኮ ገንፃፓኩ፤ ናንጊና ናንጋ ጎዳ ዔያቶ ዛሎ ቤርታ ጫኣቁ ጎይፆና ያልዚ ያላኒ ዳንዳዓ ዓቲንቃ ቢያ ዒማና ጋጋፔኔ። 15 ናንጊና ናንጋ ጎዳ ጉቤ ዔያቶ ባይዛንዳያ ሄላንዳኣና ዔያቶ ዒዲ ማኪያ ዒ ሃሺባኣሴ።

16 «ዔያታ ጉቤ ጋፔሰካፓ፣ 17 ናንጊና ናንጋ ጎዳ ታኣም ሂዚ ጌዔኔ፡- 18 ሌኤሬ ካታሞ ባንሂ ዔኪ ዓኣዳ ጎይፆና ሞዓኣቤ ዓጮኮ ጊዴና ሃኖ ዒንሂ ዓዓኣዳንዳያ ኮይሳኔ፤ 19 ዩካፓ ሎኣፃ ዜርፃ ናንጋ፣ ዓሞኣኔ ዓሶ ዓጮ ሙኪ ዑካፆ ዔያቶዎ ሜታሲፖፔ፤ ዔያታ ዓንሂ ያላንዳጉዲ ፑርቲ ዔያቶና ያልቲፖፔ፤ ዔያቶም ታዒገኔ ሳዓፓ ዳካታፆ ታዒንሂም ዒንጋዓኩ» ጌዔኔ።

20 [ዬና ቤዛ ዒኣካ ናንጋ ዴራ ዔኤላ ጎይፆና ሬፓ ዓሶ ዓጮ ጌይንታኔ፤ ዓሞራ ዓሳ ጋዓንቴ ዛምዙሚሜ ዓሶ ዔያቶ ጋዓኔ።

21 ዔያታ ዔናኣቁ ዓሶጉዲ ዔጶና ያዶሲ፣ ሃሃ ዎልቁና ዓኣያ ዲቢያ ዲቢ ዴሬኬ፤ ጋዓንቴ ዓሞኣኔ ዓሳ ያኦሲ ዎልቁና ዔያቶ ባይዚ ሳፆ ዔያቶሲ ዔኪ ዒኣካ ዴዔኔ። 22 ናንጊና ናንጋ ጎዳ ጌሜራ ሚርጌ ዓኣ ዓጮሎ ዔዶኦሚይዳ ናንጋ ዔኤሳዎ ዜርፆም ዬኖጉዴ ባኣዚ ማዴኔ፤ ዎዎዴይ ጌዔቴ ቤርታ ዬኖ ዓጮይዳ ናንጋ ሆኦሬ ዓሶ ባይዚ ሃኖ ሄላኒ ዔያታ ናንጋ ዓጮሎ ዔዶኦሚ ዓሳ ፔ ዓጮ ማሂ ዔኪ ናንጋንዳጉዲ ማሂኔ። 23 ቁርፂሴ ጌይንታ ዎኣፆ ሳዛ ዓኣ ዓጮሎፓ ሙኩ ዴራ ጋኣዛ ካታሞ ኮይላ ናንጋ ዔዎዌ ዓሶ ጌይንታ፣ ዒኣካ ናንጋ ዓሶ ባይዚ ዔያቶ ቤዛ ዴዔኔ።]

24 «ዒማና ሞዓኣቤ ዓጮ ጊዴና ኑ ዓኣዴሰካፓ ናንጊና ናንጋ ጎዳ ኑም ሂዚ ጌዔኔ፡- ሃሃሂ ዔቁ ዓርኖኦኔ ዎርና ፒንቁዎፔ፤ ሃሴቦኦኔ ካታሞ ዎይሃ ዓሞራ ዓጮ ካኣቲ ሲሆኔ ዒዛኮ ዓጮና ዎላ ታዒንሂም ዓኣሂ ዒንጌኔ፤ ዔያቶ ያሊ ዓጮ ዔያቶኮ ዔኩዎፔ፤ 25 ሃይማፓ ዓርቃፆ ዓንኮይዳኣ ማፆም ናንጋ ዴራ ዒንሂ ዒገጫንዳጉዲ ታ ማሃንዳኔ፤ ዒንሂ ዛሎ ዎይዛፆ ቢያሂ ዒገጪ ጎይቃንዳኔ» ጌዔኔ።

ዒሰራዔኤሌ ዓሳ ካኣቲ ሲሆኔ ያሊ ባሽሂ (ፓይ. ማፃ 21:21-30)

26 «ዩካፓ ዓሲ ናንጉዎ ቁዴሞቴ ዳውላፓ ሃሴቦኦኔ ካኣቲ ሲሆኔም ኮሹሞ ከኢታ ዓሲ ሂዚ ጌይ ታኣኒ ዳኬኔ፤ 27 ሲንሂ ዓጮ ጊዴና ኑና ዳኩዎቴራ፤ ጎይፃፓ ኑ ኬሰኪ ሚዛቁ ሻውላ ጎውዎፆ ፒዜ ኑ

2:14 2:14 ፓይ. ማፃ 14:28-35። 2:19 2:19 ማኸ. ማፃ 19:38።

ዴንዳንዳኔ፤ 28 ኑ ሙዓንዳ ሙዖና ዑሽካንዳ ዋኣዖና ኑ ሻሻንቃንዳኔ፤ ኑኡኒ ኮዓሂ ኔ ዓጮይዳና ዓኣዲዖማ ሌሊኬ። 29 ዔድኣሚይዳ ናንጋ ዔኤሳዎ ዜርዖና ዔሬይዳ ናንጋ ሞዓኣሴ ዜርፃ ዔያቶ ዓጮ ጊዳና ኑና ዳኬሂጉዲ ዮርዳኖሴ ዎሮ ኑኡኒ ፒንቂ፣ ናንጊና ናንጋ ኑ ጎዳሂ ኑና ዳካልሳ ዓጮ ኑ ጌላንዳያ ሄላንዳኣና ዒኢና ኑ ዓኣዲሞ ዳኬቴራ።»

30 «ሃሴቦኦኔ ካኣቲ ሲሆኔ ጋዓንቲ ዒዛ ዓጮ ጊዳና ኑ ዓኣዲሞጉዲ ላኣጌኔ፤ ሃሂ ማዴ ጎይዖ ዒንሂኮ ናንጊና ናንጋ ጎዳ ማዔ ዒንሂኮ ያኣዛሂ ዒዛ ዓኣሂ ዒንሂሞ ዒንጋኒ ኮዔሂሮ ዒዛኮ ዒኖ ዶዲሺ ዒዳያ ማሄኔ።»

31 «ዬካፓ ናንጊና ናንጋ ጎዳ ሂዚ ታኣሞ ጌዔኔ፤ ሃኣዛጌ፤ ታኣኒ ካኣቲ ሲሆኔንታ ዒዛኮ ዓጮንታ ኔኤሞ ዓኣሂ ዒንጌኔ፤ ሃሂ ዓካሪ ዒዛ ያሊ ባሺ ዓጮ ዔኪጋፓ ዒኢካ ዴዔ።» 32 ዒማና ካኣቲ ሲሆኔ ዒዛኮ ዓሳ ቢያ ዔኪ ያሃፄ ካታሞ ኮይላ ኑና ያላኒ ሙከኔ፤ 33 ጋዓንቲ ናንጊና ናንጋ ጎዳ ማዔ ኑ ያኣዛሂ ኑሞ ዒዛ ዓኣሂ ዒንጌሂሮ ዒዛንታ ዒዛኮ ናኣቶንታ ዓኣ ባኮሞ ቢያ ኑ ዎዴ። 34 ኑኡኒ ኔጉሞፖ ፔቴ ፔቴ ካታሞ ጉቤ ዓርቂ ሚቹኔ፤ ዬና ካታሞይዳ ቢያ ዓኣ ዓሳ ዓቲንቃ፣ ላኣላ ናኣቶሞ ፔቴታዖ ዓይሱሞፖ ጉቤ ጋፒሲ ኑ ዎዲ ባይዜኔ። 35 ቆልሞሞ ኑ ዔኬኔ፤ ካታሞሞ ቡሬኔ። 36 ናንጊና ናንጋ ጎዳ ማዔ ኑ ያኣዛሂ ጉቤ ካታሞ ኑሞ ዓኣሂ ዒንጌሂሮ ዓርኖኦኔ ዶኦጮኮ ዘጳይዳ ዓኣ ዓሮዔኤሬና ዶኦጮናይዳ ዓኣ ካታሞይዳፓ ዓርቃዖ ዴንዲ ጌሌዓዴ ሄላንዳኣና ኑና ቃዘኒ ዳንዳዔ ካታማ ባኣሴ። 37 ጋዓንቲ ናንጊና ናንጋ ጎዳ ማዔ ኑ ያኣዛሂ ኑ ሄሉሞጉዲ ላኣጌ ዓጮ ጌይዳ፡- ዓሞኦኔ ዓሳ ዓጮ ኮይሎ፤ ያኣቦቂ ዎሮ ኮይሎ፤ ጌሜራ ሚርጌ ዓኣ ካታሞንታኮ ፔቴ ካታማ ባንሂታዖ ኑ ዑኪባኣሴ» ጌዔኔ።

3

ዒሰራዔኤሌ ዓሳ ባኣሳኣኔ ካኣቲ ያኣጌ ያሊ ባሺሂ (ፓይ. ማፃ 21:31-35)

1 ሙሴ ከኤዛዖ፡- «ዬካፓ ሃሂ ኑ ከዶ ዛሎና ጌዒ ባኣሳኣኔ ካኣቲ ዓጮ ዴንዴኔ፤ ዒማና ካኣቲ ያኣጌ ፔኤኮ ዴሮ ቢያ ዔኪ ዔድሬዒ ካታሞይዳ ኑኡና ያልታኒ ሙከኔ፤ 2 ናንጊና ናንጋ ጎዳ ጋዓንቲ ታኣሞ ሂዚ ጌዔኔ፤ ላኣዛ ዒጊጠጊፖ፤ ዒዛንታ ዒዛኮ ዴርንታ ዓጮሞ ቢያ ታ ኔኤሞ ዓኣሂ ዒንጋንዳኔ፤ ሃኣሴቦኦኔይዳ ዴዒ ዎይሃ፡- ዓሞራ ዓጮ ካኣቲ ሲሆኔ ኔ ማዴ ጎይዖ ሃያኣ ዒማይዴ።»

3 «ናገገና ናገገ ጎዳ ማዕ ኑ ያኑዛሢ ባኣሳኣኔ ዓጮ ካኣቲ ያኑገንታ ዳርንታ ዬያይዲ ኑሞ ዓኣሢ ዒንገኔ፤ ኑኡኒ ዒያቶይዳፓ ፔቲታዎ ዓይሱዎዎ ቢያሢ ዎዲ ባይዜኔ። 4 ዬማና ካታሞዎ ቢያ ኑ ዓርቄኔ፤ ኑ ዓርቄባኣ ካታማ ፔቲታዎ ባኣሱ፤ ባኣሳኣኔ ካኣቲ ያኑገ ዓርጎባ ዓጮ ዴማ ማሢ ዎይሢ ላሂታሚ ካታማ ዬያይዲ ኑ ዒኬኔ። 5 ዬይ ካታማ ቢያ ዴጌ፣ ያደሲ፣ ከኤላ ዲሢና ዲርቁንቴያኩ፤ ከኤሎ ዲሮኮ ካራጋጋርቁ ዎድናያኩ፤ ሃሣ ዙላ ከልቁ ዲርቁንቴባኣ ጉርዳ ዒማና ሚርጌ ዓኣኔ። 6 ቤርታ ሃሴቦኣኔ ካኣቲ ሲሆኔፓ ኑ ዒኬ ካታሞ ማዴ ጎይዎ ዬኖ ካታሞዎ ቢያ ኑ ባይዜኔ፤ ዓቲንቆንታ ላኣሎንታ ናኣቶዎ ዓይሱዎዎ ኑ ኩርሴኔ። 7 ቆልሞ ቢያ ኑ ዲዒ ዒኬኔ፤ ካታሞዎ ኑ ኩሬኔ።

8 «ዒማና ዮርዳኖሴ ዎሮኮ ዓባ ኬሰካ ዛላ ዓኣ ቤዘ፤ ሃሣ ዓርኖኣኔ ደኣጮይዳፓ ዴንዲ ሄርሞኔ ዴኩ ሃላንዳኣና ዓኣ ዒያቶሮ ማዕ ዓጮ ዬንሢ ላሞዎ ዓሞራ ዓጮ ካኣቶንሢዳፓ ባሺ ኑ ዒኬኔ። 9 ሄርሞኔ ዴኩኮ ሱንዎ ሲደና ዓሳ ሲሪዮኔ ጋዓዛ፣ ዓሞራ ዓሳ ጋዓንቲ ሲኔሬ ጌይ ጌሢኔ። 10 ዬያይዲ ባኣሳኣኔ ካኣቲ ያኑገ ዎይሢ ዓጮ ጌይዎ፡- ዓሎ ዓጮይዳ ዓኣ ሳላካና ዓባ ኬሰካ ዛላ ዓኣ ዒድሬዒ ጌይንታ ካታሞንሢንታ ጌሌዓዴንታ ባኣሳኣኔ ዴማ ዓኣ ዓጮ ቢያሢ ኑ ዒኬኔ። 11 ሬኤፓ ዓሶ ያጳፓ ዓቲሢ ባኣሳኣኔ ካኣቲ ያኑገ ሌሊኩ፤ ዒዛኮ ዓልጋ ዓንገና ኮሺንቴያ ማዓዛ ዒርቲ ዎድና ዎርቁንታዛ ያደሱማ ሳሊ ዎዳ፤ ዳልጉማ ያይዶ ዎዳ ማዓያኩ። ዬይ ዓልጋ ራኣባ ጌይንታ ዓሞኣኔ ዓሶ ካታሞይዳ ሃኖ ሃላንዳኣና ዓኣኔ» ጌዒኔ።

**ዮርዳኖሴ ዎሮኮ ዓባ ኬሰካ ዛሎና ዴዒ ዓሶ
(ጊይ. ማፃ 32:1-42)**

12 «ዓጮሎ ጌሊ ኑ ዒኬሰካፓ ዓርኖኣኔ ዎሮ ኮይሎይዳ ዓኣ ዓርዒኤሬ ካታማፓ ዴንዲ ከዶ ዛሊና ዓኣ ዓጮንታ ጌሚራ ሚርጌ ዓኣ ጌሌዓዴ ዓጮኮ ዛሎንታ ካታሞና ዎላ ሮኦኤሌሌና ጋኣዴ ማኣሮ ዓሶናሞ ታ ዒንገኔ፤ 13 ሚናኣሴ ማኣሮ ዓሶኮ ሄካሢሞ ጌሌዓዴ ዓጮኮ ዓቲ ቤዘና ካኣቲ ያኑገ ዎይሢ ባኣሳኣኔ ዓጮ ጉቤ ታ ዒንገኔ፤ ዬና ዓጮ ዓርጎቤ ዓጮ ጋራ ዓኣያኩ።»

ባኣሳኣኔ ሬኤፓ ዓሶ ዓጪ ጌይንታያኩ፤ 14 ሚናኣሴ ማኣሮ ዓሶ ማዕ፣ ያዒሬ ጎሥሢ ዓርጎባ ዓጮ ጉቤ ዒኬኔ፤ ዬይ ዓጮ ዴንዲ ጌሹሬና ማዕካ ዓጮ ዛጳ ሄሊ ዓኣ ባኣሳኣኔ ዓጮኩ፤ ዬኖ ዓጮይዳ ዓኣ ጉርዶ ፔ ሱንዎና ሱንዎና ዒ ጌሢሲሴኔ፤ ዬያሮ ዬይ ጉርዳ ሃኖ ሄላኒ ያዒሬ ጉርዶ ጌይንታኔ።

15 «ጌሊዓዴ ዓጮ፡- ሚናኣሴ ማኣሮ ዓሶ ማዕ፣ ማኪሬ ጎሥሢ ታኣኒ ዒንገኔ፤ 16 ሃሣ ሮኦኤሌሌና ጋኣዴ ማኣሮ ዓሶናሞ

ጌሌዓዴይዳፓ ዴንዲ ዓርኖኦኔ ዎሮ ኮይላ ዓኣ ዓጮ ጉቤ ታ ዒንጌኔ፤ ዒያቶኮ ድኦሎ ዛሎ ዛጳ ዓርኖኦኔ ዎሮኮ ሳዘማና ማዓዛ፣ ኬዶ ዛሎ ዛጳ ዓሞኦኔ ዓሶ ዓጮኮዎ ዛጳ ማዒ ያኣቦቄ ዎሮናኬ። 17 ዒያቶኮ ዓባ ጌላ ዛሎይዳ ዓኣ ዓጮ፡- ዓራባና ዮርዳኖሴና ሃሃ ኮይሎይዳ ዓኣ ዓጮ ቢያኬ፤ ዓባ ኬሰካ ዛሎና ዒያቶኮ ዓኣ ዓጮ፡- ጌሊላ ባዛፓ ዓርቃዎ ዴንዲ ፒሲጋ ዲኮ ዴማ ዓኣ ሶኦኔ ባዚ ሃላንዳኣናኬ።

18 «ዒማና ታ ዒያቶኞ፡- ሩንገና ናንጋ ጎዳ ማዒ ኑ ያኦዛሢ ዮርዳኖሴ ዎሮኮ ዓባ ኬሰካ ዛሎና ዓኣ ሃያ ዓጮ ዒንሢ ዴካላንዳጉዲ ዒንሢም ዒንጌኔ፤ ዓካሪ ዒንሢኮ ያላጌ ዴንዳዓ ዓሶም ዓንጋም ዒንገጋፓ ሃንጎ ዒሰራዒኤሌ ዓሳፔ ዓጮ ዔካንዳያ ሃላንዳኣና ዒያቶ ማኣዲ ቤርታ ኬሰኪ ያላንዳጉዲ ዳኩዎቲ።

19 ዒንሢኮ ሚርጌ ቆልሞ ዓኣሢ ታ ዒራኔ፤ ዬያሮ ዒንሢኮ ላኣሎንታ ናኣቶንታ ቆልሞንታ ሌሊ ሃይካ ዓቶንጎ፤ ዒያቶ ሃይካ ታ ዒንሢም ዒንጌ ካታማ ሃሺ ዴንዲዎቲ። 20 ዒንሢኮ ያኦሲ ዒንሢም ሃይካ ማዕ ጎይዎ ዒያቶማኣ ዒዚ ዴካልሳንዳ፣ ዮርዳኖሴ ዎሮኮ ዓባ ጌላ ዛላ ዓኣ ዓጮ ዒንገ ኮሺና ሃውሺሲ ዴይሃንዳያ ሃላንዳኣና ዒንሢኮ ዒገሮ ማዒ ዒሰራዒኤሌ ዓሶ ማኣዲዎቲ፤ ዬካፓ ታ ዒንሢም ዒንጌ ሃሮ ዓጮ ማዒ ሙካጊ ዒንሢ ዴንዳዓኔ ጌዒ ዓይሤ።

21 «ሃሃ ዒያሱ ታኣጊ ሂዚ ጌይ ዘሬኔ፡- ሩንገና ናንጋ ጎዳ ማዒ ዒንሢኮ ያኦዛሢ ሲሆኔና ያኦኔና ጌይንታ ላምዎ ካኣቶንሢ ማዕ ባኮ ዒንሢ ዓኣፒና ዒንሢ ዛጌኔ፤ ዒንሢ ዴካላንዳ ዓጮ ጉቤይዳ ዓኣ ዴሮ ዒማ ጎይዎ ዒ ማዳንዳ። 22 ዒንሢ ዛሎ ያልታንዳሢ ናንገና ናንጋ ጎዳ ማዒ ዒንሢኮ ያኦዛሢ ማዒሢሮ ዬያቶ ዒጊጨፖቲ።» »

ሙሴ ካኣናኔ ዓጮ ጌሉዎጉዲ ላኣጊንቲሢ

23 «ዒማና ታኣጊ ሂዚ ጌይ ዒናፓ ሺኣቄ፡- 24 ሩንገና ናንጋ ጎዳ ማዒ ያኦሲዮ! ሃጊ ኔ ማዳንዳ ዴኤፖ ዴኤፖ ባኮና ዲቃሢ ሄርሺሳ ባኮ ጉቤሢናይዳፓ ኔ ታኣም ዳዌሢ ዓይዎ ካሮ ሌሊ ማዒሢ ታ ዒራኔ፤ ኔኤጊ ማዳ ዴኤፖ ዴኤፖ ባኮ ማዳንዳ ማሌ ያኦሲ ጫሪገጮይዳ ማዒቲ ሳዓ ባኣሴ። 25 ናንገና ናንጋ ጎዳሢዮ! ዮርዳኖሴ ዎሮና ታኣጊ ፒንቄ ዎሮኮ ሶ ሱካ ዓኣ ኮዢ ዓጮሎ፤ ሃሃ ሚርጌ ጌሜራ ዓኣ ማሎ ዓጮሎንታ ሊባኖኦሴ ዴኮንታ ታና ዛጊሴቲራ።»

26 «ጋዓንቲ ዒንሢ ማዕ ባኮ ዛሎና ናንገና ናንጋ ጎዳ ታጊዳ ዴጋዲ፣ ሺኢጲዎ ታኣኮ ዎይዘ ዒፂ፡- ሐይጌ ጊዳንዳኔ! ላሚ ዬሮ ባኮ ታና ያኦጨፖ! 27 ሃሢ ዒቄጋፓ ፒሲጋ ዴኮ ኬሰኬ፤ ኔኤጊ

3:20 3:20 ዒያ. 1:12-15።

የጦርዳናሴ ዋርና ፒንቁ ዳንዲንዲዋአሢሮ ዒኢካ ዔቁ ዓኣፓ ኔኤም ጴዳ ቤዞ ዓጨሎኮ ኬዶ ዛሎንታ ደኦሎ ዛሎንታ፤ ዓባ ኬሰካ ባንጾንታ ጌላ ባንጾንታ ቢያ ዛጌ። 28 ዬያ ጌይጾይዳፓ፡- ዒያሱ ማዳንዳ ባኮ ኬኤዜ፤ ዞሪ ዒዛ ዶዲሼ፤ ዴራ ፒንቁ ኔ ዛጋንዳ ዓጨሎ ዳካላንዳጉዲ ዔያቶ ዔኪ ዓኣዳንዳሢ ዒዛኬ» ታ ኮይላ ጌዔኔ።

29 «ዬያሮ ኦኦኒ ቤትፔጾ ጌይንታ ካታዎኮ ቤርቶ ዛላ ዓኣ ዶኦጮይዳ ዴዔኔ» ጌዔኔ።

4

ዒሰራዔኤሌ ዓሳ ጾኦሲም ዓይሢንታንዳጉዲ ሙሴ ላቲ ኬኤዜሢ

1 ዬካፓ ሙሴ ዴሮም፡- «ዒሰራዔኤሌ ዓሲዮቲ! ዓካሪ ታ ዒንሢም ኬኤዛ ዋጎና ዳምቦና ቢያ ማዲ ኩንሣያ ማዑዋቲ፤ ዬያ ዒንሢ ማዳቲ ሼምፔና ናንጋንዳኔ፤ ናንገና ናንጋ ጎዳ ማዔ ዒንሢኮ ቤርታኣ ዓዶንሢ ጾኦዛሢ ዒንሢም ዒንጋንዳ ዓጮ ጌሊ ዒንሢ ዳካላንዳኔ። 2 ታ ዒንሢም ኬኤዛ ዋጎይዳ ዓይጎ ባኣዚያ ቃሲፖቲ፤ ሃሣ ዓይጎ ባኣዚያ ፓጨሲፖቲ፤ ጋዓንቲ ናንገና ናንጋ ጎዳ ማዔ ዒንሢኮ ጾኦዛሢ ዓይሢ ዓይሢጾ፡ ታኣኒ ዒንሢም ኬኤዛሢ ማዲ ኩንሣያ ማዑዋቲ። 3 ናንገና ናንጋ ጎዳ ማዔ ዒንሢኮ ጾኦዛሢ ፔጾ ዲኮይዳ ማዳ ባኮ ቢያ ዒንሢ ዓኣፒና ዒንሢ ዛጌኔ፤ ዬይያ፡- ዬኖ ዲኮይዳ ባዓኣሌ ጌይንታ ካኣሽኮ ጾኦዛም ዘገ ካኣሽኬ ዓሶ ቢያ ባይዜሢከ። 4 ዒንሢ ጋዓንቲ ናንገና ናንጋ ጎዳ ማዔ ዒንሢኮ ጾኦዛሢም ጉሙርቁንታያ ማዔሢሮ ሃኖ ሄላንዳኣና ሼምፔና ናንጌኔ።

5 «ናንገና ናንጋ ጎዳ ማዔ ታ ጾኦዛሢ ዒንሢም ኬኤዛንዳጉዲ ታና ዓይሢ ዋጎና ዳምቦና ቢያ ታ ዒንሢም ዔርዜኔ፤ ዒንሢ ጌሊ ዳካላንዳ ዓጨሎ ጌሊ ናንጋ ዎዶና ሃንሢ ዓይሢጾንሢ ቦንቺ ካፑዋቲ። 6 ዬያ ዓይሢጾ ዘገ ካፑዋቲ፤ ዬያ ዒንሢ ማዳቲ ሚርጌና ዒንሢ ዔራ፡ ሃሣ ጨንጫ ማዔሢ ማሌ ዴራ ዛጋንዳኔ፤ ዬይ ዴራ ዬያ ዓይሢጾ ዛሎ ዋይዛጾ ሃያ ዲቦ ዴሮም ዎዘጉዴ ዔራቶና ጨንጨሞና ዒንገንቲይ!» ጌይ ዲቃቲ ሄርሻንዳኔ።

7 «ኦኦኒ ሺኢቃ ዎዶና ናንገና ናንጋ ጎዳ ማዔ ኦ ጾኦዛሢ ኦኦኮ ዑኬ ማዓሢጉዲ ማሌ ዓይጎ ዲቢ ዴሬ ዓኣይ፡ ፔ ጾኦዛ ዑኬ ማዔይ? 8 ዎዚ ዲቢ ዴሬ ማዔቲያ ሃኖ ታኣኒ ዒንሢ ቤርታ ዔቁ

3:27 3:27 ፓይ. ማፃ 27:12-14፤ ላሚ. ዎማ 32:48-52። 4:2 4:2 ዮሃ. ጾፔዳ 22:18-19። 4:3 4:3 ፓይ. ማፃ 25:1-9።

ዔርዘ፡ ፒዜ፤ ሃሣ ጳቢንጉባኣ ሃያ ዋጎና ዳምቦናጉዲ ዓኣ ዳሬ ዓንካ ዓኣይ? 9 ዓካሪ፡ ዒንሢ ናንጋ ዋደይዳ ቢያ ሃያ ዓኣፖና ዒንሢ ዛጌ ባኮ ቢያ ዋሉዋጉዲ፤ ሃሣ ዒንሢኮ ዒናፓኣ ባይቁዋጉዲ ኮሺ ዔሩዋቱ። ዒንሢኮ ናኣቶና ናኣቶኮ ናኣቶናም ኬኤዚ ዔርዘዋቱ፤ 10 ናንጊና ናንጋ ጎዳ ማዔ ፆኦሲ ታኣም፡- ታኣኒ ኬኤዛሢ ዔያታ ዋይዘም ታ ኮዓሢሮ ዳር ቡኩሴ። ጌዔ ዋደና ሲና ጳኮ ኮይላ ዒዛ ቤርታ ዒንሢ ዔቁ ኬሎና ላያታ ናንጋ ዋደይዳ ቢያ ታኣም ዔያታ ዓይሢንጎጎዳጉዲና ዔያቶኮ ናኣታ ታና ዒጊጨሢ ዔራንዳጉዲ ዔያታ ፔ ናኣቶም ኬኤዚ ዔርዘንጎ። ጌዔሢ ጳቂሠዋቱ።

11 «ጫሪማኦሪ ዓኣዲ ዳግ ጌዔ ታም ሎስታሢና ዳም ጌዔ ጨቦ ሻኣሮና ባይዜ ጳኮኮ ዳማ ሙኪ ዒንሢ ዔቁኔ፤ 12 ዒማና ታም ሎስታሢ ባኣካ ማዒ ናንጊና ናንጋ ጎዳ ዒንሢም ኬኤዜኔ፤ ዒ ጌዔ ባኮዋ ዒንሢ ዋይዜኔ፤ ዑኡዞ ሌሊ ዒንሢ ዋይዜያፓዓቱም ዑያ ዒዛኮ ዒንሢ ጋዓንቴ ዳንቁባኣሴ። 13 ዒዚ ዒንሢና ዋላ ጫኣቁ ጫኣቁም፤ ጌይፆ፡- ዒንሢ ካፓንዳጉዲ ዒንሢ ዒ ዓይሢ ታጳ ዓይሢፆንሢ ዒንሢም ኬኤዜኔ፤ ሃሣ ዜያ ዓይሢፆ ላምፆ ዓርሲንቴ ሹቹዳ ዒ ፆኣፔኔ። 14 ዒንሢ ፆሊ ባሺ ዳካሊ ናንጋንዳ ዓጨሎይዳ ዒንሢ ናንጋ ዋደና ማዲ ኩንሣንዳ ዋጎና ዳምቦና ታ ዒንሢም ኬኤዚ ዔርዘንዳጉዲ ናንጊና ናንጋ ጎዳ ታና ዓይሢኔ» ጌዔኔ።

ሜሌ ፆኦዞ ካኣሸኪፆ ላኣጊንቴሢ

15-16 ሙሴ ኬኤዘፆ፡- «ናንጊና ናንጋ ጎዳ ሲና ጳኮይዳ ዔኤታ ታም ሎስታሢ ባኣካ ማዒ ዒንሢም ኬኤዜ ዋደና ፔቲታፆ ዑፆ ዒዛኮ ዒንሢ ዳንቁባኣሴ፤ ዜያሮ ዓቲንቁ ማሎና ማፆም ላኣሊ ማሎና ካኣሸኮ ባኣዚ ማዢ ዒንሢ ዒኢቱዋጉዲ ዒንሢና ኮሺ ዔሩዋቱ! 17 ቆልሞንታ ካይዚ ቦፆንታ ካፒንታ፡ 18 ሃሣ ጊንሣ ዳዲና ጎቹንቴ ሃንታ ባኮና ሳፆኮ ዳማዋኣፆ ሳዛ ናንጋ ሞላሢ ማሎዋ ማፆም ዓይጎ ባኣዚኮዋ ማሎ ካኣሸኮ ባኣዚ ማሢ ማዢፖቱ። 19 ጫሪንጮይዳ ዒንሢ ዛጋ ዓቦንታ ዓጊሮንታ፡ ሃሣ ዡኣጋሢያ ማፆም ጫሪንጫ ዓኣ ማዢንቶ ቢያ ፆኦሲ ማሢ ዚጊ ካኣሸኪኒ ዒንሢ ኮዑዋጉዲ ዒንሢና ዔሩዋቱ፤ ናንጊና ናንጋ ጎዳ ዒንሢኮ ፆኣዛሢ ዜያ ባኮ ቢያ ዒንሢ ዜርፆ ማዒባኣ ሜሌ ዳራ ካኣሸኪንዳጉዲ ዔያቶም ማሢ ዒንጌኔ። 20 ጋዓንቴ ናንጊና ናንጋ ጎዳ ዓንጎ ጊልፖ ደኣጮ ጉዴያ ማዔ፡ ጊብፆ ዓጫፓ ዒንሢ ዔኪ ኬሴሢ ሃሮ ዒንሢ

4:11 4:11 ኬሲ. ማፆ 19:16-18፤ ዔ.ብ. 12:18-19። 4:14 4:14 ኬሲ. ማፆ 21:1። 4:15-16 4:15-16 ኬሲ. ማፆ 20:4፤ ሌዊ. ዓኬ 26:1፤ ላሚ. ዋማ 5:8፤ 27:15። 4:18 4:18 ሮሜ 1:23።

ማዒ ዓኣ ጎይፆ ዒዛም ደመገዳ ዓሲ ማዓንዳጉዲ ኮዒኬ። 21 ዒንሢ ማገዳ ባኮ ዛሎና ናንገና ናንገ ጎዳ ዒንሢኮ ፆኣዛሢ ታገዳ ደጋዲ ታኣኒ ዮርዳኖሴ ዋሮና ፒንቁ ዳንዲንዲዋኣሢ፤ ሃሃ ዒዚ ዒንሢም ዒንገንዳ ዬኖ ማሎ ዓጩሎ ታ ጌሊንዲዋኣሢ ታኣም ጫኣቂ ኬኤዜ። 22 ዬያሮ ታኣኒ ዮርዳኖሴ ዋሮና ፒንቁዋፆ ሃኖ ዓጩይዳ ሃይቃንዳ፤ ዒንሢ ጋዓንቲ ፒንቁ ዬኖ ማሎ ዓጩሎ ዳካላንዳ። 23 ዬያሮ ናንገና ናንገ ጎዳ ዒንሢና ዋላ ጫኣቂ ጫኣቁም ዒንሢ ዋሎዋጉዲ ዒንሢና ዔሩዋቲ፤ ዓይጎ ባኣዚያ ማፆም ካኣሽኮ ባኣዚ ማሂ ካኣሽኪፖቲ፤ ዒዚ ዒንሢም ዓይህ ባኮ ማዲ ኩንሡዋቲ። 24 ዓይጎሮ ጌዔቲ ናንገና ናንገ ጎዳ ዒንሢኮ ፆኣዛሢ ሚቻ ታሚኬ፤ ሃሃ ማሌ ፆኣሲ ጌይንታይ ካኣሽኪንታዳጉዲ ኮዑዋኣያኬ።

25 «ናይ ሸይ ሃሃ ናኣቶኮ ናኣቶ ሄላንዳኣና ዓጩሎይዳ ኮሺና ዒንሢ ናንገኣና ናንገና ናንገ ጎዳ ዒንሢኮ ፆኣሲ ዒሢያ ማዔ ኩቻ ማዢንቲ ባኣዚ ዓይጎዋ ማፆም ማሌ ፆኣሲ ማሂ ማዢ ዒዛ ዒንሢ ደጋሱዋጉዲ፤ 26 ታ ጋዓ ባኮ ዋይዞ ዒንሢ ዒፆቶ ዮርዳኖሴ ዋሮና ፒንቁ ዒንሢ ዳካላንዳ ዓጩሎይዳፓ ኔጉዋፆ ጋፒ ዒንሢ ባይቃንዳሢ ታ ዒንሢ ዔርዛኒ ሃኖ ዒንሢ ዑፃ ጫሪንጮና ሳፆና ማርካ ማሂ ሃያ ታ ኬኤዜ። 27 ናንገና ናንገ ጎዳ ዒንሢ ማሌ ዴሮ ባኣካ ዜርቃንዳ፤ ዬያ ዒንሢ ዒ ዜሬ ቤዘይዳ ዳካ ዓሲ ዓታንዳ። 28 ዬኖ ቤዘይዳ ዛጋኒ፣ ዋይዛኒ፣ ሙዒኒ፣ ሲንቁ ደመሲ ዔራኒ ዳንዳዑዋያ ሚሢና ሹቸናይዳፓ ዓሲ ፔ ኩቻ ማዢ ማሌ ፆኣዞ ዒንሢ ካኣሽካንዳ። 29 ጋዓንቲ ዒኣካ ዒንሢ ናንገ ዋዶና ናንገና ናንገ ጎዳ ዒንሢኮ ፆኣዛሢ ዒንሢ ጸቂሢ ኮዓንዳ፤ ዒዛ ዒንሢ ጉቤ ዒናፓ ኮዔቲ ዳንቃንዳ፤ 30 ሃገ ዬይ ባካ ቢያ ዒንሢ ሄሌም ማቶይዳ ዒንሢ ጌሌ ዋዶና ናንገና ናንገ ጎዳ ዒንሢኮ ፆኣዛሢ ባንሢ ማዒ ዒዛም ዒንሢ ዓይሢንታያ ማዓንዳ። 31 ዒዚ ዓቶም ጋዓ ፆኣሲታሢሮ ዒንሢ ዒ ሃሻዓኬ፤ ፔቶዋ ዒንሢ ጋፒ ባይቃንዳጉዲ ዒ ማሃዓኬ፤ ዒንሢኮ ቤርታኣ ዓደንሢና ዋላ ዒ ጫኣቂ ጫኣቁም ፔቲታፆ ዋላያቲዋሴ።

32 «ፆኣሲ ሳፆይዳ ዓሲ ማዢማፓ ዓርቃፆ ጫሪንጮኮ ካራፓ ጋፓ ሄላንዳኣና ሂንዳ ዬያጉዴ ዴኤፒ ባኣዚ ማዲንቲያታቲ፤ ሃሃ ዬያጉዴ ባኣዚ ዋይዜ ዓሲ ዓኣቲ ዒንሢኮ ቤርታ ዓኣጴ ዋዶ ዛላ ፆኣጩዋቲ። 33 ዒንሢ ዋይዜ ጎይፆ ፆኣሲ ዔኤታ ታሞ ሎስታሢ ባኣካ ማዒ ኬኤዜም ሸምፔና ናንጋኒ ዳንዳዔ ዴሬ ዋካ ዓኣይፆ?

4:20 4:20 ኬሲ. ማፃ 19:5፤ ላሚ. ዋፆ 7:6፤ 14:2፤ 26:18፤ ቲቶ 2:14፤ 1ጴ፩. 2:9።
 4:21 4:21 20:12። 4:24 4:24 ዔ.ብ. 12:29።

34 ዲንሢ ዛጌ ጎይፆ ናንጊና ናንጋ ጎዳ ዲንሢኮ ፆካዛሢ ጊብፂ ዓጮይዳ ማዴ ጎይፆ ዲ ናሽኬ ዓሶ ዛላ ዔቁ ሜሌ ዓሶይዳ ማቶ ዔኪ ዬዒ፣ ፆኦሲ ዎልቁና ማዲንታ ዓኪ ባኣዚና ዱማ ዱማ ማላታ ዳዊ፣ ዔያቶ ዛሎ ፆልቲ፣ ፔኤኮ ዎልቆና ዱዱሞና ዳዊ ፔቲ ዴሬ ባኣካፓ ፔኤም ማዔ ዴሬ ዱማሲ ዔካጊ ዳንዳዔ ሜሌ ፆኦሲ ዎካ ዓኣይ? 35 ናንጊና ናንጋ ጎዳ ማዔ ፆኦሲ ዲዛ ሌሊ ማዔሢና ዲዛይዳፓ ዓቲም ሜሌ ፆኦሲ ባኣያ ማዔሢ ዔርዛጊ ዲዚ ዬያ ቢያ ዲንሢም ዳዌ። 36 ዲንሢ ዲ ዔርዛጊ ኮዔሢሮ ጫሪንጫፓ ዑኡዝ ፔኤሲ ዎይዚሴኔ፤ ጎይፆዳ ዲዛም ዱማዴ ታሞ ዲንሢ ዲ ዳዌ፤ ዬያ ታሞ ባኣኮይዳ ማዔያ ዲንሢና ዲ ጌሰቲ። 37 ዲንሢኮ ቤርታኣ ዓደንሢ ዲ ናሽኪ ዲንሢ ዔያቶኮ ናኣቶ ዲ ደኣሬሢሮ ፔኤኮ ዴኤፖ ዎልቆና ፔኤሮ ጊብፂፓ ዲንሢ ኬሴ። 38 ዲንሢም ዲ ዲንጋ ዓጮሎኮ ዲንሢ ዑካዛ ዲንሢዳፓ ባሽ ዎልቁና ማዔ ዴር ቤርታፓ ዲንሢኮ ዳኪ ባይዚኔ፤ ዬያ ዲ ማዴሢ ዲንሢ ዛጋሢጉዲ ዲንሢ ዲ ዔኪ ሙኪ ዔያቶሮ ማዔ፣ ዔያቶ ዓጮ ዳካልሳጊ ኮዔሢሮ። 39 ዬያሮ ሌካ ጫሪንጫይዳ፤ ሊካ ጎይፆዳ ናንጊና ናንጋ ጎዳ ዲዚ ሌሊ ፆኦሲ ማዔሢ፣ ሃሣ ዲዛይዳፓ ሜሌ ፆኦሲ ባኣሢያ ዔራዎቲ፤ ዲኖይዳኣ ዲንሢኮ ኮሽ ዓርቁዎቲ። 40 ሃኖ ታ ዲንሢም ኬኤዛ ሃያ ዓይሢፆ ማዴ ዲንሢ ኩንሢቲ ዲንሢና ዲንሢኮ ናኣቶናም ኮሽ ማዓንዳኔ፤ ናንጊና ናንጋ ጎዳ ዲንሢኮ ፆካዛሢ ዲኣካ ዲንሢ ናኣናና ናንጋንዳጉዲ ዳካልሳ ዓጮይዳ ፆደሲ ለዔ ዲንሢ ናንጋንዳኔ»

ዓሲ ዎዴ ዓሲ ዓኣሽንቲ ቶላ ካታማ

41 ዬካፓ ሙሴ ዮርዳኖሴ ዎሮኮ ሶ ሱካ፣ ዓባ ኬሰካ ባንፆይዳ ሃይሣ ካታማ ዱማሴኔ፤ 42 ዬያ ዲ ማዴሢ ቤርታ ሞርኬ ማዔባኣያታንቲ ዳቢንቲና ዓሲ ዎዴ ዓሲ ፔ ሽምፓሢ ዓውሳጊ ዲዛ ካታሞ ጌሊ ዓታንዳጉዲ ጌይኬ፤ ዬይ ዓሢ ቶሊ ዬንሢ ካታሞ ጌሌቲ ዓሲ ዲዛ ዎዳጊ ዳንዳዑሞሴ። 43 ዬያሮ ሮኦቤኤሌ ማኣሮ ዓሶም ዓሲ ናንጉዎ ዳውሎይዳ ዴጌ ቤዛ ዓኣ ቤፆሬ ካታሞ፤ ጋኣዴ ማኣሮ ዓሶም ጌሌዓዴ ዓጮ ጋራ ዓኣ ራሞቲ ካታሞ፤ ሚናኣሴ ማኣሮ ዓሶም ባኣሳኣኔ ዓጮ ጋራ ዓኣ ጎላኔ ካታሞ ዱማሲ ዲዚ ዲንጌ።

44 ሙሴ ዲሰራዔኤሌ ዓሶም ኬኤዜ ፆኦሲ ዎጋ ዬያኬ። 45 ዲሰራዔኤሌ ዴራ ጊብፂ ዓጫፓ ኬሰካዛ ሙሴ ዔያቶም ዓይሢ ዳሞቦና ዎጎና ኬዴና ኬኤዚንቲ ባኮኬ። 46 ዬያ ዲ ኬኤዜሢ ዮርዳኖሴ ዎሮኮ ሱካ ፔትልፔፆ ደኣጮኮ ቤርቶ ዛላ ዓሞራ ዓጮ ካኣቲ ሃሴቦኣኔ ካኣታዲ ዎይሣያ፤ ሃሣ ሙሴና ዲሰራዔኤሌ ዴሮና

ጊብጻፓ ኬስካዎ ያለ ባሼ፣ ሲሆኑ ዓጮይዳ ዓኣዖኩ። 47 ዲማና ዔያታ ዒዛኮ ዓጮና ዬያጉዲ ሃሣ ዮርዳኖሴፓ ዓባ ኬስካ ዛሎይዳ ዓኣ ባኣሳኣኔ ዓጮ ዋይሣ፣ ያጌ ዓጮዋ ዔኬኔ፤ ዬና ላምዎ ካኣታ ዓሞራ ዓሶ ዋይሣያኩ። 48 ዬይ ዓጮ ዓርዔኤሬ ካታማፓ ዓርቃዎ ዓርኖኦኔ ዋሮኮ ዓጮማ ዓርቂ ኬዶ ዛሊና ዴንዲ ሲሪዮኔ ዲኮ ሄላኔ፤ ዬይ ሲሪዮኔ ዲኮ ጌይንታሢ ሄርሞኔ ዲኮኩ። 49 ዬይ ዓጮ ዮርዳኖሴ ዋሮኮ ዓባ ኬስካ ዛሎና ዓኣ ዓራባ ዓጮ ዔካዎ ደኣሎ ዛሊና ዴንዲ ሶኦጌ ባዚ ሄላኔ፤ ዬያጉዲ ሃሣ ዓባ ኬስካ ዛሎና ፒሲጋ ዲኮ ዴሞ ሄላንዳኣና ዓኣዲያኩ።

5

ታጳ ዓይሢዎ
(ኬሲ. ማፃ 20:1-7)

1 ሙሴ ዒሰራዔኤሌ ዴሮ ቢያ ዔኤላዎ፡- «ዒሰራዔኤሌ ዓሲዮቴ! ታኣኒ ሃኖ ዒንሢሞ ኬኤዛ ዎጎና ዳምቦና ዋይዚ፣ ኮሺ ዛጊ ዔሪ ካፑዋቴ። 2 ናንጊና ናንጋ ጎዳ ማዔ ኑ ያኦዛሢ ሲና ዲኮ ኮይላ ኑኡና ዎላ ጫኣቄኔ፤ 3 ዒዚ ጫኣቄሢ ኑ ዓዶንሢና ሌሊቱዋንቴ ሃሢ ሺምፔና ዓኣ ኑና ጉቤሢናኣ ዎላኩ። 4 ዬና ዲኮይዳ ዔኤቴ ታሞ ባኣካ ማዒ ዒንሢኮ ቤርታ ዔቂ ዒንሢና ዒ ጌሰቴኔ፤ 5 ታኣኒ ዒማና ዒ ጋባ ባኮ ቢያ ዒንሢሞ ኬኤዛኒ ዒንሢና ዒዛናኮ ባኣካ ዔቄኔ፤ ዓይጎሮ ጌዔቴ ዒንሢ ታሞ ዒጊጪ ዲኮ ኬስካኒ ኮዒባኣሢሮኩ።»

«ዒማና ዒዚ፡- 6 ዓይሌ ማዒ ሻንቁንቴ ናንጌ ጊብጻ ዓጮፓ ኔና ኬሴሢ ታና፣ ናንጊና ናንጋ ጎዳ ማዔ ኔኤኮ ያኦዛሢኩ።»

7 «ታ ጊዳፓዓቱም ሜሌ ያኦዛ ካኣሽኪ።»

8 «ጫሪንጫኣ ማዎም ሳዓ፤ ሳዎኮዋ ዴማ ዋኣዎ ሳዛ ናንጋ ባኣዚያ ማሊሲ ኮሺ ዔኪ ካኣሽኪ። 9 ታኣኒ፣ ናንጊና ናንጋ ጎዳ ማዔ ኔኤኮ ያኦዛሢ ታና ሃሺ ሜሌ ያኦዛ ካኣሽካ ዓሶ ዓዶንሢ ጎሞ ናኣቶይዳ ማሢ ዴንዲ ሃይሃ ሸይንቴ ሄላንዳኣና ኮሜ ኮዎያኩ፤ ሃሣ ታጊዳፓ ሜሌ ያኦሲ ካኣሽኪንታንዳጉዲ ታኣኒ ኮዑዋ ያኦሲ ማዔሢሮ ዬያ ዓሲ ኩቻ ማዢንቴ ባኮም ዚጊ። ሃሣ ካኣሽኪ። 10 ታና ናሽካዘንሢና ታ ዓይሢዎ ካፓዘንሢም ጋዓንቴ ዴንዲ ሺያ ሸይንቴ ሄላንዳኣና ታኣኮ ናንጊና ናንጋ ሚጪንቶ ታኣኒ ፔጋሲ ዳዎያኩ።»

5:9 5:9 ሊዊ. ዓኩ 26:1፤ ላሚ. ዎማ 4:15-18፤ 27:15። 5:10 5:10 ኬሲ. ማፃ 34:6-7፤ ፓይ. ማፃ 14:18፤ ላሚ. ዎማ 7:9-10።

11 «ታና፡ ናንገና ናንጋ ጎዳ ማዔ ኔ ጾክዛሢኮ ሱንጾ ማዒባኣ ባኣዚና ዔኤሊፖ፤ ታ ሱንጾ ማዒባኣ ባኣዚና ዔኤላ ዓሲዳ ማቶ ሄሊሱዋጾ ታ ሃሹዋያኬ።

12 «ታኣኒ፡ ናንገና ናንጋ ጎዳ ማዔ ኔኤኮ ጾክዛሢ ኔና ዓይሤ ጎይጾና ሃውሾ ኬሎ ታኣም ዲማዴያ ማሂ ቦንቹ፤ 13 ማዶ ቢያ ኔ ማዳንዳ ላሆ ኬሊ ኔኤም ዓኣኔ፤ 14 ላንካሳ ኬላ ጋዓንቲ ታና፡ ጾኦ፡ ኔ ጎዳሢም ዲማዴ ሃውሾ ኬሊኬ፤ ዬኖ ኬሎና ዓይጎ ማዶዋ ማዲፖ፤ ኔናታቲያ ኔኤኮ ናኣታ፡ ኔኤም ማዳ ዓሶ ማዔቲያ ቆልማ፤ ሃሣ ኔኤና ዋላ ናንጋያ ሜሌ ዓጨፓ ሙኬ ዓሲ ማዔቲያ ዓይጎ ማዶዋ ማጾም ማዲፖቲ፤ ኔኤም ማዳዞንሢ ኔ ሃውሹ ጎይጾ ሃውሾንጎ።

15 ጊብፄ ዓጮይዳ ካራሚ ማዒ ኔ ናንገሢንታ ናንገና ናንጋ ጎዳ ማዔ ኔ ጾክዛሢ ፔኤኮ ዴኤፖ ዋልቆና ፔ ቢታንቶና ዬካፓ ኔና ኬሶሢ ጸቂሣ፤ ናንገና ናንጋ ጎዳ ማዔ ኔ ጾክዛሢ ሃውሾ ኬሎ ኔ ቦንቻንዳጉዲ ዓይሤሣ ዬያሮኬ።

16 «ታኣኒ፡ ናንገና ናንጋ ጎዳ ማዔ ኔ ጾክዛሢ ዓይሤ ጎይጾና ኔ ዓደንታ ኔ ዒንደንታ ቦንቹ፤ ዬያ ኔኤኒ ማዴቲ ቢያ ባኣዚ ኔኤም ጊኢጋንዳኔ፤ ታኣኒ፡ ናንገና ናንጋ ጎዳ ማዔ ኔ ጾክዛሢ ኔኤም ዒንጋ ዓጮሎይዳ ሚርጌ ሌዔ ኔ ናንጋንዳኔ።

17 «ዓሲ ዋዲፖ፤

18 «ማቾ ሃሣ ዓኒ ማዒባኣ ዓሲና ላሂፖ፤

19 «ዉኡቁፖ፤

20 «ዓይጎ ዓሲ ዑሰካኣ ማጾም ሉኡቁ ማርካዲፖ፤

21 « ለሜሌ ዓሲኮ ማቻ፡ ማኣራ፡ ጎዣ፡ ማዳ ዓሳ፡ ባኣቶንታ ሃሮንታ፤ ዓሢኮ ዓኣ ባኣዚ ቢያ ዛገ ኔኤሮ ማዓኣቢሽ ጌይ ማሊፖ» ጌዔ።

22 «ዲኮ ኮይላ ዒንሢ ቡኬ ዋደና ናንገና ናንጋ ጎዳ ዒንሢ ቢያሢም ዲኮይዳ ዔቂ ኬኤዜ ዓይሤፃ ዬያኬ፤ ዒዚ ዒማና ዔኤታ

5:11 5:11 ሉዊ. ዓኬ 19:12። 5:12 5:12 ኬሲ. ማፃ 16:23-30፤ 31:12-14።
5:14 5:14 ኬሲ. ማፃ 23:12፤ 31:15፤ 34:21፤ 35:2፤ ሉዊ. ዓኬ 23:3። 5:16
5:16 ላሚ. ዋማ 27:16፤ ማቲ. 15:4፤ 19:19፤ ማር. 7:10፤ 10:19፤ ሉቃ. 18:20፤
ዔፕ. 6:2-3። 5:17 5:17 ማኸ. ማፃ 9:6፤ ሉዊ. ዓኬ 9:6፤ 24:17፤ ማቲ. 5:21፤
19:18፤ ማር. 10:19፤ ሉቃ. 18:20፤ ሮሜ 13:9፤ ያይ. 2:11። 5:18 5:18 ሉዊ.
ዓኬ 20:10፤ ማቲ. 5:27፤ 19:18፤ ማር. 10:19፤ ሉቃ. 18:20፤ ሮሜ 13:9፤ ያይ. 2:11።
5:19 5:19 ሉዊ. ዓኬ 19:11፤ ማቲ. 19:18፤ ማር. 10:19፤ ሉቃ. 18:20፤ ሮሜ 13:9።
5:20 5:20 ኬሲ. ማፃ 23:1፤ ማቲ. 19:18፤ ማር. 10:19፤ ሉቃ. 18:20። 5:21
5:21 ሮሜ 7:7፤ 13:9።

ታሞና ሻኦርና ሻኔ ደሞናይዳ ማዒ ደኤፒ ዑኩሲና ከኤዛየ ዒንሢ ዓይሤ ዓይሤየ ዩንሢ ሌሊኬ፤ ዩንሢ ዒዚ ላምየ ዓርሲንቴ ሹቺዳ ፃኦፒ ታኦም ዒንጌኔ» ጌዔኔ።

ዴራ ዒጊጨፍ ዒጊጨየ
(ኬሲ. ማፃ 20:18-21)

23 ሙሴ ከኤዛየ፡- «ዲኮይዳ ታማ ዔኤታሢና ደሞይዳ ዑኩዛ ዒንሢም ዋይዚንቴ ዋደና ፔቴ ፔቴ ፃጰ ማኦርኮ ሱኡጎና ዓጮ ጨሞና ቢያ ታ ኮይላ ሙከ። 24 ሲዚ ታሞ ባኦካ ማዒ ጌስታሢ ኑ ዋይዜ ዋደና ናንጊና ናንጋ ጎዳ ማዔ ኑ ፆኦዛሢኮ ደኤፑሞና ዒ ቦንቺንቴያ ማዔሢ ኑና ዒ ደቄኔ፤ ፆኦሲ ዓሲና ጌስቴም ዓሲ ሺምፔና ዓቲ ናንጋያታሢ ሃኖ ኑ ዛጌኔ። 25 ዩይ ደኤፖ ታማ ኑና ሙይ ባይዛንዳኔ፤ ኑ ዓይጎር ሃይቃኒ ኮዓይ? ናንጊና ናንጋ ጎዳ ማዔ ኑ ፆኦዛሢ ላሚ ኑኡና ጌስቴቴ ኑ ሃይቃንዳኔ። 26 ናንጊና ናንጋ ፆኦዛሢ ታሚ ባኦካ ማዒ ከኤዜም ሺምፔና ዓቲ ናንጋይ ዓሲ ዜርሢዳ ፔቴታየ ባኦሲ፤ 27 ዩያሮ ሙሴ! ኔኤኒ ዒዛ ባንሢ ዑከ ናንጊና ናንጋ ጎዳ ማዔ ኑ ፆኦዛሢ ጋዓ ባኮ ቢያ ዋይዜ፤ ዩካፓ ሙከ ዒዚ ጌዔ ባኮ ቢያ ኑኡም ከኤዜ፤ ኑኡኒ ዩያ ዋይዚ ዓይሢንታያ ማዓንዳኔ» ጌዔኔ።

28 «ዒንሢ ዩያ ጋዓሢ ናንጊና ናንጋ ጎዳ ዋይዛየ፡- ሃይ ዴራ ቢያ ኔኤም ከኤዛ ባኮ ቢያ ታ ዋይዜኔ፤ ዔያታ ጌዔ ባካ ፒዜኬ፤ 29 ቢያ ዋዴ ዩያይዲ ዔያታ ማላያታቴ ዋዚ ኮሺታየ ዓቲይ! ቢያ ዋዴ ታና ዔያታ ቦንቺ ታ ዓይሢ ዓይሢየዋ ከንሣቶ ቢያ ባኦዚ ዔያቶና ዔያቶኮ ዜርፆናም ናንጊና ኮሺ ማዓንዳያታንቴከ። 30 ሃሢ ኔኤኒ ዴንዲ ዔያታ ፔኤኮ ዓፒሎና ማዢንቴ ማኦር ጌላንዳጉዲ ከኤዜ። 31 ታኦኒ ጌኤም ታኦኮ ዋጎና ዓይሢየና ዳምቦና ቢያ ከኤዛንዳሢር ኔኤኒ ጊንሣ ማዒ ታ ኮይላ ሙከ፤ ታኦኒ ዔያቶም ዒንጋ ዓጮይዳ ዩንሢ ዋጎንሢንታ ዓይሢየንታ ዳምቦንታ ካፒ ዔያታ ናንጋንዳጉዲ ዴር ኔኤኒ ዔርዜ» ጌዔኔ።

32 «ዩያሮ ዒሲራዔኤሌ ዴሬዮቴ! ናንጊና ናንጋ ጎዳ ማዔ ዒንሢኮ ፆኦዛሢ ዒንሢ ዓይሢ ባኮ ቢያ ከንሣኒ ጊኦጊያ ማዕዎቴ፤ ዋጎይዳፓ ፔቴ ባኦዚታየ ማዲ ከንሡዋየ ፓጨሲፖቴ፤ 33 ቢያ ባኦዚ ዒንሢም ጊኦጋንዳጉዲ፡ ዒንሢ ዳካላ ዓጮሎይዳኦ ሚርጌ ሌዔ ናንጋኒ ናንጊና ናንጋ ጎዳ ዒንሢ ዓይሢ ባኮ ቢያ ማዲ ከንሡዋቴ» ጌዔኔ።

5:27 5:27 ዔ.ብ. 12:18-19።

6

ጴጥሮስ ዓይሥሣ

1 ሙሴ ሃሣ ከኤዛዮ፡- «ዮርዳኖስ ዋርና ፒንቂ ዒንሢ ደካላንዳ ዓጩሎ ጌላዖ ዒንሢ ካፓንዳጉዲ ታ ዒንሢ ዒርዘም ናንገና ናንጋ ጎዳ ማዔ ዒንሢኮ ጾኦዛሢ ታኦም ከኤዜ ዓይሢዖና ዋጎና ደምቦና ሃንሢኮ፤² ዬኖ ዓጩሎይዳ ሚርጌ ሌዔ ናንጋኒ ዒንሢንታ ዒንሢ ናኦቶንታ ናኦቶኮ ናኦቶንታ ዒንሢ ናንጋ ዋደና ቢያ ጾኦሲ ቦንቹ፤ ሃሣ ታ ዒንሢም ዓይሢ ደምቦና ዋጎና ማዲ ኩንሣንዳያ ኮይሳኔ።³ ዒሰራዔኤሌ ዓሲዮቴ! ሃንሢ ዋጎንሢ ዋይዙዋቴ! ሃሣ ዓይሢንቲ ማዲ ኩንሣያ ማዕ-ዋቴ! ያኦዴ ዒንሢ ማዴቴ ዒንሢኮ ቤርታኦ ዓደንሢም ናንገና ናንጋ ጎዳ ዒንጌ ሃጊ ማዓንዳ ዋዘ ጎይዖና ዔኤዘና ዲኤቆና ኩሚ ዓጩሎይዳ ቢያ ባኦዚ ዒንሢም ጊኢጋንዳኔ፤ ሃሣ ዒንሢ ሸይንቲያ ሚርጋንዳኔ።

4 «ዒሰራዔኤሌ ዓሲዮ ዋይዙዋቴ! ናንገና ናንጋ ጎዳ ማዔ ኑ ጾኦዛሢ ፔቴ ጎዳኬ፤ ዒዛፓዓቴም ማሌ ጎዳቲ ባኦሲ።⁵ ናንገና ናንጋ ጎዳ ማዔ ኔኤኮ ጾኦዛሢ ጉቤ ዒናፓ፣ ጉቤ ሸምፓፓ፣ ጉቤ ዋልቃፓ ናሽኬ፤⁶ ሃኖ ታ ኔኤም ዓይሢ ከኤዛ ሃንሢ ዓይሢዖ ዋሊፖ፤⁷ ዬንሢ ዓይሢዖንሢ ኔኤኮ ናኦቶ ላሚ ላሚ ዔርዜ፤ ማኦራ ኔ ዳዓኦና፣ ጎይሢ ኔ ዳንዳኦና፣ ጎይሢዳ ኔ ሃውሻ ቤዘይዳ ማዔቶዋ ማዴ ኔ ማዳኦና ቢያ ዬንሢ ዓይሢዖንሢ ቢያ ከሊ ማሌ፤⁸ ኔኤም ጳቂሣ ማላታ ማዓንዳጉዲ ኩጫ ኔኤኮ ቴኬ፤ ባሊቶይዳኦ ማላታ ማሃ ዓይሢ፤⁹ ኔኤኮ ማኦሮ ካሮ ቦኦኮላሢና ማርሾ ካሮናይዳ ያኦፔ» ጌዔኔ።

ዓይሢንቲሢ ዒፃሢ ዘላ ላቲ ከኤዘንቲ ባኦዚ

10 «ናንገና ናንጋ ጎዳ ማዔ ኔኤኮ ጾኦዛሢ ኔኤኮ ቤርታኦ ዓደንሢም ጌይፃ ዓብራሃሜና ዪሳኦቆና ያይቆኦቤናም ዒንጌ ሃጊ ማዓንዳ ዋዘ ጎይዖና ኔኤኒ ማዢባኦ ጴጥሮስ ጴጥሮ፤ ሃሣ ሚዛጲ ሚዛጲ ካታማ ኔኤም ዒንጋንዳኔ።¹¹ ኔኤኒ ደካላንዳ ማኦሮይዳ ኔኤኒ ጌሢባኦ ኮሺ ባኦዚ ኩሜያ፣ ኔኤኒ ቦኦኮባኦ ዋኦሢ ዔቴ ዓኦያ፤ ዬያጉዲ ሃሣ ኔ ቴኪባኦ ዋይኔ ሚሢንታ ዘይቶ ሪሚቶንታ ዒኢካ ዓኦያ ማዓንዳኔ፤ ጾኦሲ ኔና ዬኖ ዓጩሎ ጌልዜም ሙይ ኔኤኒ ሚሸኬ ዋደና፤¹² ጊብፃ ዓጩይዳ ካራሚ ማዒ ናንጋንቲ ኔና ከሴ ናንገና ናንጋ ጎዳሢ ኔኤኒ ዋሉዋጉዲ ኮሺ ዔራ።¹³ ናንገና

6:4 6:4 ማር. 12:29። 6:5 6:5 ማቴ. 22:37፤ ማር. 12:30፤ ሉቃ. 10:27።
6:9 6:9 ላሚ. ዋማ 11:18-20። 6:10 6:10 ማዢ. ማፃ 12:7፤ 26:3፤ 28:13።

ናንጋ ጎዳ ማዕፍ ኔኤኮ ጾኦዛሂ ዒጊጨ ለንቹ፤ ዒዛ ሌሊ ካኣሽኬ፤ ሃሃ ዒዛ ሱጎዖና ሌሊ ጫኣቄ። 14 ኔኤኮ ኮይላ ዓኣ፡ ማሌ ዓሳ ካኣሽካ ጾኦዛ ካኣሽኪፖ፤ 15 ማሌ ጾኦዛ ኔኤኒ ካኣሽኬቱ ዒጎሂ ባኣካ ዓኣ፡ ናንጊና ናንጋ ጎዳካ ጳጎ ኔኤኒ ዔቁሳጎዳኔ፤ ናንጊና ናንጋ ጎዳ ማዕፍ ኔኤኮ ጾኦዛሂ ዒዛይዳፓዓቲም ማሌ ጾኦሲ ጌይንታይ ካኣሽኪንታጎዳጉዲ ኮዑዋያታሂር ሳይይዳፓ ዒጎሂ ፒዒ ዒ ባይዛጎዳኔ።

16 «ማሳሄ ጌይንታ በዜሎይዳ ዒጎሂ ማዕፍ ጎይዖ ናንጊና ናንጋ ጎዳ ማዕፍ ዒጎሂኮ ጾኦዛሂ ዋይታያታቲያ ኑ ዛጎም ጌይ ማዕፍፖቲ፤ 17 ዒዚ ዒጎሂ ዓይህ ዓይህጎና ዋጎና ዳምቦና ቢያ ሂርጊ ካቸዋቲ። 18 ናንጊና ናንጋ ጎዳ ቤርታ ፒዜ፡ ሃሃ ኮሺ ማዕፍ ባኣዚ ቢያ ማዕፍ፤ ዬያ ኔ ማዕፍቲ ቢያ ባኣዚ ኔኤም ጊኢጋጎዳኔ፤ ናንጊና ናንጋ ጎዳ ኔኤኮ ቤርታኣ ዓደጎሂም ዒጎጋኒ ጫኣቄ ጎይዖና ኮኸ ዓጨሎ ኔ ዳካሳጎዳኔ። 19 ዒዚ ኔኤም ዒጎጌ ሃጊ ማዕጎዳ ዋዞ ጎይዖና ኔኤኮ ዋርኮ ዒ ኔ ቤርታፓ ዳውሲ ዳካጎዳኔ።

20 «ሃጋ ኔኤኮ ናኣታ ናንጊና ናንጋ ጎዳ ሃያ ዋጎንታ ዳምቦንታ ዓይህጎንታ ዓይህሂ ዋዚ ጌይሂናዳይ?» ጌይ ጾኦጭቲ፤ 21 ሂዚ ጌይ ዔያቶም ኬኤዜ፡- «ሚና ኑኡኒ ጊብፂ ዓጮ ካኣቲኮ ዓይሌኬ፤ ናንጊና ናንጋ ጎዳ ጋዓንቲ ፔኤኮ ጳጳፖ ዋልቆና ዬካፓ ኑና ኬሴኔ፤ 22 ዒዚ ዒማና ጊብፂ ዓሶንታ ካኣቲንታ ጳጳፖ ጳጳፖ ዓሶዋ ማታሴያ ዒዛ ዋልቄና ማዕጎንታ ዓኪ ባኣዚ ማዕሂ ኑ ዓኣፒና ኑ ዛጌኔ፤ 23 ዒዚ ዳካሳሳኒ ኑኤኮ ቤርታኣ ዓደጎሂም ጫኣቄ ጎይዖና ሃኖ ዓጨሎ ኑና ዓኪ ሙኪ ኑም ዒጎጋኒ ጊብፂ ዓጮ ዓይሌማፓ ኑና ኬሴኔ። 24 ዬካፓ ናንጊና ናንጋ ጎዳ ማዕፍ ኑ ጾኦዛሂ ሃጎሂ ዳምቦጎሂ ማዕፍ ኑ ከጎሃጎዳጉዲ፤ ሃሃ ዒዛኣ ኑ ዒጊጨ ለንቹጎዳጉዲ ኑና ዓይህኔ። ኑኡኒ ዬያይዲ ማዕፍቲ ዒዚ ቢያ ዋዴ ቢያ ባኣዚ ኑም ጊኢጋጎዳጉዲ ማሃጎዳኔ፤ ሃሂያ ዒ ማዕፍ ጎይዖ ሹምፔና ኑና ናንጊሳጎዳኔ፤ 25 ናንጊና ናንጋ ጎዳ ማዕፍ ኑ ጾኦዛሂ ዓይህ ጎይዖ ዒዛኮ ዓይህያ ካፒ ኑ ማዕፍ ከጎሂያታቲ ዒዛ ኑ ዋዛሳያ ማዕጎዳኔ» ጋጌ። *

7

ጾኦሲ ደኦሬ ዳር (ኬሲ. ማፃ 34:11-16)

6:13 6:13 ማቲ. 4:10፤ ሉቃ. 4:8። 6:16 6:16 ኬሲ. ማፃ 17:1-7፤ ማቲ. 4:7፤ ሉቃ. 4:12። * 6:25 6:25 «ዒዛ ኑ ዋዛሳያ ማዕጎዳኔ» ጋዓዛ ፔቲ ፔቲ ማፃእፓ «ኑም ጂሉም ማዕጎዳኔ» ጋዓኔ።

1 ሙሴ ሃሣ ኬኤዘያ፡- «ናገረና ናገጋ ጎዳ ማዕ ዲንሢኮ ጾኦዛሢ
 ዲንሢ ደካላኒ ዴንዳ ዓጩሎ ዲንሢ ጌልዘንዳኔ፤ ዩዮ ዓጩ ጌላኒ
 ዲንሢ ዑካኣና ዲንሢኮ ቤርታፓ ዲንሢዳፓ ባሼ ዎልቁና ዓኣ
 ዲማ ዲማ ላንካይ ቶኦኪ ዴሬ ዳውሲ ዲ ኬሳንዳኔ፤ ዩያታ፡- ሄቲ
 ዓሶ፤ ጌርጌሳ ዓሶ፤ ዓሞራ ዓሶ፤ ካናኔ ዓሶ፤ ፔርዘ ዓሶ፤ ሂዎዌ
 ዓሶንታ ዲያቡሳ ዓሶ ጌይንታዘንሢ። 2 ናገረና ናገጋ ጎዳ ማዕ
 ዲንሢኮ ጾኦሲ ዩያ ዴሮ ቢያ ዲንሢ ኩጫ ዲንጌም ዲንሢ ያሊ
 ዔያቶ ባሼ ዎዶና ቢያሢ ዎዲ ባባይዘንዳያ ኮይሳኔ፤ ዔያቶና ዎላ
 ዓይጎ ጫኣቁዎ ማፖም ጫኣቁፖቲ፤ ሃሣ ዔያቶም ሚጩንቲፖቲ።
 3 ዲንሢኮ ዓቲንቆ ናኣታ ዔያቶ ናኣቶ ዔካንዳፖዲ፤ ሃሣ ዲንሢኮ
 ዉዲሮ ናኣታ ዔያቶኮ ዓቲንቆ ናኣቶም ለዑዎፖዲ ላኣፖቲ።
 4 ዲንሢ ዩያ ማዲባኣቲ ዲንሢኮ ናኣቶ ጾኦሲዳፓ ዲንሢ ዲማሲ
 ማሌ ጾኦሲ ካኣሽካንዳፖዲ ማሃንዳኣኬ፤ ያዲ ዲንሢ ማዕቲ
 ናገረና ናገጋ ጎዳ ዲንሢ ዑፃ ዳጋዲ ኔፖዎ ዲንሢ ባይዘንዳኔ፤
 5 ዩያሮ ዲንሢ ዔያቶ ሂዲዎቲ፡- ዔያታ ፔ ጾኦዘም ሚቺ ዲንጊ
 ካኣሽካ ቤዘ ደይሱዎቲ፤ ሹጮታንቲ ዓርሲ ኮሻና ካኣሽኮ ጾኦዘ
 ዔያቶኮ ማንሢ ኬኤሩዎቲ፤ ዓሹራ ጌይንታያ ላኣሎ ማላቶና ማዦና
 ጾኦዘሎ ዔያቶኮ ማንሡዎቲ፤ ዔያታ ካኣሽካ ባኮታሚና ሚቺዎቲ።
 6 ናገረና ናገጋ ጎዳ ማዕ ዲንሢኮ ጾኦዘሢ ፔ ዓሲ ማሂ ዲንሢ
 ደኣሬያ ዒዘም ዲንሢ ዲማዴ ዴሬኬ፤ ሳይዳ ዓኣ ዓሶ ባኣኮይዳፓ
 ቢያ ዲዘም ዲንሢ ዲማዴያ ማዓንዳፖዲ ዲዚ ዲንሢ ደኣሬኔ።
 7 «ናገረና ናገጋ ጎዳ ሃንጎ ዴሮይዳፓ ዲማሲ ዲንሢ ናሽኬሢና
 ደኣሬሢ ዔያቶይዳፓ ዑሣ ዓኣዴ ዲንሢ ዲቤምቲዎሴ፤ ሳይዳ ዓኣ
 ዓሶይዳፓ ዲንሢ ላኣፓ ዴሬኬ። 8 ጋዓንቲ ናገረና ናገጋ ጎዳ ዲንሢ
 ናሽኬሢሮ ዲንሢኮ ቤርታኣ ዓደንሢም ማዲኒ ጫኣቁ ጫኣቁም
 ማዲ ኩንሢኒ ኮዔኔ፤ ዲዚ ፔኤኮ ዴኤፖ ዎልቆና ዲንሢ ዓውሲ
 ጊብፃ ዓጩ ካኣቲኮ ዓይሎማፓ ኬሴሢ ዩያሮኬ። 9 ናገረና ናገጋ
 ጎዳ ማዕ ዲንሢኮ ጾኦዘሢ ጎኔና ጉሙርቁንታ ጾኦሲ ማዕሢ ዩያና
 ዔሩዎቲ፤ ዲዚ ጫኣቁ ጫኣቁም ካፓያ፡ ዲዘ ናሽካዘንሢና ዲዘኮ
 ዓይሢያ ማዲ ኩንሢዘንሢም ቢያ ዴንዲ ሺያ ሸይንቲ ሄላንዳኣና
 ፔኤኮ ናገረና ናገጋ ሚጩንቲያ ፔጋሲ ዲ ዳዎያኬ። 10 ጋዓንቲ ዲዘ
 ዲፃ ዓሶ ኮሚ ኮፃ ባባይዘኔ፤ ዔያቶ ኮሚ ኮፃፓ ጊንሢም ጎዑዎሴ።
 11 ዩያሮ ሃና ታ ዲንሢም ዓይሢ ዓይሢያንታ ዎጎንታ ዳምቦንታ ዘጊ

7:1 7:1 ዲኪ. ማዳ 13:19። 7:5 7:5 ላሚ. ዎማ 12:3። 7:6 7:6 ኬሲ.
 ማፃ 19:5፤ ላሚ. ዎማ 4:20፤ 14:2፤ 26:18፤ ቲቶ 2:14፤ 1ጴፂ. 2:9። 7:10 7:10
 ኬሲ. ማፃ 20:5-6፤ 34:6-7፤ ፓይ. ማፃ 14:18፤ ላሚ. ዎማ 5:9-10።

ማዲ ኩነሠቀቱ» ጌዔኔ።

ያኦሲም ዓይሢንቲሢ ዴንቂሳ ዓንጅ
(ላሚ. ዋማ 28:1-14)

12 «ሃንሢ ዓይሢንቲሢ ዋይዚ ጉሙርቂንቲ ማዲ ዒንሢ ኩነሠቲ ናንገና ናንገ ጎዳ ማዔ ዒንሢኪ ጾኦዛሢ ዒንሢኪ ቤርታኦ ዓደንሢም ማዲ ጫኦቄ ጫኦቄሞንታ ናንገና ናንገ ሚጪንቲጾንታ ዒንሢም ማዲ ኩነሠንዳኔ። 13 ዒዚ ዒንሢ ናሽካንዳኔ፤ ሃሃ ዓንጅንዳኔ፤ ዬያሮ ፓይዳ ዒንሢኪ ሚርጋንዳኔ፤ ዒንሢ ሸዓ ናኦታ፡ ዒንሢ ጎሽካ ጎዡኦ ዓንጅንታንዳኔ፤ ሚርጌ ሃኦኩንታ ዋይኖ ዓኦፖንታ ሪሚቶ ሚያ ዛይቶዋ ዲቢ ዒንሢ ዴንቃንዳኔ፤ ሃሃ ዒንሢኪ ባኦቶንታ ማራቶንታ ሸይንቲ ሚርጋንዳኔ፤ ዒንሢም ዒንጋኒ ዒንሢኪ ቤርታኦ ዓደንሢም ዒዚ ጫኦቄ ዓጩሎይዳ ዬያ ቢያ ዓንጅ ዒንሢም ዒ ዒንጋንዳኔ። 14 ዒንሢጉዴ ዓንጅንቲ ዴዔ ሳያይዳ ባኦያ ማዓንዳኔ፤ ዒንሢ ባኦኮይዳ ዓቲንቄ ማዔቲያ ላኦሊ፤ ሃሃ ዒንሢ ቆልሞ ባኦኮይዳኦ ማዖም ሸዑዋያ ባኦያ ማዓንዳኔ፤ 15 ናንገና ናንገ ጎዳ ደርዖ ቢያይዳፓ ዒንሢ ካፓንዳኔ፤ ሚና ገብፄ ዓጩይዳ ዒንሢ ዓኦያ ዛጌ ፑርቶ ደርዓሢ ቢያይዳፓ ዓይጎ ደርዓኦ ዒንሢ ሄላዓኬ፤ ጋዓንቲ ዬያ ጉዴ ደርዓሢ ዒንሢኪ ሞርኮ ማዓ ዓሶም ዒ ዒንጋንዳኔ። 16 ናንገና ናንገ ጎዳ ዒንሢኪ ኩጫ ዓኦሢ ዒንጌ ዴሮ ቢያ ፔቲታዖ ሚጪንቲዋ ዋዲ ባይዙዋቲ፤ ዔያታ ካኦሽካ ጾኦዛ ካኦሽካኒ ኮዒ ሜቶይዳ ጌሊፖቲ።

17 «ሃይ ዴራ ኮጊዳፓ ባሽኬ፤ ዋዲ ኑ ዔያቶ ዳውሲ ባይዛንዳይ ጌዒ፡ 18 ፔቲታዖ ዔያቶ ዒጊጪፖቲ፤ ናንገና ናንገ ጎዳ ማዔ ዒንሢኪ ጾኦዛሢ ገብፄ ዓጩ ካኦቲና ዴሮናይዳ ቢያ ማዴ ባኮ ማሊ ጳቂሠቀቲ። 19 ዒንሢ ዓኦፐና ዒንሢ ዛጌ ዴኤፖ ዴኤፖ ሜታሢንታ ጾኦሲ ዋልቄና ማዲንታ ዓኮ ማደንታ ዴቃሢ ባኮንታ፤ ዬያጉዲ ሃሃ ናንገና ናንገ ጎዳ ማዔ ዒንሢኪ ጾኦዛሢ ገብፄ ዓጩፓ ኬሴ ዒዛኮ ዴኤፖ ዋልቆና ቢታንቶና ማሊ ጳቂሠቀቲ፤ ዬያይዲ ገብፄ ዓሶ ዒ ባይዜ ጎይዖ ሃኖ ዒንሢ ዒጊጫ ሃያ ዴሮዋ ቢያ ባይዛንዳኔ። 20 ናንገና ናንገ ጎዳ ማዔ ዒንሢኪ ጾኦዛሢ ዔያቶ ባኦኮ ዴኤፐ ዒጊቹሞ ጌልዛንዳኔ፤ * ዒንሢዳፓ ዓኦሽንቲ ቶሌ ዓሳኦ ዓቲዋዖ ሃይቂ ባይቃንዳኔ። 21 ዬያሮ ዬያ ዴሮ ዒጊጪፖቲ፤ ናንገና ናንገ ጎዳ ማዔ ዒንሢኪ ጾኦዛሢ ዒንሢና ዋላኬ፤ ዒዚ ዴኤፐ፡ ሃሃ ዒጊጫኒያ ኮይሳ ጾኦሲኬ። 22 ናንገና ናንገ ጎዳ ማዔ ዒንሢኪ ጾኦዛሢ ዬኖ ዴሮ

7:16 7:16 ላሚ. ዋማ 11:13-17። * 7:20 7:20 «ዔያቶ ባኦኮ ዴኤፐ ዒጊቹሞ ጌልዛንዳኔ» ጋዓኦ፡ «ሃኮ ዔያቶ ባኦኮ ዳካንዳኔ» ጋዓያኬ።

ቢንሢኮ ቤርታፓ ዳካ ዳካ ባይዚ ባይዚ ሺኢሻንዳኔ፤ ዔያቶ ቢንሢ
 ፔቴና ባይዛንዳጉዲ ዲ ኮዑዋሴ፤ ቢንሢ ይያይደጭቴ ዓጩሎይዳ
 ቦያ ሚርጊ ቢንሢ ማታሳንዳኔ። 23 ናንጊና ናንጋ ጎዳ ቢንሢኮ
 ሞርኮ ቢንሢ ኩጫ ዓኣሢ ቢንጋንዳኔ፤ ዔያታ ጋፒ ባይቃንዳያ
 ሄላንዳኣና ካራ ዔያቶም ዲ ባይዛንዳኔ፤ 24 ዔያቶኮ ካኣቶዋ ቢንሢ
 ኩጫ ዲ ቢንጋንዳኔ፤ ዔያቶ ቢንሢ ዋዲ ሱንሢ ባይዛንዳኔ፤ ቢንሢ
 ቃዘንዳ ዓይጎ ዓሲያ ባኣሴ፤ ይያቶ ቢንሢ ዋዲ ባይዛንዳኔ።
 25 ዔያቶኮ ካኣሽኮ ጾኦዞ ታሚና ሚቹዋቴ፤ ይያ ካኣሽኮ ባኮኮ ዑፃ
 ጳርቆና ቢር ዓንጎታቴያ ዋርቆ ቢንሢ ቆሎ ማሂ ዔካኒ ዔኔና ቢንሢ
 ሱኡካዲዋጉዲ፤ ይያ ቢንሢ ማዳቴ ፒር ቢንሢኮ ማዓንዳኔ፤ ናንጊና
 ናንጋ ጎዳ ማሌ ጾኦ ጌይ ካኣሽኮ ባኮ ዔፃያታሢር ዳኤፒ ማቶ
 ቢንሢዳ ዔኪ ይዓንዳኔ። 26 ይንሢ ጋዳንቁንቴያ ማዔ፣ ካኣሽኮ
 ባኮንሢ ዔኪ ቢንሢኮ ማኣሪ ጌልዚፖቴ፤ ዔኪ ቢንሢ ጌሌያ ማዔቴ
 ይያቶጉዲ ቢንሢያ ባይቃንዳኔ፤ ዔያታ ባይሲንታም ጌኢጌያታሢር
 ዒናፓ ቢንሢ ዔያቶ ዒፃ ሻኣኪንታዳያ ኮይሳኔ» ጌዔኔ።

8

ናንጊና ናንጋ ጎዳ ዋላሢ ኮይሱዋያ ማዒያ

1 ሙሴ ሃሣ ኬኤዛዎ፡- «ሼምፔና ቢንሢ ናንጋንዳጉዲ፡
 ፓይዳ ቢንሢኮ ዲባንዳጉዲ፡ ናንጊና ናንጋ ጎዳ ቢንሢኮ ቤርታኣ
 ዓድንሢም ቢንጋኒ ጫኣቄ ዓጩሎ ዳካላኒ ሃኖ ታኣኒ ቢንሢም
 ኬኤዛ ዓይሢያ ቢያ ጉሙርቁንቲ ካፑዋቴ። 2 ናንጊና ናንጋ ጎዳ ማዔ
 ቢንሢኮ ጾኦዞ ቢንሢም ዓይሢ ዓይሢያ ቢንሢ ካፓቴያ ዒኖይዳ
 ቢንሢኮ ዓኣ ማሊያ ዔራኒና ጾቶርቁዋኣያ ሼሌዔ ቢንሢ ማሃኒ
 ሃያ ዓሲ ናንጉዋ ዳውሎይዳ ገይዲታሚ ሌዔ ጉቤ ዔኪ ዓኣዳሢ
 ማሊ ጳቂሠዋቴ! 3 ዒዚ ናይዚና ቢንሢ ማታሴኔ፤ ይያይደሰካፓ
 ቢንሢንታ ቢንሢኮ ቤርታኣ ዓድንሢንታ ዔራዋኣያ፡ ማና ጎኣ ሙዎ
 ቢንሢ ዲ ሙኡዜኔ፤ ይያ ዲ ማዳሢ ዓሲ ሼምፔና ዓኣያ ማዒ ናንጋኒ
 ዳንዳዓሢ ናንጊና ናንጋ ጎዳ ኬኤዛ ቃኣሎና ማዓንዳፓዓቴም ካሣ
 ሙዒ ሌሊቱዋኣሢ ቢንሢ ዔርዛኒኬ። 4 ይያ ገይዲታም ሌይይዳ
 ማኣዓሢ ቢንሢኮ ጩንቁዳር ዒባኣሴ፤ ሃሣ ሚርጊ ቢንሢ ሃንቴሢር
 ቶካ ቢንሢኮ ኪፃባኣሴ። 5 ዓዴ ፔኤኮ ናዎ ጎሪ ጎሪ ዘራሢጉዲ
 ናንጊና ናንጋ ጎዳ ማዔ ቢንሢኮ ጾኦዞ ቢንሢ ጎሪ ዘራሢ ዔራዋቴ።
 6 ዒዛ ቦንቹ ቢንጪ፤ ሃሣ ዒዛ ጊንፆ ሃንቴ ናንጊና ናንጋ ጎዳ ማዔ
 ቢንሢኮ ጾኦዞ ዓይሢ ባኮ ቢያ ካፑዋቴ። 7 ሃይሾ፤ ናንጊና ናንጋ

8:3 8:3 ማቲ. 4:4፤ ሉቃ. 4:4።

ጎዳ ማዕፍ ዲንሢኪኮ ጾኦዛሢ ኮሺ፣ ሃሣ ማሎ ዓጩሎ ዲንሢ ጌልዛኒ ዔኪ ሙኩኔ። ዬኖ ዓጩሎይዳ ደኦጩና ጌሚርናይዳፓ ዓልቁ ዴንዳ ዋርዘንታ ዴዔ ዋኦሢንታ ዓልቃ ዋኦሢ ዓኦ ዛሬንታ ዓኦያኩ፤ 8 ዒዘይዳ ዛርጎንታ ዔልዓንታ ዋይኖ ሚያ ዓኦፖንታ ቤሌሴ ሚያ ዓኦፖንታ ርኦማኦኔ ጎያ ሚያ ዓኦፖንታ ዛይቶ ሪሚቶ ዓኦፖንታ ዔኤሲያ ኩሜያኩ፤ 9 ዬኖ ዓጩሎይዳ ባይቃንዳ ባኦዚ ባኦሢሮ ናይዚ ዲንሢ ናይዳዓኩ፤ ዒኦኦካ ዓኦ ሹጩይዳፓ ዓንገ፣ ጌሚር ጎኦቦይዳፓኦ ሞኦና ዓንገ ዴዳንዳኔ። 10 ሙይ ዲንሢ ሚሸኪ ዬኖ ማሎ ዓጩሎ ዲንሢሞ ዲንጌ፣ ናንገና ናንገ ጎዳ ማዕፍ ዲንሢኪኮ ጾኦዛሢ ዲንሢ ጋላታንዳኔ» ጌዔኔ።

ናንገና ናንገ ጎዳ ዋላ ዓሶም ላቲ ኬኤዘና ባኦዚ

11 «ሃኖ ታ ዲንሢሞ ኬኤዛ ዓይሢያና ዳምቦና ዋጎና ማዲ ኩንሡዋያ ሃሺ፣ ናንገና ናንገ ጎዳ ማዕፍ ዲንሢኪኮ ጾኦዛሢ ዲንሢ ዋሎዋጉዲ ዲንሢና ዔሩዋቲ። 12 ሙይ ዲንሢ ሚሸካኦና፤ ሃሣ ኮሺ ማኦሪ ማከ ናንገኦና፣ 13 ባኦቶንታ ማራቶንታ ሃሣ ቢሮንታ ዋርቆንታ፤ ዬያጉዲ ገንሣ ሜሌ ቆላኦ ዲንሢኪኮ ዲባኦና፣ 14 ዒና ዲንሢኪኮ ያቶርቁዋጉዲ፤ ሃሣ ዓይሌ ማዒ ዲንሢ ናንጌ ገብፆ ዓጩይዳፓ ኬሴ፣ ናንገና ናንገ ጎዳ ማዕፍ ዲንሢኪኮ ጾኦዛሢ ዲንሢ ዋሎዋጉዲ ዲንሢና ኮሺ ዔሩዋቲ። 15 ዳይ ዋዳ ሸኦኩና ኮርናሢና ኩሚ ዓኦ ዬያ ዒጊቻ፣ ዳልጎ ዓሲ ናንጉዋ ዳውሎይዳና ዲንሢ ዒ ዔኪ ዓኦዴኔ፤ ፔቲታያ ዋኦሢባኦ፣ ዬያ ዓሲ ናንጉዋ ዳውሎይዳ ደደ ላላፓ ዋኦሢ ዲንሢሞ ዒ ኬሴኔ፤ 16 ዲንሢኪኮ ቤርታኦ ዓደንሢ ሙዒ ቤቁባኦ ማና ጌይንታ ሙያ ዲንሢ ዋይታቲያ ዛጋኒና ያቶርቁዋያ ሹሌዔ ዲንሢ ማሃኒ ዬያ ዓሲ ናንጉዋ ዳውሎይዳ ዲንሢሞ ዒ ዲንጌኔ፤ ዬያ ዒ ማዴሢ ጋፒንያይዳ ኮሺ ባኦዚና ዲንሢ ዒ ዓንጃኒ ኮዔሢሮኬ። 17 ዬያሮ ታ ያርጎጩሢ ታ ዋልቁና ሃሣ ታ ደደሞናኬ» ጌዒ ዲንሢ ፔቲታያ ማሎዋጉዲ። 18 ዲንሢ ያርጎጩንዳጉዲ ዋልቁና ደደሞና ዲንሢሞ ዲንጌሢ ናንገና ናንገ ጎዳ ማዕፍ ዲንሢኪኮ ጾኦዛሢታሢ ማሊ ጳቂሡዋቲ፤ ዒዚ ዬያ ማዳሢ ሃሢ ዒ ማዳ ጎይያ ዲንሢኪኮ ቤርታኦ ዓደንሢሞ ጩኦቁ ጩኦቁሞ ማዲ ኩንሢሳኒኬ። 19 ናንገና ናንገ ጎዳ ማዕፍ ዲንሢኪኮ ጾኦዛሢ ዲንሢ ዋሊ ሜሌ ጾኦሲም ዚገ ካኦሸካኒና ማዳኒ ዬያ ባንሢ ዲንሢ ሸሬቲ ጎኔና ዲንሢ ባይቃንዳያታሢ ሃኖ ታ ዲንሢሞ ላቲ ኬኤዛኔ። 20 ናንገና ናንገ ጎዳ ማዕፍ ዲንሢኪኮ ጾኦዛሢሞ ዲንሢ ዓይሢንቶ

ዒፃቴ ዒንሢ ቤርታፕ ዒዚ ባይዛንዳ ዳር ባይዛሢጉዲ ዒንሢያ ዒማይዲ ባይዚ ኩርሳንዳኔ» ጌዔኔ።

9

ዳርኮ ባይሢንቶ ዒፃፆ

1 ሙሴ ሃሣ ኬኤዛፆ፡- «ዒሰራዔኤሌ ዳሬዮቴ! ዋይዙዋቴ፤ ዒንሢዳፕ ባሽ ሃሣ ዋልቁና ዓኣ፣ ሜሌ ዳርኮ ሳፆንታ ጫሪንቸ ኬሰኬ ኬኤሎ ዲፆና ዲርቁንቴ ዳኤፖ ዳኤፖ ካታሞንታ ጌሊ ዳካላኒ ሃኖ ዒንሢ ፎርዳኖሴ ዋርና ፒንቃንዳኔ። 2 ዒኢካ ናንጋ ዳራ ዳኤፒ ዳኤፒ ሃሣ ዔጳኣ ፆደሲ ደዲ ዓሲኬ፤ ዒንሢ ዔራሢጉዲ ዔፆታ <ፆኦኒያ ዔፆቶ ዳንዳዑዋ ዔናኣቁ ዜርፆኬ> ጌይንታሢ ዒንሢ ዋይዜኔ፤ 3 ጋዓንቴ ሙዓ ታሚጉዲ ማዔ፣ ናንገና ናንጋ ጎዳ ዒንሢኮ ፆኦዛሢ ዒንሢኮ ቤርታ ኬሰካንዳፆታሢ ሃኖ ዒንሢ ዛጋንዳኔ፤ ዒንሢ ቤርቲም ዳንዳኣና ዒዚ ዔፆቶ ባሻንዳኔ፤ ዬያር ዒዚ ዒንሢም ማዳኒ ጫኣቁ ጎይፆና ዔፆቶ ቤዛፕ ዳውሲ ኔጉዋፆ ዒንሢ ባይዛንዳኔ» ጌዔኔ።

4 «ናንገና ናንጋ ጎዳ ማዔ ዒንሢኮ ፆኦዛሢ ዔፆቶ ዒንሢኮ ቤርታፕ ዳውሴሰካፕ ናንገና ናንጋ ጎዳ ኑና ሃኖ ዓጮ ዔኪ ሙኬሢ ኑ ኮሺ ማዳፆታሢርኬ ጌይ ማሊፖቴ፤ ናንገና ናንጋ ጎዳ ዬኖ ዳር ቤዛፕ ዒንሢም ዳውሲ ኬሳሢ ዔፆታ ፑርታ ማዔሢር ሌሊኬ።

5 ዔፆቶኮ ዓጮ ዒንሢ ዳካላንዳጉዲ ናንገና ናንጋ ጎዳ ኮዔሢ ዒንሢ ኮሺ ማዔሢር፣ ሃሣ ፒዜ ባኣዚ ማዳሢርቱዋሴ፤ ዒዚ ዔፆቶ ዔፆቶኮ ቤዛፕ ኬሲ ዳውሲ ዳካሢ ዔፆታ ፑርታ ማዔሢር፤ ሃሣ ዒንሢኮ ቤርታኣ ዓደንሢ፣ ዓብራሃሚንታ ዪሳኣቁንታ ፆይቆኦቤንታም ማዳኒ ጫኣቁ ጫኣቁም ካፒ ኩንሣኒ ጌይኬ።

6 ዬያር፣ ናንገና ናንጋ ጎዳ ማዔ ዒንሢኮ ፆኦዛሢ ሃኖ ማሎ ዓጩሎ ዒንሢም ዒንጋሢ ዒንሢ ዒዞ ዳካላንዳፆ ኮይሳፆ ማዔምቱዋኣሢ ዔፋዋቴ፤ ዓይጎር ጌዔቴ ዒንሢ ዋይዚ ዒፃ ዓሲታሢርኬ» ጌዔኔ።

7 «ናንገና ናንጋ ጎዳ ማዔ ዒንሢኮ ፆኦዛሢ ዓሲ ናንጉዋ ዳውሎይዳ ዋፆይዲ ዒንሢ ዳጋሴቶዋ ፔቲታፆ ዋሊፖቴ፤ ጊብፄ ዓጮ ሃሺ ዒንሢ ኬሰኬ ኬላፕ ዓርቃፆ ሃይካ ሄላንዳኣና ዒዛም ዒንሢ ዋይዞ ዒፃ ጎይሣ ዓኣኔ። 8 ሲና ቦኦሎይዳ ዒንሢ ዓኣፆ ዒንሢ ዒ ባይዛኒ ጋዓንዳፆ ሄላንዳኣና ናንገና ናንጋ ጎዳ ዒንሢ ሚርጌና ዳጋሴኔ። 9 ዒማና ናንገና ናንጋ ጎዳ ዒንሢና ዋላ ጫኣቁ ጫኣቁማ ፆኣፒንቴያ፣ ዓርሲንቴ ሹጮንሢ ዔካኒ ዳኮ ታኣኒ ኬሰኬኔ፤ ዒኢካ ታኣኒ ፔቲታፆ ሙኡዚ ሙዑዋፆ፣ ሃሣ ዑሽኮ ባኣዚያ ዑሽኮዋፆ

ጎዳ፡- «ዳንዲዎቹ፤ ታ ዲንሢም ዲንጋንዳኔ ጌዒ ጫአቄ ዓጩሎ ዳካሉዎቹ» ጌዒ ቃዴሴ ባርኔይዳፓ ዳኬ ዎደና ዲዛም ዲንሢ ዎይዞ ዲዒዲያፓዳቲም ዲዛ ዲንሢ ጉሙርቁባአሴ፤ ሃሣ ዲ ጋዓ ባኮዎ ዳይሢንቲ ዲንሢ ማዲባአሴ። 24 ታ ዲንሢ ዒሬማፓ ዓርቃያ ናንጊና ናንጋ ጎዳም ዲንሢ ዳይሢንቲዎያ ማዒ ዳይ ዓአኔ» ጌዒኔ።

25 «ዬያ ባኮ ዛሎሮ ናንጊና ናንጋ ጎዳ ቤርታ ታኣኒ ባሊቶ ሂርኪዲ ጉምዓቲ ያይዲታሚ ኬሊ ዋንቴና ሮኦሪና ጉቤ ሺአቄ ዴዔኔ፤ ዬያ ታኣኒ ማዲሢ ዲዚ ታ ዲንሢ ባይዘንዳኔ» ጌዒሢርኬ። 26 ዲማና ታኣኒ ሲያ ባኮ ማዜ ናንጊና ናንጋ ጎዳሣዮ! ኔኤኮ ዴኤፖ ዎልቆና ደዲሞና ዓውሲ ጊብፄ ዓጩይዳፓ ኔኤኒ ኬሴ፣ ኔ ዴር ባይዚፓ፤ 27 ኔኤም ማዲዘንሢ ዓብራሃሜንታ ዪሳአቄንታ ያይቆኑቤንታም ማሌ፤ ሃያ ዴርኮ ዎይዞ ዲዲያና ፑርቱሞና፤ ሃሣ ጎሞዎ ቢያ ፓይዲ ዓርቁፓ፤ 28 ኔ ዬያይዲባአቲ፡- «ዲ ዲንጋንዳኔ ጌዒ ጫአቄ ጎይያና ዴር ዬኖ ዓጩሎ ጌልዛኒ ዳንዳዲባአሴ» ጌዒ ጊብፄ ዓሳ ሚኢጫንዳኔ፤ ዬያ ሌሊቱዎንቴ «ዴ ፔኤኮ ዲ ዲዲሢር ዎዲኒ ኮዒ ዓሲ ናንጉዎ ዳውሎ ኬሴኔ» ኔና ጋዓንዳኔ። 29 «ዬያ ቢያይዳፓ ባሺ ሃይ ዴራ ኔኤኒ ኔ ዓሲ ማዓንዳጉዲ ደኦሬያ፤ ሃሣ ኔኤኮ ዴኤፖ ዎልቆና ደዲሞና ጊብፄ ዓጩፓ ኬሴ ዓሶኬ» ጌይ ታ ሺአቄኔ» ጌዒኔ።

10

ሙሴ ታጾ ዳይሢያ ላሚ ዒኬሢ (ኬሲ. ማፃ 34:1-10)

1 ሙሴ ኬኤዛዮ፡- «ዬካፓ ሃሣ ናንጊና ናንጋ ጎዳ ታና ለቤርታ ዓርሲንቴ ሹጮንሢጉዴያ ላምዎ ዓርሴ፤ ሃሣ ዬያቶ ጌሃንደ ሳአፂኔ ሚሢና ኮሺ፤ ታኣኒ ዓአ ዲኮዎ ታ ኮይላ ኬሰኬ፤ 2 ቤርታ ኔኤኒ ሚንሢ፣ ዓርሲንቴ ሹጮንሢዳ ፃአፒንቴ ዳይሢያንሢ ላሚ ታ ፃአፓንዳኔ፤ ኔኤኒ ዬንሢ ሳአፂኖ ጋራ ጌሃንዳኔ» ሂዚ ጌይ ዳይሢኔ» ጌዒኔ።

3 «ዬያር ታኣኒ ሻሪ ሚሢ ዓርሲ ሳአፂኔ (ታኣኮቴ) ማዜኔ፤ ቤርታኣርንሢጉዴያ ላምዎ ሹጮንሢያ ዓርሲ ታ ኮሺኔ፤ ዬንሢያ ኩጫ ዓኪ ዲኮ ታኣኒ ኬሰኬ፤ 4 ዲኮ ዴሞይዳ ዲንሢ ቡኪንቴ ኬሎና ታሞ ባኣካ ማዒ ናንጊና ናንጋ ጎዳ ዲንሢም ኬኤዜ፣ ታጾ ዳይሢያ ቤርታኣርማ ጎይያ ሹጮንሢዳ ፃአፒ ዬንሢ ሹጮንሢ ታኣም ዲንጌኔ፤ 5 ታኣኒያ ዲካፓ ማዒ ኬዲ፣ ናንጊና ናንጋ ጎዳ ታና

9:23 9:23 ፓይ. ማፃ 13:25—14:38፤ ላሚ. ዎማ 1:21፤ ዒብ. 3:16።

ዓይህ ጎይዖና ዓይህፃ ፃአፒጎቲ ዓአ ሹጮንህ ታአኒ ኮሼ ሳአፂኖ ጋራ ጌህኔ፤ ዩካፓ ዓርቃዎ ሃኖ ሄላንዳአና ዩንህ ሳአፂኖ ጋራ ዓአኔ» ጌዔ።

6 (ዒሰራዔኤሌ ዓሳ ያዕቃኔ ዴራ ቦአኬ ዔቶ ዋአፃ ዓአ ቤዛፓ ዔቁ ዋሴራ ጌይንታ ቤሲ ዴንዴኔ፤ ዒማና ዓአሮኔ ዒኢካ ሃይቁ ዴኡቴኔ፤ ዒዛ ቤዘይዳ ናአዚ ዓላዜሬ ቁኤሴ ማዔ። 7 ዩካፓ ሃህ ዔይታ ጉድጎዳ ጌይንታ ቤሲ ዴንዴኔ፤ ዩካፓ ጊንህ ዓልቃ ዋአህ ሚርጌ ዓአያ፡ ኮፂባታ ጎዖ ቤሲ ዴንዴኔ። 8 ዒማና ናንጊና ናንጋ ጎዳኮ ጫአቁዎ ጌሆና ሳአፂኖ ኬዳንዳጉዲ፤ ሃህ ዒዛ ቤርታ ዔቁ ማዳንዳጉዲ ዴርዋ ናንጊና ናንጋ ጎዳ ሱንዖና ዔይታ ዓንጃንዳጉዲ ለዊ ማአር ዓሶ ናንጊና ናንጋ ጎዳ ዴማሲ ዶኦሬኔ፤ ሃኖ ሄላንዳአና ለዊ ማአር ዓሶኮ ማዳ ዩያኬ። 9 ለዊ ማአር ዓሳ ሃንጎ ዔይቶ ዓሶጉዲ ዓጪ ዓአያ ማዒባአህ ዩያሮኬ፤ ናንጊና ናንጋ ጎዳ ማዔ ዒንህከ ምአዛህ ቤርታ ኬኤዜ ጎይዖ ዔይታ ፔ ናንጎሞ ማዓ ባአዚ ዴንቃህ ናንጊና ናንጋ ጎዳሞ ዔይታ ማዳ ማዳፓከ።)

10 «ታአኒ ቤርታ ማዴ ጎይዖ ላሚ ሃህ ዴኮይዳ ዖይዲታሚ ኬሊ ሮኦሪና ዋንቴና ጉቤ ሸኢቁ ዴዔ፤ ናንጊና ናንጋ ጎዳ ጊንህ ሃህ ሸኢጲዖ ታአኮ ዋይዚ፤ ዒንህህ ባይዚዖ ሃሹ። 11 ዩካፓ ሳካሪ ዴንዴ፤ ዔይቶኮ ቤርታአ ዓድንህሞ ዒንጎጎ ታ ጫአቁ ጎይዖና ዓጪኡ ዔይታ ዳካላንዳጉዲ ዴር ዔኪ ዓአዴ፤ ታአሞ ጌዔ።» ጌኤ።

ናንጊና ናንጋ ጎዳ ዒጊጪህ

12-13 «ዒሰራዔኤሌ ዴሬኮቴ! ናንጊና ናንጋ ጎዳ ዒንህዳፓ ኮዓ ባካ ዓይጎዳይ ጌዔቴ ናንጊና ናንጋ ጎዳ ማዔ ዒንህከ ምአዛህ ዒንህህ ዒጊጪንዳጉዲ፤ ዒዚ ዓይህ ጎይዖ ዒንህህ ዴንዳንዳጉዲ፤ ዒዛ ዒንህህ ናሽካንዳጉዲ፤ ጉቤ ዒናፓ ሃህ ጉቤ ሹምፓፓ ዒዛሞ ዒንህህ ማዳንዳጉዲኬ፤ ኮሹሞ ዒንህህ ማዓንዳጉዲ ሃኖ ታ ዒንህህ ዓይህ፤ ናንጊና ናንጋ ጎዳ ማዔ ዒንህህ ምአዛህከ ዓይህ፤ ምንታ ዳሞቦንታ ዒንህህ ካፓንዳጉዲ ማዓንዳአፓዓቴሞ ዒዚ ማሌ ዒንህዳፓ ዓይጌንዴ ኮዓይ? 14 ጫሪንጮና ጫሪንጮኮ 0-ፃ ዓአ ጫሪንጫ፤ ዩያጉዲ ሃህ ሳፖንታ ዩያይዳ ዓአ ባካአ ቢያ ናንጊና ናንጋ ጎዳ ማዔ ዒንህከ ምአዛህሮኬ። 15 ናንጊና ናንጋ ጎዳ ዒንህከ ቤርታአ ዓድንህህ ሚርጌና ናሽካያ ማዔህሮ ሃኖ ዋ ዒንህህ ዒዚ ማሌ ዴር ሚርጌህ ባአካፓ ዶኦሬኔ፤ ሃህ ዒንህህ ሃኖ ሄላንዳአና ዒዛኮ ዶኦሪንቴ ዴሬ ማዒ ዓአኔ። 16 ዩያሮ ሃካፓ ሴካ ዋይዞ ዒፃ ፑርቶ

10:6 10:6 ፓይ. ማፃ 20:28፤ 33:38። **10:8** 10:8 ፓይ. ማፃ 3:5-8። **10:10** 10:10 ኬሲ. ማፃ 34:28።

ዲኖ ዲንሢዳፓ ተቁ ኬሲ ናንገና ናንጋ ጎዳም ዓይሢንታያ ማዑዋቱ፤
 17 ናንገና ናንጋ ጎዳ ማዕ ዲንሢኮ ጾኦዛሢ ማሌ ጾኦዛ ሲያሢዳፓ፡
 ሃሃ ዋልቄና ዓኣ ባኮይዳፓ ቢያ ጳኤፒ ገንሣ ሃሃ ደዲ ማዕሢሮ
 ዲገጪ ቦንቸንታኒ ኮይሳኔ። ዲዚ ዓሲ ዲማሲ ዛገ ዋጉዋሴ፤ ዴማና
 ሚኢሼ ዔኪ ዋጊያ ዋቢሱዋሴ። 18 ዲዚ ዓደንታ ዲንደንታባኣ
 ዜኤሮ ናኣቶና ዜኤሮይንደንሢናም ፒዜ ዋጋኔ፤ ሃሃ ዲዚ ኑ ዓሶ
 ባኣካ ናንጋ፡ ማሌ ዓጮ ዓሶዋ ቢያ ናሽካሢሮ ሙኡዚና ማኣዖና
 ዔያቶም ዲንጋኔ። 19 ዬያሮ ዲንሢያ ገብፃ ዓጮይዳ ሙኬ ዓሲ ማዕ
 ሃያኮ ቤርታ ናንገሢሮ ዬያቶ ማሌ ዓጫፓ ሙኬዘንሢ ናሽካንዳያ
 ኮይሳኔ፤ 20 ናንገና ናንጋ ጎዳ ማዕ ዲንሢኮ ጾኦዛሢም ዲገቹምና
 ዓይሢንቱዋቱ፤ ዲዛ ሌሊ ካኣሽኩዋቱ፤ ዲዛም ጉሙርቁንታያ
 ማዕ ዲዛ ሱንያ ሌሊ ዔኤሊ ጫኣቆዋቱ። 21 ዲዚ ዲንሢኮ
 ጾኦዛሢኬ፤ ዲዚ ዲንሢም ማዕ ጳኤፖ ጳኤፖ ባኮና ዲቃሣ ባኮ
 ዲንሢ ዓኣፒና ዲንሢ ዛገሢሮ ቢያ ኬሊ ዲዛ ጋላቱዋቱ። 22 ዲንሢኮ
 ቤርታኣ ዓደንሢ ገብፃ ዓጮ ዴንዳኣና ፓይዳ ዔያቶኮ ላንካይታሚ
 ሌሊኬ፤ ሃሢ ጋዓንገቱ ናንገና ናንጋ ጎዳ ማዕ ዲንሢኮ ጾኦዛሢ ፓይዳ
 ዲንሢኮ ጫሪንጮ ኩኣጋሢጉዲ ሚርገሼኔ» ገዔኔ።

11

ናንገና ናንጋ ጎዳኮ ጳኤፑዋ

1 ሙሴ ሃሃ ኬኤዘያ፡- «ዓካሪ፡ ናንገና ናንጋ ጎዳ ማዕ ዲንሢኮ
 ጾኦዛሢ ናሽኩዋቱ፤ ዲንሢ ማዕ ኩንሣንዳጉዲ ዲ ኮዓ ዋጎና
 ደምቦና ዓይሢያዋ ማዕ ኩንሡዋቱ። 2 ናንገና ናንጋ ጎዳ ማዕ
 ዲንሢኮ ጾኦዛሢ ዲንሢ ጎሪ ጎሪያ፡ ዲዘኮ ጳኤፑዋንታ ደደ
 ዋልቆንታ ዛገ ዔሬ ዓሳ ዲንሢኮ ናኣቶቱዋንገቱ ዲንሢታሢ ሃኖ
 ማሊ ጳቂሡዋቱ። 3 ዲዛ ዋልቆና ዲ ማዕ ዓኮ ባኮንታ ገብፃ
 ዓጮ ካኣቲና ዲዘኮ ዓጮ ቢያሢዳ ዲ ማዕ ዲቃሣ ማዕ ዲንሢ
 ዛገኔ። 4 ገብፃ ዓጮኮ ጾሎ ዓሳ ዲንሢ ደውሲ ኬሰኬ ዋደና
 ዔያቶኮ ፓራሢና ሳርጌሎ የይቶና ዘቄ ባዘይዳ ጌልዚ ሙኡዚ፡
 ናንገና ናንጋ ጎዳ ዋማይዲ ዔያቶ ባይዜቱያ ዲንሢ ዛገኔ። 5 ሃይካ
 ዲንሢ ሄላንዳሢኮ ቤርታ ናንገና ናንጋ ጎዳ ዬያ ዓሲ ናንጉዋ
 ደውሎይዳ ዓይጎ ማዕቲያ ዲንሢ ዔራኔ፤ 6 ርኡቤኤሌ ማኣሪ
 ዓሲ ማዕ ዔሊያቤኮ ናኣቶ ዳታኔና ዓቤሮኔይዳ ማዕቲገቱ ባኮ

10:17 10:17 1፻ዋ. 6:15፤ ዮሃ. ፆፒ.፩ 17:14፤ 19:16፤ ዳኪ. ማዕ 10:34፤ ሮሜ
 2:11፤ ጋላ. 2:6፤ ዓፕ. 6:9። 10:22 10:22 ማዢ. ማፃ 15:5፤ 22:17፤ 46:27።
 11:3 11:3 ኬሲ. ማፃ 7:8—12:13። 11:4 11:4 ኬሲ. ማፃ 14:28።

ማሊ ጳቂሠታቸ፤ ዲሰራዔኤሌ ዳራ ቢያ ፔ ዓኣፒና ዛጋንቴ ሳዓ ዳርዒ ዔያቶንታ ዔያቶኮ ማኣሮ ዓሶንታ ዓፒሎና ማዦና ማኣሮንታ ቆልሞንታ ዔያጉዲ ዔያቶሮ ማዔ ባኮ ቢያ ዔኤዳ። 7 ናንገና ናንጋ ጎዳ ማዳ፣ ዔያ ዳኤፖ ዳኤፖ ባኮ ቢያ ዓኣፒና ዛጌ ዓሳ ዒንሢኬ» ጌዔ።

ዲሰራዔኤሌ ዓሶም ዒንገንታኔ ጌይንቴ ዓጩሎይዳ ዓኣ ዓንጆ

8 «ዒንሢ ፎርዳናሴ ዎሮና ፒንቂ ዳካላንዳ ዓጩሎ ጌሊ ዓርቃንዳ ዎልቁ ዳንቃኒ ታኣኒ ሃኖ ዒንሢም ዓይሣ ዓይሢዎ ቢያ ካፑዎቹ። 9 ዓይሢዎ ዒንሢ ካፒ ኩንሣያ ማዔቲ ናንገና ናንጋ ጎዳ ዒንሢኮ ቤርታኣ ዓዶንሢና ዔያቶኮ ዜርዎናም ዒንጋኒ ጫኣቁ፣ ዓኤዘና ዲኣቆና ኩሚ ዓጩሎይዳ ዎዶሲ ለዔ ዒንሢ ናንጋንዳ። 10 ዔና ጌሊ ዒንሢ ዳካላንዳ ዓጩላ ቤርታ ዒንሢ ናንጌ ጊብፄ ዓጩጉዲቱዎሴ። ጊብፄ ዓጩይዳ ጎዦ ዒንሢ ጎሽካዎ ዜርቂንቴ ሃኣኮ ማኣሪ ካርካ ዒንሢ ቱኬ ባኣዚጉዲ ዳዎ ዎኣሢ ዑሺ ዒንሢ ሜታዳ። 11 ጋዓንቴ ፎርዳናሴ ዎሮና ፒንቂ ዒንሢ ዳካላንዳ ዓጩላ ዳካንታ ዶኦቹ ቤሲንታ ዓኣያ ዒርዚ ዎርቃ ቤሲኬ። 12 ዔኖ ዓጩሎም ኮይሳ ባኮ ዛጊ ዒንጋሢና ሌዎ ጉቤ ዛጊ ካፓሢ ናንገና ናንጋ ጎዳ ማዔ ዒንሢኮ ጎኦዛሢኬ» ጌዔ።

13 «ዔያሮ ሃኖ ታ ዒንሢ ዓይሣ ዎጎ ቢያ ካፒ ኩንሠታቸ፤ ናንገና ናንጋ ጎዳ ዒንሢኮ ጎኦዛሢ ናሽኩዎቹ፤ ጉቤ ዒናፓ ዒዛም ማዳቱቹ። 14 ያኣዳ ዒንሢ ማዳቲ ናንገና ናንጋ ጎዳ ዒንሢም ሌዎ ዒሮና ሲሎ ዒሮና ኮይሳ ዎዶማና ዎርቂሻንዳ፤ ዔያሮ ዒንሢም ጊዳንዳ ሃኣኮንታ ዎይኖ ዑዦንታ ሪሚቶ ዛይቶንታ፣ 15 ቆልማ ዒንሢኮ ሄንቃንዳ ማኣቲንታ ሚርጋንዳ፤ ዒንሢም ኮይሳ ሙኡዚያ ቢያ ዒንሢ ዳንቃንዳ። 16 ናንገና ናንጋ ጎዳ ዒንሢ ሃሺ ሚሌ ጎኦሲ ካኣሽኪሢዳ ጌሎዎጉዲ ዒንሢና ዔሩዎቹ። 17 ዒንሢ ዔያይዳቲ ናንገና ናንጋ ጎዳ ዒንሢዳ ዳጋዳንዳ፤ ጫሪንጫፓ ዒርዚ ዎርቁዎጉዲ ካሮ ዎዳ፣ ሳዎይዳ ዒንሢኮ ዒርዚ ዎርቁም ሃኣኮ ካፁዎጉዲ ላኣጋንዳ፤ ዒንሢያ ናንገና ናንጋ ጎዳ ዒንሢም ዒንጋ ማሎ ዓጩሎይዳፓ ኔጉዎዎ ባይቃንዳ።» ጌዔ።

18 «ዔንሢ ዓይሢዎ ቢያ ዎዳ ዒንሢኮ ዒኖይዳይፓ ባይዙዎዎ ማሎዎቹ፤ ዒንሢም ዎሊንቱዎ ማላታ ማዓንዳጉዲ ዔያቶ ዒንሢኮ ኩጮይዳ ቱኩዎቹ፤ ዒንሢኮ ባሊቶይዳኣ ጌሠታቸ፤ 19 ዒንሢኮ ናኣቶም ኬኤዚ ዔርዙዎቹ፤ ማኣራ ዒንሢ ዴዓ ዎዶና፣ ዒንሢ ጎይሢ ኬሰኬ ዎዶና፣ ዒንሢ ሃውሻ ዎዶማናኣ ማዎም ማዳ ማዳኣና ቢያ

11:6 11:6 ፓይ. ማፃ 16:31-32። 11:17 11:17 ሊዊ. ዓከ 26:3-5፤ ላሚ. ዎማ 7:12-16፤ 28:1-14።

ዬያ ዛሎ ጌሰቱዋሴ፤ 20 ማኣሮ ካሮኮ ቦኦኮላሢና ማርሾ ካሮናይዳ ፃኣቸዋቱ፤ 21 ያኣዴ ዒንሢ ማዴቱ ናንጊና ናንጋ ጎዳ ዒንሢኮ ፆኦዛሢ ዒንሢም ዒንጋኒ ጫኣቄ ዓጮይዳ ዒንሢንታ ዒንሢኮ ናኣቶንታ ሳዖ ዑፃ ለካ ዓኣ ጫሪንጫ ናንጋ ሌዖጉዲ ዖዶሲ ዋዴ ናንጋንዳኔ» ጌዔኔ።

22 «ዬያሮ ታ ዒንሢም ዓይሤ ዓይሢዖ ዛጊ ማዲ ኩንሠቀቱ፤ ናንጊና ናንጋ ጎዳ ማዔ ዒንሢኮ ፆኦዛሢ ናሽኩዋቱ፤ ዒዚ ዓይሢ ጎይዖ ሃንቲ ዒዛም ጉሙርቁንታያ ማዑዋቱ። 23 ያኣዴ ዒንሢ ማዴቱ ናንጊና ናንጋ ጎዳ ዒንሢኮ ሃያ ቤርታ ዓኣ ዴሮ ቢያ ቤዛፓ ዳኪ ባይዛንዳኔ፤ ሚርጌ ሃሣ ዋልቁና ዒንሢፓ ኮሽ ባሻያ ማዔ፣ ማሌ ዴሮኮ ዓጮ ዒንሢ ዳካላንዳኔ። 24 ዒንሢ ዴንዳዖ ቶኮና ሄርቃ ቤዛ ቢያ ዒንሢ ዓጪ ማዓንዳኔ፤ ዒንሢኮ ዛጳ ደኦሎ ዛሎይዳ ዓኣ ዓሲ ናንጉዋ ዳውሎይዳፓ ዓርቃዖ ኬዶ ዛሎና ዓኣ ለባኖኦሴ ዲኮ፤ ዬያጉዲ ሃሣ ዓባ ኬሰካ ዛሎና ዓኣ ዔፕራዒሴ ዋራፓ ዓርቂ ዓባ ጌላ ዛሎይዳ ዓኣ ማዲቲራኒያ ጌይንታ ዴኤፖ ባዞ ሄላንዳኣና ዳልጋንዳኔ። 25 ዬኖ ዓጮይዳ ዒንሢ ዴንዴ ቤዞ ቢያይዳ ናንጊና ናንጋ ጎዳ ዒንሢም ማዲኒ ጫኣቄ ጎይዖና ዴራ ቢያ ዒንሢ ዒጊጫያ ማዓንዳኔ፤ ዒንሢ ቃዛንዳ ዓይጎ ዓሲያ ባኣሴ» ጌዔኔ።

26 «ሃይሾ፤ ታኣኒ ሃኖ ዒንሢ ዓንጅና ጋዳማናይዳፓ ፔቲማ ደኣራዋቱ ጋዓኔ፤ 27 ናንጊና ናንጋ ጎዳ ማዔ ዒንሢ ፆኦዛሢኮ ዓይሢዖ፣ ሃኖ ታ ዒንሢም ኬኤዛሢ ቢያ ዒንሢ ማዲ ኩንሠያ ማዔቲ ዓንጅ ዒንሢ ዴንቃንዳኔ። 28 ሃያኮ ቤርታ ዒንሢ ዔሩዋያ፣ ማሌ ፆኦሲ ካኣሽኪሢዳ ጌሊ ዬያ ዓይሢዖ ካፒ ኩንሢባኣያ ማዔቲ ጋዳማ ዒንሢ ሄላንዳኔ። 29 ዒንሢ ዳካላንዳ ዓጭሎ ናንጊና ናንጋ ጎዳ ዒንሢ ጌልዜ ዋዶና ዓንጅ ጌሪዛኔ ዲኮይዳ፤ ጋዳም ቤዔባኣሌ ዲኮይዳ ኬሰኪ ዔቂ ዳጊዲ ዒላቲ ኬኤዙዋቱ። 30 ዬንሢ ላምዖ ዲኮንሢ ዮርዳኖሴ ዋሮ ሱካ ዓባ ጌላ ዛላ ዓኣ ዓሩባይዳ ናንጋ ካኣናኔ ዓሶ ዓጭይዳ ጌልጌላ ጌይንታ ካታሞኮ ቤርቶ ዛላ ሞኦሪ ጌይንታ ቤዛ ዓኣ ዴኤፖ ሚዖ ኮይላ ዓኣያኬ። 31 ናንጊና ናንጋ ጎዳ ማዔ ዒንሢኮ ፆኦዛሢ ዒንሢ ናንጋንዳጉዲ ዒንጋ ዓጭሎ ጌሊ ዳካላኒ ሃሢ ዒንሢ ዑኬሢሮ ዮርዳኖሴ ዋሮና ፒንቂ ዬኖ ዓጭሎ ዔኪ ዒንሢ ናንጋ ዋዶና፤ 32 ታኣኒ ዒንሢም ሃኖ ኬኤዛ ዋጎና ዳምቦና ቢያ ዛጊ ካፒ ኩንሠያ ማዑዋቱ» ጌዔኔ።

11:20 11:20 ላሚ. ዋማ 6:6-9። 11:25 11:25 ዒያ. 1:3-5። 11:29 11:29 ላሚ. ዋማ 27:11-14፤ ዒያ. 8:33-35።

12

ካእሺ ካእሽኮ ፔቴ ሌሊ ማዔ ቤሲ

1 ሙሴ ከኤዛዎ፡- «ናገረና ናገጋ ጎዳ ማዔ ዒንሢኮ ቤርታኣ ዓደንሢ ጸኣዛሢ ዒንሢሞ ዒንጋ ዓጩሎይዳ ዒንሢ ናገጋ ዎዶና ቢያ ዒንሢ ዛጊ ካፓንዳ ዎጎና ዳምቦና ያዲኬ፡- 2 ዒንሢ ጌሊ ዳካላ ዓጩሎይዳ ናገጋ ዴራ ዲኮና ጌሚርና፡ ሃሃ ዓኣዔ ዒላዝ ዋርቃ ሚያ ዴማ ፔ ጸኣዘም ዘጊ ካእሽካ ቤዘ ቢያ ሻሂ ባይዘዎቲ፤ 3 ዔያታ ፔ ጸኣዘም ሚቺ ዒንጋ ቤዘዎ ደይሱዎቲ፤ ሜሌ ጸኣዘ ካእሽኮ ዳኣቦዎ ሚንሢ ጊኢጩዎቲ፤ ዓሼራ ጌይንታ ዔያቶኮ ላኣሎ ጸኣዜሎ ማላቶ ቢያ ታሚና ሚቺዎቲ፤ ዔያቶኮ ካእሽኮ ባኮ ቢያ ቆዒ ሚንሢ ሚንሢ ከኤሩዎቲ፤ ሱንፃ ዬያቶ ባኮኮ ላሚ ማሊንቲዎጉዲ ዬዩ ቤዛፓ ጋፒሲ ባይዘዎቲ» ጌዔኔ።

4 «ናገረና ናገጋ ጎዳ ማዔ ዒንሢኮ ጸኣዛሢሞ ዒንሢ ዘጋሢ ሃኣታ፡ ሜሌ ዴራ ፔ ጸኣዘም ዘጊ ካእሽካ ጎይያ ካእሽካንዳያ ኮይሱዎሴ። 5 ዒንሢ ፃጰ ናገጋ ቤዘይዳፓ ዒንሢ ዒዛ ካእሽካንዳ ቤሲ ናገረና ናገጋ ጎዳ ማዔ ዒንሢኮ ጸኣዛሢ ደኣራንዳኔ፤ ዬኖ ቤዘ ኮዒ ዒኢካ ዴንዲዎቲ፤ 6 ዒኢካ ናገረና ናገጋ ጎዳም ሚቺ ዒንጎ ዒንጊያና ሜሌ ዒንሢ ዒንጋ ባኮ ቢያ ታጰፓ ፔቴ ዔኪ ዒንጎ ዒንጊያንታ ዒዛም ዒንሢ ናኣቤ ናኣቦንታ ዒንሢ ዒናና ዒንሢ ናሽኪ ዒንጋ ዒንጊያንታ ባኣቶና ማራቶንታኮ ቤርታ ሾይንቲ ናኣቶ ዒንጎሢንታ ዒንጉዎቲ፤ 7 ዒንሢ ዓንጃ፡ ናገረና ናገጋ ጎዳ ማዔ ዒንሢኮ ጸኣዛሢ ቤርታ ዒንሢንታ ዒንሢኮ ማኣሮ ዓሶንታ ቡኪ ዬኖ ቤዘይዳ ሙዑዎቲ፤ ዒንሢ ማዲ ዴንቄ ኮዦ ባኮና ቢያ ዬያይዲ ዎዛዲዎቲ» ጌዔኔ።

8 «ዬና ዎዳ ሄላዛ ሃኖ ሄላንዳኣና ዒንሢ ኮዔ ጎይያ ማዲሢጉዲ ማዲፖቲ፤ 9 ዓይጎሮ ጌዔቴ ናገረና ናገጋ ጎዳ ማዔ ዒንሢኮ ጸኣዛሢ ዒንሢሞ ዒንጋ ቤዘይዳ ኮሺና ዒንሢ ሃውሺ ናገጋንዳ ዓጮ ሃጊ ዒንሢ ጌሊባኣሢርኬ፤ 10 ናገረና ናገጋ ጎዳ ማዔ ዒንሢኮ ጸኣዛሢ ዒንሢሞ ዒንጌ ዓጩሎይዳ ናገጋጊ ዮርዳኖሴ ዎርና ዒንሢ ፒንቃንዳኔ፤ ኮሺና ዒንሢ ናገጋንዳጉዲ ዒንሢ ኮይላ ዓኣ ሞርካ ቢያ ዒንሢ ሜታሱዎጉዲ ዒንሢ ዒ ሃውሺሳንዳኔ፤ 11 ናገረና ናገጋ ጎዳ ዘጊ ዒንሢ ካእሽካንዳ ፔቴ ቤሲ ዒ ፔኤሮ ዒንሢሞ ደኣራንዳኔ፤ ታኣኒ ዒንሢ ዓይሢ ባኮ ቢያ ዒኢካ ዒንሢ ዔኪ ሙካንዳኔ፤ ዬይያ፡- ሚቺ ዒንጎ ዒንጊያንታ ሜሌ ዒንጊያ ቢያ፡ ታጰፓ ፔቴ ከሲ ዒንጎ ዒንጊያንታ ሜሌ ዒንሢ ዒንጋ ዒንጊያ

12:3 12:3 ላሚ. ዎማ 7:5።

ቢያ፤ ናንጊና ናንጋ ጎዳም ዲንሢ ናኣባ ናኣቦንታ ቢያ ዲኢካ ዲዛም ዔኪ ሙኩዋቴ። 12 ናንጊና ናንጋ ጎዳ ቤርቶይዳ ዲንሢኮ ባቲንቆ ናኣቶና ወዲሮ ናኣቶና ሃሃ ዲንሢም ማዶ ማዶ ባቲንቆንታ ላኣሎንታ፤ ዬያጉዲ ዲንሢኮ ካታሞይዳ ናንጋ ሌዊ ዓሶንታ ዎላ ዲኢካ ዎዛዲዋቴ፤ ዓይጎሮ ጌዔቴ ሌዊ ዓሳ ዲንሢና ዎላ ጊሸቲ ዔኬ ዓጪ ባኣሢሮኬ። 13 ናንጊና ናንጋ ጎዳም ሚቺ ዲንጎ ዲንጊያ ጉቤ ቤሲዳ ዚቲ ጋዓዖ ሚቺ ዲንሢ ዲንጉዋጉዲ ኮሺ ዲንሢና ዔራዋቴ። 14 ሚቺ ዲንጎ ዲንጊያ ዲንሢ ዲንጋኒ ኮይሳሢ ዲንሢ ፃጰ ናንጋ፣ ዔያቶሮ ማዔ ቤሲዳ፤ ሃሃ ናንጊና ናንጋ ጎዳ ፔኤም ዲንጊንታንዳጉዲ ዶኦሬ ፔቴ ቤሲዳ ሌሊኬ። ሚቺ ዲንጎ ዲንጊያ ማዔቴያ ማሌታኣኒ ዲንሢ ዓይሄ ባኮ ቢያ ዲዛ ቤዘይዳ ሌሊ ማዲ ኩንሠዋቴ» ጌዔ።

15 «ያዲ ማዔቴያ ዲንሢ ዓሸኪ ሙዓኒ ኮዔ ዎዶና ናንጊና ናንጋ ጎዳ ማዔ ዲንሢኮ ያኣዛሢ ዲንሢም ዲንጌ ዓንጅ ጎይያ ጉይያና ዲንሢ ናንጋ ካታሞኮ ዎኖ ቤዛ ማዔቴያ ሹኪ ዲንሢ ሙዓኒ ዳንዳዓ፤ ዲንሢ ባኣካ ዳምቦ ጎይያና ጌኤሺ ማዔሢንታ ማዓባኣሢንታ ቢያ ሮኣቶንታ ጌንዖንታ ሙዓሢ ጎይያ ዬያ ሹኪንቲ ዓሸኮ ሙዓኒ ዳንዳዓ። 16 ጋዓንቲ ዬያ ሱጉያ ዑሸኪፖቴ፤ ሱጉያ ዎኣሢጉዲ ሳዓ ላኣሎዋቴ፤ 17 ናንጊና ናንጋ ጎዳም ዲንሢ ሹኪ ዲንጋ ዲንጊያ ቢያ ዲንሢ ዲንጋ ቤዘ ቢያይዳ ዓይጎ ቤሰካኣ ዚቲ ጋዓዖ ሙይንታንዳያ ኮይሱዋሴ፤ ዬይ ዲንጊያ ሃኣኮንታ ዎይኖ ዑኩንታ ሪሚቶ ዛይቶንታኮ ታጳፓ ፔቴ ዲንጎ ዲንጊያንታ ዲንሢኮ ባኣቶና ማራቶናኮ ቤርቶ ናኣቶንታ ናንጊና ናንጋ ጎዳም ዲንሢ ናኣቤ ናኣቦንታ ዲንሢ ሸኔና ዲንሢ ዲንጋ ዲንጊያንታ ቢያ ዚቲ ጋዓዖ ዲንሢ ናንጋ ቤዘይዳ ቢያ ሙይንቲዋሴ። 18 ናንጊና ናንጋ ጎዳ ማዔ ዲንሢኮ ያኣዛሢ ዲንሢም ዶኦሬ ቤዘይዳ ዲንሢኮ ባቲንቆ ናኣቶንታ ወዲሮ ናኣቶንታ ማዶ ማዶ ባቲንቆንታ ላኣሎንታ፤ ዬያጉዲ ዲንሢኮ ካታሞይዳ ናንጋ ሌዊ ዓሶንታ ዎላ ዬያ ሙዑዋቴ፤ ዲዛ ቤዘይዳ ላቢ ዲንሢ ዴንቄ ኮኩ ባኮና ቢያ ዬያይዲ ዎዛዲዋቴ። 19 ዲንሢ ሳዖይዳ ዲንሢ ናንጋ ዎዶና ቢያ ሌዊ ዓሶ ዲንሢ ዋሉዋጉዲ ዲንሢና ዔራዋቴ» ጌዔ።

20 «ናንጊና ናንጋ ጎዳ ማዔ ዲንሢኮ ያኣዛሢ ማዳንዳኔ ጌፋ ጫኣቄ ጎይያና ዲንሢ ዓጮኮ ዛጰ ዲ ዳልጊሹ ዎዶና ዓሸኪ ዲንሢ ሱኡኬቴ ኮዔ ጎይሢ ሙዓኒ ዲንሢ ዳንዳዓ። 21 ዲንሢ ሹኪ ዲንጋንዳጉዲ ናንጊና ናንጋ ጎዳ ዶኦሬ ቤዜላ ዲንሢም ሃካያ ማዔቴ

12:16 12:16 ማዢ. ማፃ 9:4፤ ሌዊ. ዓኩ 7:26-27፤ 17:10-14፤ 19:26፤ ላሚ. ዎማ 15:23።

ዓሽኪ ዲንሢ ሱኡኬ ዋዶና ናንገና ናንጋ ጎዳ ዲንሢም ዲንጌ ባኣቶንታ ማራቶንታይዳፓ ታ ዲንሢ ዓይሤ ጎይዖና ዲንሢ ኮዔ ጎይሢ ሹካኒ ዳንዳዓኔ፤ ዬያ ዓሽኮ ዲንሢኮ ማኣራ ሙዑዋቱ።
 22 ዳምቦ ጎይዖና ጌኤሺ ዓሲ ማዔቲያ ጌኤሺ ማዒባኣያታቲያ ሮኦቶ ዓሽከንታ ጌንዖ ዓሽከንታ ሙዓሢ ጎይዖ ዬያ ዓሽኮ ሙዓኒ ዳንዳዓኔ። 23 ጋዓንቲ ሱጉሢ ላኣሊንቲባኣ ዓሽኪ ዲንሢ ሙዑዋጉዲ ዲንሢና ዔሩዋቲ፤ ዓይጎሮ ጌዔቲ ሸምፓ ሱጉዖይዳ ዓኣሢሮ ሸምፓ ዓሽኮና ዋላ ሙይፖቲ። 24 ሱጉሢ ዑሽኪፖቲ፤ ጋዓንቲ ዋኣሢጉዲ ሳዖይዳ ላኣሉዋቲ። 25 ዬያ ዲንሢ ካፒንቲ ኩንሢቲ ዖኦሲ ዋዛዳኔ፤ ዲንሢንታ ዲንሢኮ ናኣቶንታም ኮሺ ማዓንዳኔ። 26 ዬያሮ ዖኦሲም ዲማዴ ዲንጊዖና ዲዛም ዲንሢ ናኣቤ ናኣቦ ዲንጊዖ ዒዚ ዶኦሬ ቤዘማ ሌሊ ዔኪ ዓኣዲዋቲ። 27 ናንገና ናንጋ ጎዳም ዲንሢ ሚቺ ዲንጋ ዲንጊዖ ጌይዖ ዓሽኮና ሱጉዖና ቢያ ናንገና ናንጋ ጎዳ ማዔ ዲንሢኮ ዖኣዛሢም ሚቺ ዲንጎ ቤዘ ሚቺ ዲንጉዋቲ። ማሌ ዲንጊዖ ማሢ ዲንጋ ባኮኮ ሱጉዖ ናንገና ናንጋ ጎዳ ማዔ ዲንሢኮ ዖኣዛሢም ሚቺ ዲንጎ ቤዘ ኮይላ ላኣሊንቶንጎ፤ ዓሽኮ ጋዓንቲ ዲንሢ ሙዓኒ ዳንዳዓኔ። 28 ታኣኒ ዲንሢ ዓይሢ ዋጎ ቢያ ጉሙርቁንቲ ካፑዋቲ፤ ዲንሢ ዬያይዴቲ ዲንሢንታ ዲንሢኮ ናኣቶንታም ቢያ ባኣዚ ናንገና ገኢጋያ ማዓንዳኔ፤ ያዲ ዲንሢ ማዴ ዋዶና ናንገና ናንጋ ጎዳ ማዔ ዲንሢኮ ዖኣዛሢ ቤርታ ፒዜ ባኣዚ ዲንሢ ማዴኔ ጌይሢኬ» ጌዔኔ።

ሜሌ ካኣሺ ዛላ ከኤዚንቲ ባኣዚ

29 «ዲንሢ ናንጋ ዓጮይዳ ሜሌ ዴርና ዲንሢ ዖልታ ዋዶና ናንገና ናንጋ ጎዳ ዔያቶ ባይዛንዳኔ፤ ዔያቶኮ ዓጮ ዔኪ ዲንሢ ናንጋንዳኔ። 30 ናንገና ናንጋ ጎዳ ዬያ ዴር ባይዜሰካፓ ዔያታ ማዴ ባኮ ዲንሢ ማዲሢዳ ጌሉዋጉዲ ዲንሢና ዔሩዋቲ፤ ኦኡኒያ ዔያቶ ጎይዖ ማዳንዳኔ ጌዒ ዬይ ሜሌ ዴራ ፔ ዖኣዘ ዋይቲ ካኣሽካቲ ጌይ ዖኦጪ ሸሪፖቲ። 31 ናንገና ናንጋ ጎዳ ማዔ ዲንሢኮ ዖኣዛሢም ዚጊ ዲንሢ ካኣሽካ ጎይዖ ዬይ ሜሌ ዴራ ፔ ዖኣዘም ዚጋሢ ጎይዖጉዲ ማዓኒ ኮይሱዋሴ፤ ዔያታ ፔ ዖኣዘም ዚጊ ካኣሽካ ዋዶና ማዴ ባካ ቢያ ሚርጌና ሻኣካያ፥ ናንገና ናንጋ ጎዳኣ ዒሢያኬ፤ ዔያታ ሜሌ ዓታዛ ፔኤኮ ሾዔ ናኣቶዋ ሚቺ ዲንጎ ቤዘይዳ ፔ ዖኣዘም ሚቺ ዲንጎ» ጌዔኔ።

12:24 12:24 ሌዊ. ዓከ 17:10-14።

32 «ዓካሪ ታ ቢንሢ ዓይሢ ባኮ ቢያ ማዲቀቱ፤ ዬያ ባኮይዳ ፔቲታዎ ዔኤቢ ቃሲፖቱ፤ ፔቲታዎ ዋሃ ዔኤቢ ዓይሲፖቱ» ጌዔኔ።

13

1 ሃሃ ሙሴ ከኤዛዎ፡- «ቢንሢ ባካካፓ ሎንሃ ከኤዛ ዓሲ፤ ገንሃ ሃሃ ዓውቲና ዔኤቢ ከኤዛ ዓሲ ዔቂጋፓ፡ ጾኦሲ ዋልቁና ማዲንታ ባካዚ፡ ሃሃ ዓከ ዲቃሃ ባካዚ ታ ማዲንዳኔ» ጌዔም፡ 2 ዬይ ዒ ጌዔ ዓኮ ዲቃሃ ባካ ማዲንቲ ኩሜያ ማዔቲያ ዬይ ዓሢ <ቢንሢ ቤርታ ዔሩዋ ሜሌ ጾኦሲ ኑ ካኣሽኮም> ጌዔቱ፡ 3 ናንገና ናንጋ ጎዳ ማዔ ቢንሢኮ ጾኦሲ ዒዛ ጎኔ ዒናፓ ቢንሢ ናሽኬቲያ ዔራኒ ኮዒ ዬያ ዓሢ ዳኬያናንዳሢሮ ዬያ ሎንሃ ከኤዛ ዓሃሢሲና ዓውቶና ዴንቃሢሲያ ዋይዚፖቱ። 4 ናንገና ናንጋ ጎዳ ማዔ ቢንሢኮ ጾኦዛሢ ጋዓ ጎይያ ሃንቲቀቱ፤ ዒዛ ሌሊ ዒጊጩቀቱ፤ ዓይሢዎዋ ካፒ፡ ዒ ጋዓ ባኮዋ ዋይዙቀቱ፤ ዒዛ ካኣሽኮቀቱ፤ ዒዛና ቢንሢኮ ፔቲማ ደዲ ማጾንጎ፡ 5 ዓይሌ ማዒ ቢንሢ ናንጌ፡ ገብፄ ዓጮፓ ከሴ ቢንሢ ዓውሴ ናንገና ናንጋ ጎዳሢም ዋይዘ ቢንሢ ዒፃንዳጉዲ ማዲ ዓውቶና ዴንቃኔ ሃሃ ሎንሃ ባኮ ከኤዛኔ ጋዓ ዓሲ ቢያ ዋዎዲቀቱ፤ ዬይ ዓሢ ደዲሽ ዓርቂ ቢንሢ ናንጋንዳጉዲ ናንገና ናንጋ ጎዳ ማዔ ቢንሢኮ ጾኦዛሢ ዓይሢ ጎይያይዳፓ ሽኢሻኒ ቢንሢ ማሌያከ፤ ዬያሮ ዬያ ፑርታሢ ቢንሢ ባካካፓ ባይዙቀቱ» ጌዔኔ።

6 «ሜሌ ዓቲም ቢንሢኮ ዒሽታቲያ ጌኤዚ፡ ቢንሢኮ ዓቲንቆ ናዎ ማዔቲያ ዉደሮ ናዓ ሃሃ ቢንሢ ናሽካያ ቢንሢኮ ማቾ ማዔቲያ ቢንሢኮ ጉሙርቂንታ ላጌ ማዔይ ቢንሢኮ ቤርታኣ ዓደንሢንታ ቢንሢንታ ዘገ ካኣሽከ ቤቂባኣ ሜሌ ጾኦሲም ዘገ ካኣሽካንዳጉዲ ዴሚና ቢንሢ ጌሻያ ማዔቲያ፡ 7 ሰኩ ማዔቲያ ሃከ፤ ሳዎኮ ፔቲ ዘላፓ ዴንዲ ባጎ ዘሎኮ ጋፖ ሄላንዳኣና ቢንሢ ኮይሎይዳ ዓኣ ሜሌ ዴራ ካኣሽካ ጾኦዛ ኑ ካኣሽኮም> ቢንሢ ኮራ ጌዔቱ፡ 8 ዒዚ ጋዓ ባኮ ዔኤቢፖቱ፤ ዋይዚፖቱ፤ ዬያም ሚጨንቲፖቱ፤ ዒዛ ማኣሪፖቱ፤ ዒዛኮ ሽምፖ ዓይሳኒያ ማሊፖቱ። 9 ማኣሙቀዎ ዒዛ ዋዎዲቀቱ፤ ሽጮና ዒዛ ቤርታዲ ኔ ዲዔ፤ ሜሌ ዓሳ ቢያ ሃሃ ማንገ ዒዛ ዲይ ዎዲንጎ። 10 ዓይሌ ማዒ ቢንሢ ናንጌ ገብፄ ዓጮይዳፓ ከሴ፡ ናንገና ናንጋ ጎዳ ማዔ ቢንሢኮ ጾኦዛሢዳፓ ቢንሢ ሃከሳኒ ዬይ ማሌሢሮ ሹቻ ዲይ ዒዛ ዋዎዲቀቱ፤ 11 ዬካፓ ዒሰራዔኤሌ ዴራ

12:32 12:32 ላሚ. ዋማ 4:2፤ ዮሃ. ጾፕዳ 22:18-19።

ቢያ ይያ ማደንገቱ ባኮ ዋይዚ ዲጊጫንዳኔ፤ ይያሮ ይያጉዳ ፑርታ ባአዚ ላሚ ማደንገዳ ዓሲ ባአሴ» ጌዔኔ።

12 «ናገገና ናገገ ጎዳ ማዔ ዲንሢኮ ጸአዛሢ ዲንሢሞ ዲንገ ካታሞንሢዳ ዲንሢ ናገገ ዎደና፡- 13 ዲንሢ ዓሶ ባአካፓ ፔቴ ፔቴ ፑርታ ዓሲ ዔቂ ዲንሢ ናገገ ካታሞይዳ ዓአ ዓሶ ዳቢሺ <ኑ ዴንዲ ሜሌ ጸአሲ ካአሽኮሞ> ጌዲ ባይሲንታ ባንሢ ዔኪ ዓአዳያ ማዔም ዲንሢ ዋይዜቴ፡ 14 ያዲ ጌይ ካአሽኪንታ ባአዚ ዲንሢ ዋይዜ ዎደና ይኖ ዛሎ ኮሺ ጸአጪ ዔሩዋቴ፤ ይይ ፑርቶ ባካ ዲንሢ ባአካ ጎኔ ማደንገቱያ ማዔቴ፡ 15 ይኖ ካታሞይዳ ናገገ ዴሮ ዔያቶኮ ቆልሞንታ ቢያ ዎደጋጋ፤ ይኖ ካታሜሎጋፓሲ ባባይዙዋቴ። 16 ይኖ ካታሞይዳ ናገገ ዓሶኮ ዓአ ባኮ ቢያ ማንፂ ዔኪ ካታሞኮ ዓሳ ቡካ ጰአካ ቡኩሱዋቴ፤ ይካፓ ይኖ ካታሜሎና ዲዘይዳ ዓአ ባኮ ቢያ ናገገና ናገገ ጎዳ ማዔ ዲንሢኮ ጸአዛሢ ሚቶ ዲንጎ ዲንጊሢ ማሂ ታሚና ሚቶጋጋ፤ ላሚ ማኸገገቱዎና ናገገና ደዔ ካታማ ማዔ ዓዓቶንጎ። 17 ባይዘንጎ ጌይንቴ ባኮይዳፓ ዓይጎ ባአዚያ ዲንሢሮ ማሂ ዓይሲ ዔኪፖቴ፤ ዲንሢ ይያይዲ ዔኩዋፖ ሃሺቴ ናገገና ናገገ ጎዳ ዲዘኮ ዴኔፖ ዲጊቻ ዳጎና ዲንሢዳ ዔቂያ ሃሺ ዓቶምጋዓንዳኔ፤ ዲንሢኮ ቤርታአ ዓደንሢሞ ዲ ጫአቁ ጎይፆና ፓይደዋ ዲንሢኮ ሚርገሻንዳኔ። 18 ሃኖ ታ ዲንሢሞ ኬኤዛ ዓይሢያ ዲንሢ ካፒ፡ ዲዚ ዲንሢዳፓ ኮዓ ባኮ ቢያ ማደያ ዲንሢ ማዔቴ ይይ ጫአቁማ ዲንሢሞ ማደንገቱ ኩማንዳኔ» ጌዔኔ።

14

ይኤፒ ይኤካአና ማደሢ ላአገንቴ ባአዚ

1 ሙሴ ሃሃ ኬኤዛያ፡- «ዲንሢ ናገገና ናገገ ጎዳ ማዔ ዲንሢኮ ጸአዛሢ ናይኬ፤ ይያሮ ዓሲ ሃይቁም ዲንሢ ይኤካ ዎደና ዑያ ዋአጪንቴ ቶኦኮዋ ዲንሢኮ ጉኡሊንቴፖቴ፤ 2 ናገገና ናገገ ጎዳ ማዔ ዲንሢኮ ጸአዛሢ ማደሢ ዲማዴ ዴሬኬ፤ ሳይይዳ ናገገ፡ ሃንጎ ዓሶይዳፓ ቢያ ዲዛም ዲማዴ ዴሬ ዲንሢ ማዓንዳጉዲ ፔኤም ዲንሢ ዲ ደኦሬኔ» ጌዔኔ።

ዓሽኪ ሙይንታ ባአዚና ሙይንቱዋ ባአዚ (ሌዊ. ዓኬ 11:1-47)

14:1 14:1 ሌዊ. ዓኬ 19:28፤ 21:5። 14:2 14:2 ኬሲ. ማፃ 19:5-6፤ 4:20፤ 7:6፤ 26:18፤ ቲቶ 2:14፤ 1ጴፂ. 2:9።

3 «ቁፃ ማዕ ዓይኅ ባአዚኮዋ ዓሽኮ ሙይፖፕቴ፤ 4 ዒንሢ ዓሽኮ ሙዓንዳጉዲ ኮይሳ ባካ፡- ባይ፡ ማራይ፡ ቀኣሪ፡ 5 ርኦቶ፡ ጌንዓ፡ ሞይሌ፡ ሚርዳ፡ ጋፒሪንታ ዋሽንታኬ። 6 ቶኮ ሹቁላ ላምፖ ፓቁንቴያ፤ ሃሃ ዓሌ ዳዓ ባኮ ሙዑዋቴ፤ 7 ጋዓንቴ ቶኮ ሹቁላ ላምፖ ፓቁንቲባኣያ፡ ጌንሃ ዓሌ ዳዑዋ ባአዚ ሙይፖፕቴ፤ ዩያሮ ጋአሎንታ ዋሪሌንታ ሹኦናንታ ዩያጉዳ ባኮ ሙይፖፕቴ፤ ዩያጉዳ ባካ ዓሌ ዳዓያ ማዕታቴያ ቶኮ ሹቁላ ላምፖ ፓቁንቲባኣያ ማዕሢሮ ዒንሢካ ቁፃኬ፤ 8 ጉዲንሢያ ሙይፖፕቴ፤ ዔያቶኮ ቶኮ ሹቁላ ላምፖ ፓቁንቴያ ማዕቴያ ዓሌ ዳዑዋያሃሢሮ ቁፃ ማዓኔ፤ ዩያጉዳ ባኮ ሙይፖ ዓታዛ ሃይቁም ዑፆ ዑፆ ካኣሚፖፕቴ» ጌዔኔ።

9 «ሞላሢ ዜርዖይዳፓ ጋአሲና ዒልፖይዳ ቁኡሪ ማላ ባአዚ ዓኣ ባኮ ሙዓኒ ዒንሢ ዳንዳዓኔ፤ 10 ጋዓንቴ ዋኣሢዳ ናንጋያ ጋአሲና ቁኡሪ ማላ ዒልዒባኣ ባካ ቢያ ሙይንቲዋሴ፤ ዩያጉዳ ባካ ዒንሢካ ቁፃ ማዓንዳያ ኮይሳኔ» ጌዔኔ።

11 «ካፖይዳፓኣ ዓሽኪ ሙይንታኒ ኮይሳዘንሢ ሙዑዋቴ፤ 12-18 ዓሽኪ ሙይንታኒ ኮይሱዋ ካፓ ሃካፓ ለካ ፓይዲንታዘንሢኬ፤ ዩያታ፡- ዚኢጊላ፡ ሃሞፑራ፡ ኮኣኬ፡ ከላንቁ፡ ዲማ ዲማ ዜኤጌ፡ ዲማ ዲማ ቁራኬ፡ ቱኡቴ፡ ሃንጋሃንጋ፡ ጫሪ ካፒ፡ ዲማ ዲማ ጋርማ ዜርሢ፡ ኩኩቴ፡ ሶኦሃ ሃሞፑራ፡ ሙኡታሌ፡ ባዚ ካፒ፡ ቶኮ ኬኤላ ዋላ ካኣሚ ባዘ ካፓ፡ ጫዑራ፡ ቦኣካ፡ ቆልሞና ሃንታ ቦኦሪ ካፓ፡ ማኣሎንታ ፓቃቴንታኬ» ጌዔኔ።

19 «ጋአሲና ባራና ደኮ ደኮ ባካ ቢያ ዒንሢካ ቁፃኬ፤ ዩያጉዳ ባካ ሙይንቲዋሴ፤ 20 ጋዓንቴ ዔያቶ ባኣካፓ ዲማና ሙይንታኒ ኮይሳ ባኮንሢ ዒንሢ ሙዓኒ ዳንዳዓኔ» ጌዔኔ።

21 «ሃይቁ ባአዚኮ ዓሽኮ ሙይፖፕቴ፤ ዒንሢ ባኣካ ናንጋ፡ ማሌ ዓጮ ዓሳ ዩያ ሙዓንዳጉዲ ዒንጉዋቴ፤ ሃንጎ ማሌ ዓጮ ዓሶም ዓሽኮ ዒንሢ ሻንቻኒ ዳንዳዓኔ፤ ዒንሢ ጋዓንቴ ናንጊና ናንጋ ጎዳ ማዕ ዒንሢኮ ፆኦዘሢ ሞዲማዴ ዴሬኬ። ዋናናይ ዒንዶ ዲኢቆና ካሢፖፕቴ» * ጌዔኔ።

ታጳይዳፓ ፔቴማ ዒንጎ ዳምቦ

22 «ሌዓ ሌዓ ጎሽኪ ዒንሢ ዴንቃ ሃኣኮ ቢያሢዳፓ ታጳይዳፓ ፔቴ ኩቺ ዔኪ ዔኪ ዲማሲ ጌሡዋቴ፤ 23 ዩካፓ ናንጊና ናንጋ ጎዳ ማዕ ዒንሢኮ ፆኦዘሢ ዒዛ ዒንሢ ካኣሽካንዳጉዲ ዶኦሪ

* 14:21 14:21 ዋናናይ ዒንዶ ዲኢቆና ካሢፖፕቴ ዩይ ካኣናኔ ዓሳ ማዳ ዳምቤኬ፤ ፆኦሲ ዩያ ማዶ ዒሰራዔኤሌ ዓሳ ማዲዋጉዲ ላኣኔሢ ዓይጎርታቴያ ዔርቱዋሴ። 14:21 14:21 ኬሲ. ማፃ 23:19፤ 34:26።

ቤዘ ዔኪ ዓኣዲ ናንጊና ናንጋ ጎዳ ቤርታ ቡኪንቲ ዒንሢኮ ሃኣካፓ፡ ዋይና ዑዠና ሪሚቶ ዛይቶናይዳፓ ታጳፓ ፔቴ ኩቸ ዔኪ ዒንሢ ዲማሴሢንታ ዒንሢ ዔኪ ሙኩ፡ ባኣቶና ዋኣሮናኮ ቤርታ ሾይንቲ ቆልሞ ናንጊና ናንጋ ጎዳ ማዔ ዒንሢኮ ጾኣዛሢ ጳጳ ዔኪ ሙዑዋቴ፤ ²⁴ ጋዓንቲ ናንጊና ናንጋ ጎዳ ማዔ ዒንሢኮ ጾኣዛሢ ዒንሢ ዓንጄያ ማዔም ሃሃ ዒዛ ዒንሢ ካኣሽካንዳጉዲ ዒ ዶኦሬ ቤዘ ዒንሢኮ ሃኬ ማዔ ዒንሢ ዲማሴ ኪሴ ባኮ ዔኪ ዒኢካ ሄሊሳኒ ዳንዳዒንቲባኣቲ፡ ²⁵ ታጳፓ ፔቴ ኩቸ ዒንሢ ዲማሴ ኪሴ ባኮ ሚኢሽም ሻንቸ ሚኢሾ ዔኪ ናንጊና ናንጋ ጎዳ ካኣሽኪንታ ቤዘ ዴንዲዋቴ። ²⁶ ናንጊና ናንጋ ጎዳ ማዔ ዒንሢኮ ጾኣዛሢ ጳጳ ዔኪ ቡኪንቲ ዒንሢ ኮዔ ጎይያ ባይ፡ ማራይ፡ ዋይኔ ዑሽንታ ማሌ ካፄ ዑሽያ ሻንቄ ዒኢካ ሙይ ዑሽኩዋቴ፤ ዬያይዲ ዒንሢንታ ዒንሢኮ ማኣሮ ዓሶንታ ናንጊና ናንጋ ጎዳ ማዔ ዒንሢኮ ጾኣዛሢ ጳጳ ዔኪ ዋዛዲዋቴ» ጌዔኔ።

²⁷ «ዒንሢ ዬያይዲ ዋድና ዒንሢ ባኣካ ናንጋ፡ ለዊ ዓሶ ዋሊፖቴ፤ ዓይጎሮ ጌዔቴ ዒንሢና ዋላ ዔያታ ጊሽቲ ዔኬ ዓጪ ባኣሢሮኬ። ²⁸ ሃይሃሳ ሃይሃሳ ሌዎኮ ጋፒንፃ ዒንሢ ጎሽኬ ሃኣኮይዳፓ ቢያ ታጳይዳፓ ፔቴ ኩቸ ኬሲ ኬሲ ዒንሢኮ ካታማ ካታማ ቡኩሱዋቴ፤ ²⁹ ዬያ ሃኣኮ ዒንሢ ባኣካ ናንጋያ፡ ዒንሢና ዋላ ዓጮ ጊሽቲ ዔኪባኣ ለዊ ዓሶንታ ማሌ ዓጫፓ ቤሲ ባይቂ ሙኩ ዓሶንታ ዜኤሮ ናኣቶንታ ዜኤሮይደንሢንታ ሙዎንጎ፤ ዬያ ዒንሢ ማዳቴ ናንጊና ናንጋ ጎዳ ማዔ ዒንሢኮ ጾኣዛሢ ዒንሢ ማዳ ባኮና ቢያ ዒንሢ ዓንጃንዳኔ» ጌዔኔ።

15

ጋሌ ሃሺንታ ሌዔ (ሌዊ. ዓኩ 25:1-7)

¹ ሙሴ ኬኤዛዎ፡- «ዒንሢ ሚኢሽ ታልዔ ዓሲም ቢያ ለንካሳ ለንካሳ ሌዎኮ ጋፒንፃይዳ ጋሎ ሃሹዋቴ፤ ² ዒንሢ ማዳንዳ ጎይያ ሃካፓ ሊካ ኬኤዚንታ ጎይያኬ፤ ዒንሢ ፃጲ ማዔ፡ ዒሰራዔኤሌ ዓሲም ሚኢሽ ታልዔ ዓሲ ጋሎ ሃሻንዳያ ኮይሳኔ፤ ዬያ ጋሎ ሃሺያ ሌዎ ጌሢሢ ናንጊና ናንጋ ጎዳ ፔኤርታሢሮ ዒንሢ ፃጲ ማዔ፡ ዒሰራዔኤሌ ዓሲ ታልዔ ሚኢሽ ማሃ ዔካኒ ጌይፖቴ። ³ ማሌ ዓጪ ዓሲታንቲ ዒንሢ ታልዔ ሚኢሽ ጋዓንቲ ጾኣጪ ዔካኒ ዳንዳዒኔ፤

14:29 14:29 ሌዊ. ዓኩ 27:30-33፤ ፓይ. ማፃ 18:21።

ዲንሢ ፃጲ ማዕፍ፣ ዲሰራዔኤሌ ዓሲም ዲንሢ ታልዔ ሚኢሼ ያኑጩ ዔኪፖቴ» ጌዔኔ።

4-5 «ታኣኒ ሃኖ ዲንሢም ዓይሣ ዓይሢያ ቢያ ናንገና ናንጋ ጎዳ ማዕ ዲንሢኮ ያኣዛሢም ዓይሢንቲ ዲንሢ ማዳያ ማዕቴ ናንገና ናንጋ ጎዳ ዲንሢ ሚርጌና ዓንጃንዳሢር ዲዚ ዲንሢም ዲንሢር ማሂ ዲንጋ ዓጮይዳ ዲንሢ ባኣካ ማንቆ ዓሲ ባኣያ ማዓንዳኔ። 6 ናንገና ናንጋ ጎዳ ዲንሢም ጫኣቄ ጎይዖና ዲንሢ ዓንጃንዳኔ፤ ዲንሢ ማሌ ሚርጌ ዴሬም ታልዓንዳኔ፤ ጋዓንቲ ዔያቶ ፃጳፓ ማዕፍ፣ ዓይጎ ዓሲፓኣ ዲንሢ ታልዓዓኬ፤ ዲንሢ ማሌ ሚርጌ ዴርኮ ዑፃ ማዒ ዋይሣያ ማዓንዳኔ፤ ዲንሢኮ ዑፃ ማዓንዳ ዓይጎ ዓሲያ ባኣሴ» ጌዔኔ።

7 «ናንገና ናንጋ ጎዳ ማዕ ዲንሢኮ ያኣዛሢ ዲንሢም ዲንጋ ሳዓ ዲንሢ ናንጋ ካታዋይዳ ቢያ ፔቴ ዲሰራዔኤሌ ዓሲ ማታዳያ ማዒ ጴዳቴ ዬይ ዲንሢኮ ዲጊኒ ማዕሢር ዛጊ ዘቲ ጌይፖቴ፤ ሚኢሼ ዲዛም ዲንጋኒ ዴኡዲፖቴ። 8 ጋዓንቲ ኩጮ ዲንሢኮ ቡሊ ኮይሳ ባኮ ቢያ ዲዛም ታልዑዋቴ። 9 ጋላ ሃሺንታ ላንካሳ ሌዓ ሄላኒ ዑኩኔ» ጌዒ ማታዳ፣ ዲንሢኮ ፃጳሢ ታልዖ ላኣጊፖቴ፤ ዬያጉዴ ፑርታ ማሊሢ ዲንሢኮ ዲና ጌሎፓ፤ ዲንሢ ታልዓዓ ጌዔቴ ዬይ ማታዳ፣ ዲንሢኮ ዲጊናሢ ናንገና ናንጋ ጎዳ ባንሢ ዲላታንዳኔ፤ ዬያር ዬይ ዲንሢኮ ዳቢንቲ ማዒ ዓርቁንታንዳኔ። 10 ጋዓንቲ ኩሹሞና ዘቲ ጋዓዖ ዲዒንጉዋቴ፤ ዲንጋዖ <ዓይጋ ታ ዲንጌይ?> ጌዒ ዲኖና ማሊፖቴ፤ ያዲ ጉውዋዖ ዲንሢ ዲንጌያ ማዕቴ ናንገና ናንጋ ጎዳ ማዕ ዲንሢኮ ያኣዛሢ ዲንሢ ማዳ ማዳና ቢያ ዓንጃንዳኔ። 11 ዋይቴቴያ ዲንሢ ናንጋ ሳዖይዳ ማታዳያ ማዕፍ፣ ማንቆ ዓሲ ባይቁንዲዋኣሢር ዲንሢ ዓጫ ናንጋ ማታዳ ዓሲና ማንቆ ማዕያ ዓሲም ኩጮ ቡሊ ዲንሢ ዲንጋንዳጉዲ ታ ዓይሣኔ» ጌዔኔ።

ዓይሌ ማዒ ማዳ ዓሲም ማዳኒ ኮይሳ ባኣዚ (ኬሲ. ማፃ 21:7-11)

12 «ዓቲንቄታቴያ ላኣሊ፣ ዲሰራዔኤሌ ፃጳፓ ማዕ ዓሲ ፔና ዓይሌ ማሂ ዲንሢ ፔቴ ፔቴሢም ሻንቹያ ማዕቴ ላሆ ሌዔ ዬይ ዓሢ ማዳሰካፓ ላንካሳ ሌዖና ዓይላታፓ ጋሌ ባኣያ ዲዛ ኬኬሱዋቴ፤ 13 ዓይላታፓ ዲንሢ ዲዛ ኬሳ ዋዶና ኩቹ ጉሪ ኬሲ ዳኪፖቴ፤ 14 ናንገና ናንጋ ጎዳ ማዕ ዲንሢኮ ያኣዛሢ ዲንጌ ዓንጃይዳፓ ጌይፃ፡- ማራቶይዳፓ፣ ሃኣኮይዳፓ፣ ዋይሮ ዑዙይዳፓ ኩሹሞና ዓይዒንጉዋቴ። 15 ዲንሢ ሃያኮ ቤርታ ጊብፃ ዓጮይዳ ካራሚ ማዒ

15:8 15:8 ለዊ. ዓክ 25:35። 15:11 15:11 ማቲ. 26:11፤ ማር. 14:7፤ ዮሃ. 12:8።

ናንገሠንታ ናንገና ናንጋ ጎዳ ዩካፓ ዒንሢ ጋሌባኣያ ኬሴሢ ማሊ ጳቂሠብቲ፤ ታኣኒ ሃኖ ዒንሢ ሃያ ዓይሣሢ ዩያርኬ» ጌዔኔ።

16 «ጋዓንቴ ዓይሌ ማዒ ማዳሢ ዒንሢንታ ዒንሢኮ ማኣር ዓሰንታ ናሽከ፤ ሃሣ ዒንሢና ዋላ ገአገ ናንጋሢሮ ዴንዳኒ ኮዑዋያ ማዕቲ፤ 17 ዒንሢኮ ማኣር ካራ ኬሲጋፓ ዋዮ ዩያኮ ዋሳፒቹና ዑሩዋቲ፤ ዩካፓ ዒ ሃይቃንዳያ ሄላንዳኣና ዒኢካ ዴዒ ዒንሢም ማዳያ ማዓንዳኔ፤ ዓይሌ ማዒ ማዳ ላኣሊታቲያ ዒማይዲዋቲ። 18 ዩያጉዲ ማዳ ዓሲ ኬሲ ዒንሢ ዳካ ዋዶና ዩይ ዓሢ ማኢሺ ጨገ ዒንሢ ማዳሻ ፔቲ ዓሲ ላሆ ሌዔ ማዳሰካፓ ጳንጨዮ ማዳ ዒንሢም ማዳያታሢሮ ዒኔና ማሊ ያዪፖቲ፤ ኬሲ ዳዳኩዋቲ፤ ናንገና ናንጋ ጎዳ ማዳ ማዶና ቢያ ዒንሢ ዓንጃንዳኔ» ጌዔኔ።

ቆልሞኮ ቤርታ ሾይንቴ ናይ ዛላ

19 «ዒንሢኮ ባኣቶዋ ማዶም ማራታ ቤርታ ሾዔ ጌማይ ማዕቲያ ዓዴ ማዕዔ ቢያ ናንገና ናንጋ ጎዳ ማዕ ዒንሢኮ ያኣዛሢም ዲማዴያ ማሁዋቲ፤ ቤርታ ማዒ ሾይንቴ ጌማይና ዓይጎ ባኣዚያ ማዳፖቲ፤ ዩያጉዲ ማራቶኮዋ ቤርታ ሾይንቴ ዓዶኮ ዑፓፓ ጋፓኖ ታይዚ ዔኪፖቲ፤ 20 ናንገና ናንጋ ጎዳ ዒዛ ዒንሢ ካኣሽካንዳጉዲ ፔኤም ዶኦሬ ቤዘይዳ ሌዓ ሌዓ ናንገና ናንጋ ጎዳ ማዕ ዒንሢኮ ያኣዛሢ ዴዳ ቤዛ ዒንሢ ማኣር ዓሰና ዋላ ዩያቶ ሹኪ ሙዑዋቲ። 21 ጋዓንቴ ዩያ ቆልሞኮ ቦሃሳ ባኣዚ ዓኣያ ማዕቲ ጌይፆ፡ ዋቦ፡ ዓኣፒ ባይቄያ፤ ሃሣ ዩያፓ ዑሣ ዓኣዴ ባኣዚ ዓኣያ ማዕቲ ዩያጉዴ ቆልሞ ናንገና ናንጋ ጎዳ ማዕ ዒንሢኮ ያኣዛሢም ማቺ ዒንጎ ዒንገሢ ማሃ ሽኢሽፖቲ። 22 ዩያጉዴ ቆልሞ ዒንሢኮ ማኣራ ዒንሢ ሙዓኒ ዳንዳዓኔ፤ ዳምቦ ጎይያና ጌኤሽኬያ፡ ሃሣ ጌኤሽኪባኣያ ማዕቲያ ሮኣቶንታ ጋፒሪንታ ዒንሢ ሙዓሢጉዲ ቢያሢ ሙሙዑዋቲ። 23 ጋዓንቴ ሱጉያ ዔያቶኮ ሙኡዚ ማሃ ሙይፖቲ፤ ዋኣሢጉዲ ሳዓ ላላኣሉዋቲ» ጌዔኔ።

16

ዑሣ ዓኣዲያ ቦንቾ (ኬሲ. ማፃ 12:1-20)

1 ሙሴ ኬኤዛያ፡- «የኦሲ ገብፄ ዓጮ ዓይላቶይዳፓ ዒንሢ ኬሴሢ ዓቢቤ ዓገሮኮ ፔቲ ኬሊ ዋንቴና ማዕሢሮ ዩኖ ዓገሮና

15:18 15:18 ሊዊ. ዓከ 25:39-46። 15:19 15:19 ኬሲ. ማፃ 13:12።
15:23 15:23 ማዢ. ማፃ 9:4፤ ሊዊ. ዓከ 7:26-27፤ 17:10-14፤ 19:26፤ ላሚ. ሞማ 12:16፤ 23።

ዑሣ ዓኣዲያ ቦንቾ ሜንሢ ናንጊና ናንጋ ጎዳ ማዔ ዒንሢኮ ጾኦዛሢ ቦንቾዋቴ። 2 ናንጊና ናንጋ ጎዳ ማዔ ዒንሢኮ ጾኦዛሢ ዒዛ ሱንፃ ካኣሽከንታዳጉዲ ዶኦሬ ቤዘ ዓኣዲ ዒኣካ ዒዛ ቦንቻኒ ዒንሢኮ ማራቶይዳፓ ማዔቴያ ባኣቶይዳፓ ዶኦሬ ፔቴ ፔቴ ሹኩዋቴ፤ 3 ዬያ ካዋሢ ዒንሢ ሙዓኣና ሙኦቃ ፃኣዛ ጌሊባኣ ላኣዳ ሙዑዋቴ፤ ጊብፄ ዓጫፓ ሩኡሪ ዒንሢ ኬሰካፃ ማጄ ጎይፃ ላንካይ ኬሊ ጉቤ ሙኦቃ ፃኣዛ ጌሊባኣ ላኣዳ ሙዑዋቴ፤ ዬይ ማቶ ካሣ ጌይንታንዳኔ፤ ዬያሮ ዒንሢ ናንጋ ዋዶ ቢያይዳ ሚርጌ ሜቶ ዒንሢ ዔኬ፣ ጊብፄ ዓጫፓ ኬሰኬ ኬሎ ዬያና ጳቂሣንዳኔ። 4 ዴንዲ ላንካይ ኬሊ ሄላንዳኣና ዒንሢ ዓጮይዳ ዒይጎ ዓሲ ማርካኣ ማፃም ሙኦቃ ፃኣዛ ባኣያ ማፃንጎ፤ ቤርታሳ ኬሎኮ ዋንቶ ዒንሢ ጾኦሲም ጌይ ሹኬ ቆልሞኮ ዓሽካ ቢያ ዒሚ ዋንቶ ሙይንጉ ጋጋፓንዳያ ኮይሳኔ» ጌዔኔ።

5 «ዑሣ ዓኣዲያ ቦንቾሮ ጌዒ ሹኮ ቆልሞ ናንጊና ናንጋ ጎዳ ዒንሢም ዒንጌ ዓጮ ካታሞ ቢያሢዳ ዒንሢ ሹካንዳያ ኮይሱዋሴ። 6 ጋዓንቴ ሹከንታኒ ኮይሳሢ ናንጊና ናንጋ ጎዳ ማዔ ዒንሢኮ ጾኦዛሢ ዒዛ ዒንሢ ካኣሽካንዳጉዲ ዶኦሬ ቤዘማካ ሌሊኬ። ዬይያ፡- ዓባ ጌላኣና ጊብፄ ዓጫፓ ዒንሢ ኬሰኬ ኬሎና ኬሰኬ ዋዶማ ካፒ ማዳንዳያ ኮይሳኔ። 7 ዬያ ዓሽኮ ካሢ ናንጊና ናንጋ ጎዳ ማዔ ዒንሢኮ ጾኦዛሢ ዶኦሬ ቤዘ ሙዒጋፓ ዚሮ ጉቴ ዒንሢ ማኣሪ ማኣሪ ማዒ ዴንዲዋቴ። 8 ዬማፓ ዴንዲ ላሆ ኬሊ ሄላንዳኣና ላኣዳ ሙዑዋቴ፤ ላንካሳ ኬሎና ናንጊና ናንጋ ጎዳ ማዔ ዒንሢኮ ጾኦዛሢ ዘጊ ካኣሽካኒ ቡከንቱዋቴ፤ ዬሮ ኬሎ ማዶ ማዲፖቴ» ጌዔኔ።

ማኣሎ ቡሪያና ቦንቾንታ ቦንቾ
(ኬሲ. ማፃ 34:22፤ ሌዊ. ዓኬ 23:15-21)

9 «ማኣሎ ቡሪያ ዒንሢ ዓርቄማፓ ቃልሽ ኬሊ ኬሊ ላንካይ ፓይዲዋቴ፤ 10 ዬካፓ፡ ናንጊና ናንጋ ጎዳ ዒንሢ ዓንጃ ጎይፃጉይያ ዒንሢ ሹኔና ዒንሢ ዒንጋ ዒንጊሢ ናንጊና ናንጋ ጎዳ ማዔ ዒንሢኮ ጾኦዛሢም ዒንጊ ማኣሎ ቡሪያና ቦንቾ ቦንቾ ኬሊ ጌሢ ቦንቾዋቴ። 11 ዒንሢኮ ዓቲንቆ ናኣቶንታ ዉዲሮ ናኣቶንታ ዒንሢም ማጄ ማጄ ዓቲንቆንታ ላኣሎንታ ዒንሢኮ ካታሞይዳ ናንጋ ሌዊ ዓሶንታ ሜሌ ዓጮይዳፓ ሙከ ናንጋ ዓሶንታ ዜኤሮ ናኣቶና ዜኤሮ ዒንደንሢንታ ዋላ ዒዛ ኬሎ ቡከ፡ ናንጊና ናንጋ ጎዳ ዒዛ ዒንሢ ካኣሽካንዳጉዲ

16:8 16:8 ሌዊ. ዓኬ 23:5-8፤ ፓይ. ማፃ 28:16-25።

ደኑሪ ቤዘይዳ ዋዛዲዎቹ። 12 ዩንሢ ዳሞቦንሢ ዛጊ ካቸዋቱ፤ ሃሣ
ቢንሢ ጊብፃ ዓጫ ዓይሌ ማዒ ናንጌሢያ ጳቂሡዎቹ» ጌዔኔ።

ወልሾ ዳማ ቦንቹንታ ቦንቾ
(ሌዊ. ዓክ 23:33-43)

13 «ቢንሢ ማአሎ ቡሪ፣ ሃሣ ዋይኖዋ ማንፂ ጨኡጲ ጋፒሴሰካፓ
ላንካይ ኬሊ ሄላንዳኣና ወልሾ ዳማ ቦንቾ ኬሊ ጌሢ ቦንቹዎቹ፤
14 ዩያ ቦንቾ ቢንሢኮ ባቲንቆ ናኣታ፣ ዉዲሮ ናኣታ፣ ማዶ ማዶ
ባቲንቆንታ ላኣሎንታ፣ ቢንሢኮ ካታሞይዳ ናንጋ ሌዊ ባሶንታ፣
ሚሌ ዓጮይዳፓ ሙኪ ናንጋ ባሶንታ፣ ዜኤሮ ናኣቶንታ ዜኤሮ
ቢንዶንሢታ ዋላ ቡኪ ዋዛዲ ቦንቹዎቹ። 15 ናንጊና ናንጋ ጎዳ
ማዔ ቢንሢኮ ያኣዛሢ ቢዛ ቢንሢ ካኣሽካንዳጉዲ ደኑሪ ቤዘይዳ
ላንካይ ኬሊ ሄላንዳኣና ዳዒ ቢዛ ቦንቹዎቹ፤ ናንጊና ናንጋ ጎዳ
ማዔ ቢንሢኮ ያኣዛሢ ቢንሢ ጎሽኬ ሃኣኮና ቢንሢ ማዶ ባኮና ቢያ
ባንጃንዳሢሮ ዬኖ ቦንቾ ዋዛዲ ቦንቹዎቹ» ጌዔኔ።

16 «ቢንሢኮ ባቲንቃ ቢያ ሌዖይዳ ሃይሢ ማይንቲ ዑሣ ዓኣዲያ
ቦንቹንታ፣ ማአሎ ቡሪያ ቦንቹንታ፣ ወልሾ ዳማ ቦንቹንታ ቦንቾ
ቦንቻኒ ናንጊና ናንጋ ጎዳ ማዔ ቢንሢኮ ያኣዛሢ ደኑሪ ቤዘይዳ
ቡኪንቶንጎ፤ ቦንቾሮ ዔያታ ሙካ ዋዶና ኩቹ ጉሪ ሙኮፓ፤ 17 ዔያታ
ቢንጋኒ ዔኪ ሙካንዳ ባካ ናንጊና ናንጋ ጎዳ ዔያቶም ቢንጌ ጎይያ፤
ሃሣ ባንጃ ጎይያጉዴያ ማዖንጎ» ጌዔኔ።

ፒዜ ዋጌ ዋጊሢ ዛላ

18 «ናንጊና ናንጋ ጎዳ ማዔ ቢንሢኮ ያኣዛሢ ፔቲ ፔቲ ፃጶም
ቢንጋ ዓጮኮ ካታሞይዳ ካታሞይዳ ዋጌ ዋጋንዳ ዓሲና ዋይሣንዳ
ሱኡጌና ደኣሩዎቹ፤ ዩንሢ ባሶንሢ ዓሲ ዲማሲ ዛጉዋዖ ዋጋንዳያ
ኮይሳኔ፤ 19 ዋጎ ዋጊያ ዋቢሲፖቲ፤ ዓሲ ዲማሲ ዛጊ ዋጊፖቲ፤ ዓሲ
ጌሽፖቲ፤ ዳሚና ዔኮ ሚኢሹ ዔኪፖቲ፤ ዩያጉዴ ሚኢሻ ዔሮ ባሶኮ
ዓኣፖ ባይዚ ዋቦ ዋጌ ዋጊሳኔ። 20 ናንጊና ናንጋ ጎዳ ቢንሢም ቢንጋ
ዓጮ ዳካሊ ሹምፔና ናንጋኒ ፔዜ ዋጌ ሌሊ ዋጉዎቹ» ጌዔኔ።

21 «ናንጊና ናንጋ ጎዳ ማዔ ቢንሢኮ ያኣዛሢም ሚቹ ቢንጎ ቤዛ
ቢንሢ ኮሻሢኮ ኮይላ ዓሹራ ጌይንታ ያኣዜሎኮ ማላታ ማዓ ሚሢ
ደቂቃቲ፤ ሃሣ ቲኪፖቲ። 22 ናንጊና ናንጋ ጎዳ ማዔ ቢንሢኮ ያኣዛሢ
ቢያያ ማዔ ካኣሽኮ ዳኣቦዋ ቢኢካ ዳኣቢፖቲ» ጌዔኔ።

16:12 16:12 ፓይ. ማፃ 28:26-31። 16:15 16:15 ፓይ. ማፃ 29:12-38።
16:19 16:19 ኬሲ. ማፃ 23:6-8፤ ሌዊ. ዓክ 19:15። 16:21 16:21 ኬሲ. ማፃ
34:13። 16:22 16:22 ሌዊ. ዓክ 26:1።

17

1 ሙሴ ከኤዛየ፡- «ዲንሢኮ ባአቶይዳፓ ማዕቲያ ማራቶይዳፓ ፔቴ ዔኤቢ ቦሂሳ ባአዚ ዓአ ቆልሞ ናንገና ናንጋ ጎዳ ማዕ ዲንሢኮ ጾአዛሢ ማቺ ዲንጎ ዲንጊሢ ማሂ ሺኢሺፖቴ፤ ዬያ ናንገና ናንጋ ጎዳ ዲፃያኬ» ጌዔኔ።

2-3 «ናንገና ናንጋ ጎዳ ማዕ ዲንሢኮ ጾአዛሢ ዲንሢኮም ዲንጋ ካታሞኮ ፔቴ ካታማይዳ ዓአ ዓቲንቄ ማዕቲያ ላኣሊ ናንገና ናንጋ ጎዳ ማዕ ዲንሢኮ ጾአዛሢ ቤርቶይዳ ፑርታ ባአዚ ማዲ ዲዛና ዋላ ጫአቄ ጫአቄሞ ሃሻያ ማዕቲ፤ ጌይፃ፡- ሜሌ ካአሽኮ ባአዚም፡ ዓቢንታ ዓገገንታ ዠኣገንታም ዘገገ ካአሽኬያ ማዕቲ፤ 4 ዬያጉዴ ባአዚ ዲንሢኮ ዋይዜ ዋዶና ኮሺ ዛገ ጾአጪ ዔሩዋቴ፤ ዬያጉዴ ፑርቶ ባካ ዲሰራዔኤሌ ዓሶ ባአካ ማዲንቲሢ ጎኔ ማዕቲ፤ 5 ዬያ ዓሢታቴያ ዬኖ ዓሴሎ ካታማፓ ዙሎ ኬሲ ሹቻ ዲይ ዋዲዋቴ። 6 ጋዓንቴ ዬያይዲ ዋዲንታንዳሢኮ ቤርታ ላምፃ፡ ሃንጎ ሃይሃ ዓሲ ማርካዳንዳያ ኮይሳኔ፤ ማርካ ፔቴ ሌሊ ማዕቲ ዬኖጉዴ ዓሲ ዋዲንቶፓ፤ 7 ዋዲንታ ዋዶና ማርኮንሢ ቤርታዲ ሹጮና ዲያንጎ፤ ዬካፓ ዴራ ዲያንጎ፤ ዬያይዲ ዬያጉዴ ፑርቶ ባኮ ዲንሢኮ ባአካፓ ዲንሢኮ ባይዛኒ ዳንዳዓኔ» ጌዔኔ።

8 «ጳርቂያ ማፃም ጫርገ ዓሲኮ ሱጉሢ ላኣሊሢ ዛላ፡ ፔቴይ ባጋሢኮ ዔኤቢ ፑርቲሴ ዛላና ሞኦቲንቲ፤ ሃሃ ፔቴ ዓሲ ዓሲ ዋዲ፤ ዬያጉዴ ባአዚና ዓሳ ዋሊ ሞኦታ ዋዶና ዋጋኒ ሜታሳያ ማዕቲ ናንገና ናንጋ ጎዳ ማዕ ዲንሢኮ ጾአዛሢ ዲዚ ካአሽኪንታንዳጉዲ ደኦሬ ቤዘ ዴንዳዋቴ፤ 9 ዬያ ጌኤዙ ሌዊ ፃጳፓ ቄኤሶ ማዕዘንሢና ዎጎ ዋጋ ሱኡጋሢናም ሺኢሹዋቴ፤ ዬያ ዔያታ ጌሰቲ ኩንሃንጎ። 10 ዔያታ ዲንሢኮም ጾኦሲ ደኦሬ ቤዘይዳ ጌሰቲ ኩንሃንጎ ዲንሢኮ ማዲንጎ ጌይ ዓይሢ ባኮ ማዲ ኩንሡዋቴ፤ 11 ዔያታ ዲንሢኮም ከኤዛ ዳምቦ ጎይፃ ቢያ ባኮ ማዲዋቴ፤ ፔቴታፃ ዬያ ማዲያ ሃሺፖቴ። 12 ሱኡጋሢናም ማዕቲያ ናንገና ናንጋ ጎዳ ማዕ ዲንሢኮ ጾአዛሢ ማዲ ቄኤሳሢናም ዓይሢንቲያ ዓዲ ጌኤታዲሢ ሃይቃንዳያ ኮይሳኔ፤ ዬያይዲ ዬያጉዴ ፑርቶ ባኮ ቢያ ዲሰራዔኤሌ ዓሶ ባአካፓ ባይዙዋቴ። 13 ዬካፓ ዓሲ ቢያ ዬያ ዋይዘያ ዲገጫንዳኔ፤ ዬያጉዴ ፑርታ ባአዚ ማዲኒ ጫርቃንዳ ዓሲ ባአያ ማዓንዳኔ» ጌዔኔ።

ካኣቶ ዛላ ከኤዚንቴ ዳምቤ

17:2-3 17:2-3 ኬሲ. ማፃ 22:20። 17:6 17:6 ፓይ. ማፃ 35:30፤ ላሚ. ዎማ 19:15፤ ማቲ. 18:16፤ 2ቆር. 13:1፤ 1ፂሞ. 5:19፤ ዔ.ብ. 10:28። 17:7 17:7 1ቆር. 5:13።

14 «ናንገና ናንጋ ጎዳ ማዕ ዲንሢኮ ፆአዛሢ ዲንሢሞ ዲንጋ ዓጮ ጌሊ፡ ሳዎዎ ዳካሊ፡ ገኢገ ዲንሢ ናንጌሰካፓ ዲንሢ ኮይላ ዓኣ ዴሮጉዲ ካኣቲ ካኣታሢን ዲንሢ ኮዔቴ፡ 15 ናንገና ናንጋ ጎዳ ማዕ ዲንሢኮ ፆአዛሢ ዶኦሬ ዓሲ ዲንሢ ካኣታሳንዳያ ኮይሳኔ፤ ዲንሢ ዑፃ ዲንሢ ካኣታሳ ዓሢ ዲንሢ ባኣካፓ ዲንሢ ዓሲ ማዎንጎ፤ ሜሌ ዓጪ ዓሲ ዲንሢ ዑፃ ዲንሢ ካኣታሳንዳያ ኮይሱብሴ፡፡ 16 ዬያ ካኣታሢኮ ያላ ዓሰሞ ሚርጌ ፓራ ዓኣያ ማዓኒ ኮይሱብሴ፤ ፓራሢ ሻንቃኒ ገብፄ ዓጮ ዓሲ ዳካኒያ ዲዛሞ ኮይሱብሴ፤ ዓይጎሮ ጌዔቴ ናንገና ናንጋ ጎዳ ፔኤኮ ዴራ ገብፄ ዓጮ ማዓ ዴንዲዎጉዲ ላኣጌሢሮኬ፡፡ 17 ሃሃ ዬይ ካኣታሢ ሚርጌ ላኣሊ ዔካንዳያኣ ኮይሱብሴ፤ ያዲ ማዔቴ ፆኦሲ ዲ ካኣሽኩባጉዲ ዲዛ ባሻንዳኔ፤ ዬያጉዲ ገንሣ ዎርቄና ቢራና ሚርገሻኒ ዲ ኮዓያ ማዎፓ፡፡ 18 ዬያይዳፓ ዲዚ ካኣታዳ ዎዶና ሌዊ ዓሰ ማዔ፡ ቁኤሳ ካፒ ናንጋ ፆኦሲኮ ዎጋ ፆኣፒንቴ ማፃአፖይዳፓ ፆኣፒ ዔኮንጎ፤ 19 ዬያ ማፃአፖ ፔ ኮይላ ጌሢ ዲ ናንጋ ዎዶ ቢያይዳ ናባቦንጎ፤ ዬያ ዲ ማዳቴ ናንገና ናንጋ ጎዳ ቦንቹሢና ዬሮ ማፃአፖይዳኣ ፆኣፒንቴ ዎጎንታ ዳሞቦንታ ዛገ ጉሙርቁንቲ ማዲ ኩንሥሢ ዲ ዔራንዳኔ፡፡ 20 ዬይ ፔና ዲ ፔ ፆጶ ዲሰራዔኤሌ ዓሰይዳፓ ታ ባሽኬ» ጌዲ ዶቶርቁዎጉዲ፤ ሃሃ ናንገና ናንጋ ጎዳ ዓይሄ ዓይሢዎዎ ዲዚ ሃሹባጉዲ ዲዛ ላኣጋያ ማዓንዳኔ፤ ዬያ ዲ ማዳቴ ሚርጌ ዎዶ ዲ ካኣታዲ ዴዓንዳኔ፤ ዲዛኮ ናኣታኣ ዲሰራዔኤሌ ዓሰ ዑይይዳ ሚርጌ ዎዶ ካኣታዲ ናንጋዳኔ» ጌዔኔ፡፡

18

ቁኤሶና ሌዊ ዓሰናም ዲንጎ ባኮ

1 ሙሴ ኬኤዛዎ፡- «ቁኤሴ ማዓ ማዳንዳጉዲ ዶኦሪንቴ ሌዊ ዓሰንታ ሌዊ ዓሰ ፆጶ ቢያሢ ሃንጎ ዲሰራዔኤሌ ዓሰና ዎላ ገሸቲ ዔካ ሳዓ ባኣሴ፤ ዬያ ዛሎ ናንገና ናንጋ ጎዳም ዲንጋኒ ዔኪ ሙኮ ዲንገይና ሜሌ ዲንጎ ባኮ ሙይ ዔያታ ናንጋኔ፡፡ 2 ዔያቶ ፆጶ ዲሰራዔኤሌ ዓሰ ባኣካ ዔያቶሮ ማዔ ዓጪ ዔያቶኮ ባኣያ ማዓንዳኔ፤ ናንገና ናንጋ ጎዳ ዔያቶም ጫኣቁ ጎይያና ዔያታ ፔኤም ማዓ ባኮ ዴንቃሢ ቁኤሴ ማዓ ናንገና ናንጋ ጎዳም ማዳ ማዶፓኬ» ጌዔኔ፡፡

17:14 17:14 1ሳሙ. 8:5፡፡ 17:16 17:16 1ካኣቶ. ማ 10:28፤ 2ዎኦሲ. ዓሃኬ 1:16፤ 9:28፡፡ 17:17 17:17 1ካኣቶ. ማ 10:14-22፤ 27፤ 11:1-8፤ 2ዎኦሲ. ዓሃኬ 1:15፤ 9:27፡፡ 18:2 18:2 ፓይ. ማፃ 18:20፡፡

3 «ባይ መጭቱያ መራይ ናንገና ናንገ ጎዳም ሹኪንታ ዎዶና ቁኤሳ ላባዎንታ ባንጋሎንታ ጋንጮንታ ዔካኔ። 4 ሃኣኮንታ ዎይኖ ዑዠንታ ሪሚቶ ዛይታ ማራቶኮ ታይዘና ጋፓኖዎ ዓይሱዎያ ቤርቶ ቁኤሶም ዒንጉዎቲ፤ 5 ናኣናና ቁኤሴ ማዒ ማዳንዳጉዲ ናንገና ናንገ ጎዳ ዒንሢ ፃጶ ባኣካፓ ሌዊ ዓሶ ዶኦሬኔ» ጌዔኔ።

6 «ፔቲ ሌዊ ዓሴ ናንገ ዎኖ ዛላፓኣ ማዎም ዒሰራዔኤሌ ዓሶ ካታማፓ ናንገና ናንገ ጎዳ ዒዛ ዓሳ ካኣሽካንዳጉዲ ዶኦሬ ቤዘ ሙካኒ ሚርጌና ናሽኪ ዔቁያ ማዔቲ። 7 ዒኢካ ማዳ ዒዛ ፃጶ ሌዊ ዓሳ ማዳሢጉዲ ናንገና ናንገ ጎዳ ማዔ ፔ ያኣዛሢም ቁኤሴ ማዒ ማዳንጎ። 8 ማሌ ቁኤሳ ዔካ ሙዎይዳፓ ዒዛ ሄላማ ዒዚ ዔካንዳኔ፤ ሃሃ ዒዛኮ ማእሮ ዓሳ ዔኤቢ ሻንቼያይዳፓ ዳኬቲያ ዒ ዔካኒ ዳንዳዓኔ» ጌዔኔ።

ማሌ ዓሳ ማዳ ባካ ዒሰራዔኤሌ ዓሶም ላኣገንቲሢ

9 «ናንገና ናንገ ጎዳ ማዔ ዒንሢኮ ያኣዛሢ ዒንሢም ዒንጋ ዓጮ ዒንሢ ጌላ ዎዶና ዒዛ ዓጮይዳ ናንገ ዓሳ ማዳ ሻኣካ ማዶ ማዲፖቲ። 10 ዒንሢ ባኣኮይዳ ያኣሰም ጌዒ ፔኤኮ ዓቲንቆ ናዎታቲያ ዉዶሮ ናዎ ሹኪ ሚቹ ዒንጎ ቤዘይዳ ዒንጋ ዓሴ ባኣያ ናንጎንጎ፤ ዬያጉዲ ሃሃ ማርሻ ማርሻ ዓሴ፣ ጫኣቃ ዓሴ፣ ዠዎቶ ዠኦቃ ዓሴንታ ሩቁንቲ ዋርቃ ዓሴያ ባኣያ ናንጎም። 11 ሃሃ ዓማቶ ማዒ ማዳ ዓሴ፣ ፑርታ ዓያናና ጌሰታ ዓሴ፣ ጎርሞይቲ ማዓ ዓሴያ ዒንሢ ባኣካ ባኣያ ማዎንጎ። 12 ዬያ ማዳ ዓሴ ቢያ ናንገና ናንገ ጎዳ ማዔ ዒንሢኮ ያኣዛሢ ዒናፓ ዒፃያኬ፤ ዒንሢ ቤርቲም ዴንዴ ዎዶና ናንገና ናንገ ጎዳ ማዔ ዒንሢኮ ያኣዛሢ ማሌ ዴሮ ዒንሢ ቤርታፓ ኬሲ ኬሲ ዳውሲ ዳካሢ ዬያጉዴ ዒኢቲ ባኣዚ ዔያታ ማዳሢሮኬ። 13 ዒንሢ ጋዓንቲ ናንገና ናንገ ጎዳ ማዔ ዒንሢኮ ያኣዛሢም ጉቤና ጉሙርቁንታያ ማዓኒ ኮይሳኔ» ጌዔኔ።

ያኦሲ ማሊሢ ኬኤዛ ዓሴ ዔቃንዳሢ ዛሎ ኬኤዚንቲሢ

14 ዬካፓ ሃሃ ሙሴ፡- «ዒንሢ ዴንዲ ዓጮ ዔያቶ ሃሺሲ ዳካላንዳ ዓጮይዳ ዓኣ ዴራ ማርሻ ማርሻያና ዠዎቶ ናሽካያኬ፤ ዒንሢ ጋዓንቲ ዬያ ማዳንዳጉዲ ናንገና ናንገ ጎዳ ማዔ ዒንሢኮ ያኣዛሢ ኮዑዋሴ። 15 ናንገና ናንገ ጎዳ ዒንሢ ፃጶ ባኣካፓ ታጉዴያ ያኦሲ ማሊሢ ኬኤዛያ ዒንሢም ዶኦሬ ኬሳንዳኔ፤ ዒዚ ጋዓ ባኮ ቢያ ዎይዚ ዓይሢንታያ ማዑዋቲ» ጌዔኔ።

18:10 18:10 ሌዊ. ዓከ 19:26፤ ከሲ. ማፃ 22:18። **18:11** 18:11 ሌዊ. ዓከ 19:31። **18:13** 18:13 ማጉ. 5:48። **18:15** 18:15 ዳኪ. ማዶ 3:22፤ 7:37።

16 «ሲና ደኮ ኮይላ ዒንሢ ቡኪንቴያና ኑ ሃይቃንዳኔ» ጌዒ ዒጊጩ፣ ናንጊና ናንጋ ጎዳ ዒንሢሚሞ ላሚ ኬኤዙዋጉዲ፤ ሃሃ ዒዛኮ ፔጋዲ ጴዲያ ዔርዛ ዒጊቻ ታማ <ላሚ ጴዲፓ> ጌይ ዒንሢ ዒዛ ምጎጩ። 17 ዬያር፣ ናንጊና ናንጋ ጎዳ ታኣም <ዔያታ ምጎጩሢ ፒዜኬ>፤ 18 ኔ ጉዴያ፣ ማሌ ታ ማሊሢ ኬኤዛ ዓሲ ዔያቶ ፃጶ ባኣካፓ ታ ዔያቶም ዔቁሳንዳኔ፤ ዒዚ ኬኤዛንዳ ባኮ ዒዛም ታ ኬኤዛንዳኔ፤ ታኣኒ ዒዛ ዓይሣ ባኮ ቢያ ዒዚ ዴርም ኬኤዛንዳኔ፤ 19 ታ ሱንፆና ዬያ ኬኤዛ፣ ታ ማሊያ ኬኤዛሢ ጋዓ ባኮ ዋይዙዋ ዓሲ ቢያይዳ ማቶ ታ ዓጋንዳኔ። 20 ጋዓንቴ ታኣኒ ዓይሢባኣ ዓይጎ ባኣዚያ ታ ሱንፆና ጩርቁ ኬኤዛ ዓሢ፤ ዬያጉዲ ሃሃ ማሌ ምጎጩ ሱንሢና ሎንሃ ኬኤዛ ዓሲ ቢያ ዋዲንቶንጎ» ጌዔኔ።

21 « <ፔቴ ምጎጩ ማሊሢ ኬኤዛ ዓሲ ኬኤዛሢ ጎዳይዳፓ ማዒባኣያ ማዔቴ ዓይጎና ኑ ዳማሲ ዔራንዳይ> ዒንሢ ጌዔቴ፤ 22 ፔቴ ዓሲ ምጎጩ ሱንሢና ሎንሃ ኬኤዜንቴ ዬይ ዒ ጌዔ ባካ ኩሚባኣያ ማዔቴ ዬይ ዓሢ ፔጊዳፓ ዔኪ ኬኤዜያፓዓቴም ናንጊና ናንጋ ጎዳ ኬኤዜምቱዋኣሢሮ ዒንሢ ዬያ ዒጊጩንዳያ ኮይሱዋሴ» ጌዔኔ።

19

ዲማ ዲማ ዓኣሺንቴ ቶሎ ካታሞ
(ፓይ. ማፃ 35:9-28፤ ዒያ. 20:1-9)

1 ሙሴ ኬኤዛዎ፡- «ናንጊና ናንጋ ጎዳ ዒንሢሚሞ ዒንጋ ሳይይዳ ናንጋ ማሌ ዓሲ ዒዚ ባይዜም ዔያቶኮ ካታሞና ማኣሮና ደካሊ ዒኣካ ዒንሢ ናንጎ ዓርቁ ዋደና፡ 2-3 ናንጊና ናንጋ ጎዳ ማዔ ዒንሢኮ ምጎጩ ዒንጌ ዓጩሎ ሃይሃ ሴሲ ፓቂ ፔቴ ፔቴ ሴዞይዳ ፔቴ ፔቴ ካታማ ዲማሱዋቴ፤ ዓሲ ዋደ ዓሲ ፑኒንቴ ዴንዳንዳጉዲ ዬኖ ካታሞ ዔኪ ዓኣዳ ጎይሢ ጌሡዋቴ፤ ዬካፓ ዓሲ ዋደ ዓሲ ፔ ሹምፓሢ ዓይሳኒ ዬንሢ ካታሞንሢፓ ፔቴማ ዓኣሺንቴ ዴንዳንጎ፤ 4 ፔቴ ዓሲ ቤርታ ሞርኬ ማዒባኣያታንቴ፤ ሃሃ ዋደኒ ማሊባኣያ ደቢንቴ ዋደያ ማዔቴ ዬይ ዓሢ ዬንሢ ካታሞንሢፓ ፔቴማ ጌሊ ፔ ሹምፓሢ ዓይሶንጎ። 5 ዬይ ያዲ ማዓኒ ዳንዳዓሢ ኮኣኪንሢና ላምዎ ዓሲ ሚሢ ቆፃ ዔካኒ ካይዚ ዓኣዳም ፔቴሢ ሚያ ቆፃንቴ ሄርጋ ኪሪ ዴንዲ ባጋሢ ዋደቴ፤ ዬኖ ጉዴ ዓሲ ዬንሢ ሃይሃ ካታሞንሢፓ ፔቴማ ጌሊ ቶሊ ዓቶንጎ። 6 ያዲ ማዒባኣያታቴ ዋደኒ ማሊባኣያታዎ ደቢንቴና ፔቴ ዓሲ ዓሲ ዋደያ ማዔም፡ ዓኣሺንቴ ቶሎ ካታማኣ ሃኬ ማዔም፡ ዬያ ሃይቁሢኮ ዒጊና ሱጉፆ ማሃኒ ጎይሢ ቲቂ ዋደንዳያ

18:19 18:19 ዳኪ. ማዶ 3:23።

ከይሱዋ ዓሲታንቴ ዳጋና ዎዳኒ ዳንዳዓኔ፤ 7 ሃይሠ ካታሞንሢ ሲንሢ ዲማሳንዳጉዲ ታ ዓይሠሢ ዬያርኬ» ጌዔኔ።

8 «ናገገና ናንጋ ጎዳ ማዔ ሲንሢኮ ጾአዛሢ ሲንሢኮ ቤርታአ ዓደንሢም ጨአቄ ጎይያና ዓጮ ሲንሢኮ ዒ ዳልጊሼ ዎደና፡ 9 ዬንሢ ሃይሠ ካታሞንሢዳ ሜሌ ሃይሠ ዓአሺንቴ ቶሎ ካታማ ቃሲ ማዠዋቴ፤ ሃኖ ታአኒ ሲንሢ ዓይሠ ዓይሢያ ቢያ ማዲ ሲንሢ ኩንሢ፡ ናንገና ናንጋ ጎዳ ማዔ ሲንሢኮ ጾአዛሢ ሲንሢ ናሽከ፡ ሃሣ ዒዚ ጋዓ ጎይያ ሲንሢ ሃንቴቴ ሃኖ ዓጩሎ ሲንሢም ዒዚ ሲንጋንዳኔ። 10 ዬያ ሲንሢ ማዳቴ ፒዜ ዓሲ ሃይቃዓከ፤ ናንገና ናንጋ ጎዳ ማዔ ሲንሢኮ ጾአዛሢ ሲንሢም ሲንጋ ዓጩይዳ ፒዜ ዓሲ ሃይቃንዳጉዲ ዎጊ ዳቢንቴ ዓሲ ሲንሢ ማዓዓከ» ጌዔኔ።

11 «ጋዓንቴ ፔቴ ዓሲ ዓሲ ዒዳ ዎዳኒ፡ ካቴ፡ ዓሲ ሚጨንቴዎያ ማዒ ዎዳያ ፔ ሸምፓሢ ዓይሳኒ ዬንሢ ካታሞንሢዳፓ ፔቴማ ፑኒ ጌሌቴ፡- 12 ዬይ ዓሢ ናንጋ ካታሞይዳ ዓአ ሱኡጋ ዓሲ ዳኪ ዒዛ ዓኪ ሙኪ ሃይቄ ዓሢኮ ሱጉያ ማሃኒ ዳንዳዓ ዑኩ ዓጊኖም ዓአሢ ሲንጎንጎ። 13 ዬያ ፔቴታያ ሚጨንቴፖቴ፤ ቢያ ባአዚና ኮሺ ሲንሢም ማዓንዳጉዲ ዓሲ ዎዳ ዓሲ ዒሰራዔኤሌይዳፓ ባይዙዋቴ» ጌዔኔ።

ሚናፓ ዓአ ዛጲኮ ዑሣ ኬሰኪሢ ከይሱዋያ ማዔሢ

14 «ናገገና ናንጋ ጎዳ ማዔ ሲንሢኮ ጾአዛሢ ሲንሢሮ ማሃ ሲንጋ ዓጩኮ ኔኤም ሲንገንቴ ቤዘና ኔ ዓሺናሢናኮ ሚናፓ ዓአያ፡ ዛጲ ማሃ ጌሃና ማላቶኮ ዑሣ ዓአዲፖቴ» ጌዔኔ።

ማርካቶ ዛላ ኬኤዚንቴ ባአዚ

15 «ፔቴ ዓሲ ዳቢንቴያ ማዔሢ ዔራኒ ፔቴ ማርካ ሌሊ ጊዳዋሴ፤ ፔቴ ዓሲ ዳቢያ ማዔሢ ዔራኒ ላምያ ሃንጎ ሃይሠ ማርካ ከይሳኔ። 16 ፔቴ ዓሲ ሉኡዙምና ሜሌ ዓሲ ሜቶ ሄሊሳኒ ዎጌና ዓይሢሴቶ፡ 17 ላምያንሢ ጾኦሲ ካአሽኮ ቤዘይዳ ዬኖና ቄኤሴ ማዒ ማዳ ዓሶንታ ዎጎ ዎጋ ዓሶንታ ቤርቶ ሸኢኮንጎ። 18 ዬካፓ ዎጎ ዎጋ ዓሳ ጌኤዘ ኮሺ ዛጎንጎ፤ ጎያንቴ ዬይ ዓሢ ዒዛ ያጶ ማዔ፡ ዒሰራዔኤሌ ዓሲዳ ሉኡዙም ሃይሴ ሸኢሺ ዳዴቴ፡- 19 ዎጎና ዓይሢንቴ ዓሢም ዓጋኒ ማሎና ባካ ዬያም ማያንጎ፤ ዬያጉዳ ፑርታ ባአዚ ቢያ ዬያይዲ ሲንሢ ባአካፓ ሲንሢ ባይዘንዳኔ። 20 ዓሲ ቢያ ዬያ ዎይዘንዳሢሮ ላሚ ዬያጉዳ ፑርታ ማዳ ማዲሢ ሲገጩንዳኔ፤ 21 ዬያጉዳ ፑርታ ባአዚዳ ቢያ ሚጨንቴሢ ሲንሢኮ ባአያ ማያንጎ፤

19:14 19:14 ላሚ. ዎማ 27:17። 19:15 19:15 ፓይ. ማፃ 35:30፤ ላሚ. ዎማ 17:6፤ ማቴ. 18:16፤ ዮሃ. 19:31፤ 2ቆሮ. 13:1፤ 1ፃሞ. 5:19፤ ዔ.ብ. 10:28።

ዲንሢ ማደንዳ ጎይፍ፡- ዓሲ ዋደሢ ዋደ፤ ዓአፒ ዋደሢኮ ዓአፖ ዋደ፤ ዓቸ ማንሢሢኮ ዓጮ ማንሢሢ ኩቸ ተቁሢኮ ኩጮ ተቁ፤ ቶኪ ማንሢሢኮ ቶኮ ማንሢሢ፤ ያዲዱዋቱ» ጌዔኔ።

20

ፆልዚ ዛላ ዓይሢንቴ ዳምቤ

1 ሙሴ ኬኤዛዎ፡- «ዲንሢኮ ሞርኮ ያላ፤ ዲንሢ ኬሰካኣና ሳርጌሎ ያይቶና ፓራሢና ዲንሢፓ ባሻያ ማዔ፤ ያላ ዓሲያ ዲንሢ ዳንቁያ ማዔቴ ዔያቶ ዓጊጨፖቱ፤ ጊብዪ ዓጮ ዓይላፓፓ ዲንሢ ኬሴ፤ ናንጊና ናንጋ ጎዳ ዲንሢና ዋላ ማዓንዳኔ፤ 2 ያሎ ዲንሢ ኬሰካንዳሢኮ ቤርታ ቁኤሳሢ ፖኦሊሶ ኮይላ ሙኪ፡- 3 <ዒሰራዔኤሌ ዓሲዮቴ! ዋይዙዋቱ! ሃኖ ዲንሢ ፆልዚ ያላ፤ ዳንዳኔ፤ ዲንሢኮ ሞርኮ ዓጊጨፖቱ! ጎጶ ዲንሢኮ ዋአፓ፤ ካራ ባይዚ ሴካ ሃንጋ ጌይፖቱ! 4 ናንጊና ናንጋ ጎዳ ማዔ ዲንሢኮ ያኦዛሢ ዲንሢና ዋላ ዓኣዳንዳሢሮ ያሎና ዲንሢ ዒ ባሺሲሳንዳኔ ጎዎንጎ» ጌዔኔ።

5 «ዩካፓ ፖኦሊሶ ዓይሢ ዓሳ ፖኦሊሶም <ዓኪ ማኣሪ ማዢ ማኣሪ ማሢ ጌሊባኣይ ዲንሢ ባኣካ ዓኣ? ዩያ ጉዴ ዓሲ ዓኣቶ ፔ ማኣሪ ማዎንጎ፤ ዓይጎሮ ጌዔቴ ዒዚ ያሎይዳ ሃይቁም ማሌ ዓሲ ዒዛ ማኣራ ታሚ ዔኤሢሲ ጌላንዳሢሮኬ። 6 ሃሣ ሃጊ ዋይኔ ሚሢ ቱካዎ ቤርቶ ዓኣፖ ላዒሲባኣ ዓሲ ዲንሢ ባኣካ ዓኣ? ዩያጉዴ ዓሲ ዓኣቶ ፔ ማኣሪ ማዎንጎ፤ ዓይጎሮ ጌዔቴ ዒዚ ያሎይዳ ሃይቁም ዩያ ዋይኖ ዓኣፖ ማሌ ዓሲ ሙዓንዳሢሮኬ። 7 ዩያጉዴ ላኣሊ ዔካጊ ዉድሮ ያኦጮ ዓሲ ዓኣቴ ፔ ማኣሪ ማዒ ዳንደንጎ፤ ዓይጎሮ ጌዔቴ ዒዚ ያሎይዳ ሃይቁም ዒዚ ያኦጮዛ ማሌ ዓሲም ሎዓንዳሢሮኬ ጎዎንጎ» ጌዔኔ።

8 «ፖኦሊሶ ዓይሢ ዓሳ ሃሣ ጎጶ ዋኣዲ ዓጊጨ ዓሲ ዲንሢ ባኣካ ዓኣ? ዩያጉዴ ዓሲ ፔ ማኣሪ ማዒ ዳንደንጎ፤ ዩያጉዴ ዓሢ ማሌ ዓሰኮ ጎጶ ዋኣዲሳንዳኔ» ጎዎንጎ፤ 9 ፖኦሊሶ ዓይሢ ዓሳ ፖኦሊሶም ዩያ ኬኤዚ ጋፔሰካፓ ዓሶ ፓቁ ፓቁ ዩያቶ ዓይሢንዳ ዓሲያ ድኦሪ ጌሃንጎ» ጌዔኔ።

10 «ዲንሢ ፔቱ ካታማ ያሊ ዓርቃኒ ኬሰካ ዋደና ቤርታዲ ዩኖ ካታሞ ዓሳ ኩቸ ዲንጋንዳጉዲ ያኦጮዋቱ፤ 11 ዔያታ ፔኤኮ ጌሎ ካሮ ቡሊ ኩጮ ዲንሢም ዲንጌቱ ዲንሢም ዴኤሢ ማዓ ማዶ ዔያታ ማዶያ ማዎንጎ፤ 12 ጋዓንቴ ዩኖ ካታሞ ዴራ ኩጮ ዲንጊያ ዒዲ ዲንሢና ያልታኒ ኮዔቴ ካታሚሎ ማማንጉዋቱ። 13 ናንጊና ናንጋ

19:21 19:21 ኬሲ. ማፃ 21:23-25፤ ሊዊ. ዓኬ 24:19-20፤ ማቲ. 5:38።

ጎዳ ማዕ ዲንሢኮ ጾአዛሢ ዲንሢኮም ካታማ ዓአሢ ዲንጋ ዎድና ዲኢካ ዓአ ዓቲንቆ ጉቤ ዎድዎቲ። 14 ጋዓንቴ ላኦሎንታ ናኦቶ ደኮንታ ቆልሞንታ ካታሞ ጋራ ዓአ ቆሎ ቢያ ዲንሢኮ ማሂ ዲዒ ዔኩዎቲ፤ ናንገና ናንጋ ጎዳ ማዕ ዲንሢኮ ጾአዛሢ ዔያ ዲንሢኮም ዓአሢ ዲንጋሢኮ ዲንሢኮ ሞርኮ ባኮ ቢያ ዲንሢኮ ባኦዚ ማሁዎቲ። 15 ዲንሢኮ ናንጋ ዓጮይዳፓ ሃኬ ዓአሢንታ ዲንሢኮ ሀኩ ዓአ፣ ማሌ ደሮሮ ማዒባኦ ካታሞ ዎልቄና ዲንሢኮ ዓርቃ ዎድና ዔያይዱዎቲ» ጌዔኔ።

16 «ናንገና ናንጋ ጎዳ ማዕ ዲንሢኮ ጾአዛሢ ዲንሢኮም ዲንሢኮ ማሂ ዲንጋ ዓጮይዳ ዓአ ካታሞ ያሊ ዲንሢኮ ዓርቃ ዎድና ጋዓንቴ ካታሞይዳ ዓአ ባኦዚ ቢያ ዎዎድዎቲ። 17 ናንገና ናንጋ ጎዳ ዲንሢኮ ዓይሢ ጎይያና ሂታ ዓሶ፣ ዓሞራ ዓሶ፣ ካኦናኔ ዓሶ፣ ፔሪዛ ዓሶ፣ ሂዎዌ ዓሶንታ ዲያቡሳ ዓሶንታኮ ደሮ ጉቤ ዎድ ባይዙዎቲ፤ 18 ዔያ ዲንሢኮ ማዳንዳያ ኮይሳሢ ማሌ ጾአዛሞ ካኦሽኪሢ ማላንታ ዔኤቢ ሻኦካያ ማዕ ባኦዚ ቢያ ዲንሢኮ ዔያታ ዔርዜም ናንገና ናንጋ ጎዳ ዲያያ፣ ጎሜ ማዓ ባኦዚ ዲንሢኮ ማዲዎጉዲ ጌይኬ» ጌዔኔ።

19 «ፔቲ ካታማ ዲዒ ዔካኒ ዲንሢኮ ገኢገንታዛ ካታሚሎ ማንገ ሚርጌ ኬሊ ደይንቴያ ማዕቲያ ዓአፓ ሙይንታኒ ዳንዳዓ ሚያ ቲቁፖቲ፤ ዓይጎር ጌዔቲ ሚፃ ዲንሢኮ ሞርኮቲዎቢ። 20 ዓአፓ ሙይንቲዎ፣ ማሌ ሚያ ጋዓንቴ ቲቁ ቲቁ ዔኪ ካታሚላ ዲዒንታንዳያ ሄላንዳኦና ዎርዲዮ ደዎ ቤዞ ዲንሢኮ ኮሻኒ ዳንዳዓኔ» ጌዔኔ።

21

ዎዳ ዓሲ ዔርቲባኦንቴ ሃይቄ ዓሲ ዛላ

1 ሙሴ ኬኤዘያ፡- «ናንገና ናንጋ ጎዳ ማዕ ዲንሢኮ ጾአዛሢ ዲንሢኮ ደካላንዳጉዲ ዲንጋ ዓጮ ዘኦይይዳ ያኦኒ ዎዳቲያ ዔርቲባኦ ዓሲ ሃይቄ ጴዳቲ፣ 2 ዲማና ሱኦጎ ማዕ ዓሶንታ ዎጎ ዎጋ ዓሶንታ ሌዛ ዓአ ቤዛፓ ዓርቃዎ ሀኩ ሀኩ ዓአ ካታሞ ሄላንዳኦና ዓአ ሃኩሞ ዎርቁ ዔርንጎ፤ 3 ዔካፓ ሌዛ ዓአ ቤዘኮ ሀኩ ማዕ ካታሚሎኮ ሱኦጋ ጎሽ ጎሽካኒ ቃሞባራ ዓገንቲ ቤቁባኦ ፔቲ ማሮ ደኦርንጎ፤ 4 ዔና ማራሎ ጎሽ ጎሽኪንቲባኦያ፣ ቱኮ ባኦዚያ ቱኪንቲባኦያ፤ ሃሃ ሚጮቲዎ ዎአሢ ዓአ ዛሬ ዔኪ ዳንዲ ዲኢካ ባቃኖ ዲዲ ማንሦንጎ፤ 5 ለዎ ዓሳ ቁኤሴ ማዓ ናንገና ናንጋ ጎዳ ማዕ ዲንሢኮ ጾአዛሢ ማዳንዳጉዲ፣ ዲዛ ሱንያና ደሮ ዓንጃንዳጉዲ፣ ሃሃ ደማ ደማ ሞኦቶና ሽምፔ ሃይቄ ዛላኦ ዔያታ ጌሰቲ ኩንሣንዳጉዲ ዲዚ ዔያቶ ደኦራሢኮ ዲኢካ ዳንዳጎ። 6 ዔካፓ ሃይቄ ዓሢኮ ሌዛ ዓአ

በዜሎኮ ዑኩ ማዔ ካታሜሎ ሱኩጋ ሃይቄ ማሬሎ ዑፃ ኩጮ ማሰቶንጎ፤ 7 ሃሣ ዔያታ፡- ሕኡኒ ሃያ ዓሢ ዎዲባኣሴ፤ ያኣኒ ዒዛ ዎዴቲያ ኑ ዴንቀባኣሴ፤ 8 ናንጊና ናንጋ ጎዳሢዮ! ጊብፄ ዓጫፓ ኔኤኒ ዓውሲ ከሴ ዴሮ፣ ዒሰራዔኤሌ ዓሰም ዓቶንጎ ጌዔ፤ ኑናኣ ማኣሬ፤ ሃያ፣ ሃይቄ ዓሢኮ ሱጉያ ኑ ዑፃ ማሂፖ ጎዳንጎ። 9 ናንጊና ናንጋ ጎዳ ዒንሢ ዓይሢ ጎይያ ዬያይዲ ዒንሢ ማዴቲ ዬያ ፒዜ ዓሢ ዎዲንቲ ዛሎ ዒንሢ ያኦጨጎታያ ማዓዓኩ» ጌዔኔ።

ዖልዚና ዲዒንቲ ለኣሊ ዛላ ከኤዚንቲ ዳምቤ

10 «ዒንሢኮ ሞርኮና ዒንሢ ዖልታኒ ከሰከም ናንጊና ናንጋ ጎዳ ማዔ ዒንሢኮ ያኣዛሢ ዬያቶ ዒንሢም ዓኣሢ ዒንጊ ዲዒ ዔከሳዛ፤ 11 ዔያቶ ባኣካፓ ዔካኒ ዒንሢም ሚዛጲ ለኣሊ ጴዴቲ፣ 12 ዬናጉዴ ለኣሎ ዒንሢ ማኣሪ ማኣሪ ዔከ ዓኣዲዎቲ፤ ዬካፓ ዒዛ ቶኣኮ ጉኡሊንቲ፣ ፀንጎዎ ፔኤኮ ቆኦሪ፣ 13 ዓፒሎዎ ለኣሚ ማሌ ማኣዒ፣ ዒንሢ ማኣሮይዳ ፔቲ ዓጊኒ ዴዒ ያሎና ዒዛኮ ሃይቄ ዓድንታ ዒንድንታ ዛሎ ሲዮንጎ፤ ዬያይዴሰካፓ ዬናጉዴ ለኣሎ ዔኩዎቲ። 14 ናንጊቤቃ ጎዳንቲ ዒንሢ ዔያቶ ከዑዎያ ማዔቲ ዒንሢ ዔያቶ ሃሽም ዬናጉዴ ለኣላ ናሽከ ቤሲ ዓኣዲኒ ዳንዳዓኔ፤ ዎልቄና ዒንሢ ዔያቶ ዔኬያ ማዔሢሮ ዓይሌ ማሂ ማሌ ዓሲም ዒንሢ ሻንቻንዳያ ኮይሱዎሴ» ጌዔኔ።

ቶይዲ ናይኮ ዳካሊ ዛላ

15 «ፔቲ ዓሲ ለምዖ ለኣሊ ዔከ፣ ፔቲዛ ናሽከ ባጎ ዒፃያ ማዔያታንቲ ለምዖ ለኣላ ዓቲንቄ ናይ ዒዛም ሸዓዛ ጎዳንቲ ቶይደ ናዓሢ ዒዚ ዒፃ ለኣሌሎይዳፓ ሸይንቲያ ማዔም፣ 16 ዬይ ዓሢ ፔኤኮ ቆሎ ናኣቶም ጊሽካ ዎደና ዒዛኮ ቶይደ ናዓሢም ዒንጊንታንዳ ዛሎ ዔከ ባሼ ዒ ናሽካ ለኣሌላ ሸዔ ናዖም ዒንጊ ዲማሳንዳያ ኮይሱዎሴ፤ 17 ዒዚ ናሽኩዎ ለኣሌሎይዳፓ ሸይንቲያ ማዔቲያ ቶይደ ናዖም ዒንጊንታ ባካ ሃንጎ ዔያቶ ፔቲ ፔቲሢም ዒዚ ዒንጋሢዳፓ ጸንጮና ባሻያ ማዓኒ ኮይሳኔ፤ ዬያሮ ዬይ ዓሢ ናዓ ቤርታ ሸይንቲያ ቶይዲ ናይ ማዔሢ ዔይ ቶይደ ናዖም ኮይሳሢ ዒንጋንዳያ ኮይሳኔ» ጌዔኔ።

ሸዔ ዓሲም ዓይሢንቲ ዒፃ ናይ ዛላ

18 «ፔቲ ዓሲኮ ጰርቄቲያ ዎይዘ ዒፃ ዦኦር ናይ ዓኣያ ማዔቲ፣ 19 ሸዔ ዓሳ ዔያታ ናንጋ ካታም ጌሎ ካሮይዳ ዓኣ ሱኡጎ ኮይላ ዎጊሳኒ ዔከ ዬዮንጎ፤ 20 ዔያታ ዎጊሳ ዎደና፡- ሃይ ኦኡኮ ናዓሢ ዎይዚ ዒፃ ዦኦር ናይኬ፤ ሃሣ ዒዚ ዑሽከ ማሢንታያ ሚኢሼያ

ጉሪ ባይዛያኩ» ጎዖንጎ፤ 21 ዩካፓ ካታሞ ዓሳ ሹቻ ዲይ ዒዛ ዋደንጎ፤ ዩያይዲ ዩያጉዴ ፑርታ ባአዚ ቢያ ዒንሢ ባአካፓ ዒንሢ ባይዛንዳኔ፤ ዒሰራዔኤሌ ዓጮይዳ ናንጋ ዓሲ ቢያ ዩያ ዋይዚ ዒገጫንዳኔ» ጌዔኔ።

ዲማ ዲማ ዎጌ

22 «ፔቲ ዓሲ ማዕ ዳኤፒ ዳቢንቲና ሚሢዳ ሱዲንቲ ሃይቃንዳጉዲ ዎገንቲቲ፤ 23 ሚሢዳ ሱዲንቲ ሃይቄ ዓሲ ያኦሲ ጋደማ ሳዖይዳ ዔኪ ዩዓሢሮ ሌዛ ሚያ ዑፃ ሱዲንቲ ዎርቆፓ፤ ናንገና ናንጋ ጎዳ ማዔ ዒንሢኮ ያኦዛሢ ዒንሢሮ ማሢ ዒንጋ ዓጮ ዒንሢ ዒኢሱዋጉዲ ሌዛ ዒማ ኬላ ዴኡኪንቶንጎ» ጌዔኔ።

22

1 ሙሴ ኬኤዛዖ፡- «ዒንሢ ፃጰ፡ ዒሰራዔኤሌ ዓሲሮ ማዔ ባይታቲያ ማራይ ዣአሊ ባይቄያ ዳንቃዖ ኮርሳ ዚቲ ጌይ ዳንዲፖቲ፤ ዓደሞ ማሢ ዔኪ ዓአዲዎቲ፤ 2 ጋዓንቲ ዩያ ቆልሞኮ ዓዴ ናንጋ ቤዛ ሃኬ ማዔቲ፡ ሃሣ ዖ ቆልሞ ማዔታቲያ ዒንሢ ዔሪባአቲ ዒንሢ ማአሪ ዔኪ ዓአዲዎቲ፤ ዩካፓ ዒዚ ኮይ ሙካዛ ዒዒንጉዎቲ፤ 3 ዩያጉዲ ሃሬታቲያ ማአዓ፤ ሜሌ ባአዚያ ቢያ ዒንሢ ፃጰ ዒሰራዔኤሌ ዓሲሮ ማዔያ ባይቄሞ ዒንሢ ዳንቄቲ ማሢ ዒዒንጉዎቲ፤ ዚቲ ጌይፖቲ» ጌዔኔ።

4 «ዒንሢ ፃጰ፡ ዒሰራዔኤሌ ዓሲሮ ማዔ ሃሬታቲያ ባይ ጎይሢዳ ሎኦሚ ዓአንቲ ዒንሢ ዳንቄቲ ኮርሳ ዚቲ ጌይ ዓአዲፖቲ፤ ሎኦሜ ቤዛፓ ዔቁሲ ዩያ ዓሢ ማአዲዎቲ» ጌዔኔ።

5 «ናንገና ናንጋ ጎዳ ማዔ ዒንሢኮ ያኦዛሢ ዩያጉዲ ማዕ ዓሶ ዒፃያታሢሮ ላአሊ ዓቲንቄ ማአዖ፤ ዓቲንቄ ላአሊ ማአዖ ማይንታንዳያ ኮይሱዋሴ» ጌዔኔ።

6 «ፔቲ ካፒ ሚሢዳታቲያ ሳዓይዳ ጵኡላ ጵኡሊ፡ ሃሣ ናይ ቃንቄ ፔ ማአሪዳ ዓአንቲ ዒንሢ ዳንቄቲ ዒንዴሎና ናአቶና ዎላ ዓርቄ ዔኪፖቲ፤ 7 ዒዘኮ ናአቶ ዒንሢ ዔካኒ ዳንዳዓኔ፤ ጋዓንቲ ዒንዴላ ባራኒ ዳንዳንዳጉዲ ሃሹዎቲ፤ ዒንሢ ዩያይዳቲ ዖርሳጪ ሚርጌ ሌዔ ናንጋንዳኔ» ጌዔኔ።

8 «ዓኪ ማአሪ ዒንሢ ማዣ ዎዶና ማአሮ ዑፃ ዓአ ቤዛፓ * ዓሲ ኬዲ ሎኦሚ ሃይቄዎጉዲ ዓጮ ጎንጃንዳያ ኮይሳኔ፤ ዩያይዲባአያ ማዔሞ ዓሲ ኬዲ ሃይቄቲ ዒንሢ ያኦጪንታያ ማዓንዳኔ» ጌዔኔ።

21:23 21:23 ጋላ. 3:13። 22:4 22:4 ኬሲ. ማፃ 23:4-5። * 22:8 22:8 ማአሮ ዑፃ ዓአ ቤዛፓ ዒሰራዔኤሌ ዓሳ ፔኤኮ ማአሮ ማዣ ዎዶና ማአሮ ዑፃ ዓሲ ዴዓኒ ዳንዳዓ ቤሲ ቦኦላሲ ኮሻ ጎይሢ ዓአኔ።

9 «ሲንሢ ዋይኖ ቱካ ጎዠይዳ ሜሌ ዜርሢ ዜርቂፖቲ፤ ሲንሢ ዬያይዳቲ ዋይኖ ሚያ ዓኣፖታቲያ ሃንጎ ሲንሢ ዜርቂ ባኮ ዔኪ ሙዒኒ ዳንዳዑቀሴ» ጌዔኔ።

10 «ጌማይና ሃሬና ዋላ ዋኣዲ ጎሽኪፖቲ፤

11 «ማራይ ጋፓኔና ሜሌ ሼኤሚና ዋላ ዲያና ማኣያ ማይንቲፖቲ፤

12 «ዓፒሎኮ ሲንሢኮ ያይዶ ዛሎ ጉቤሢዳ ማጫሬ ዋሁዋቲ» ጌዔኔ።

ዔፒ ዛላ ኬኤዚንቲ ባኣዚ

13 «ፔቲ ዓሲ ላኣሊ ዔካያ ዒዞ ዒዲ፣ 14 ሃኖ ላኣሌሎ ታ ዔኬንቲ ዒዞ ኩሙሢቲቀሴ» ጌዒ ሉኡቂ ዋጌና ዓይሢሲ ሱንያ ዒዞኮ ፑርቲሴቲ፣ 15 ናዔሎኮ ዓደንሢ ናዔላ ኩሙሢ ማዔሢ ዔርዘ፣ ማርካ ማዓ ባኣዚ ካታሞኮ ዋጎ ዋጋ ዓሶም ዔኪ ሙኪ ዲዋንጎ። 16 ዩካፓ ናዔሎኮ ዓዳ፡- ታኣኒ ሃኖ ታ ናዔሎ ሃያ ዓሢም ዔፒና ሲንጌንቲ ሃሢ ዒዚ ዒዞ ዒፃያ ማዔሢ ኬኤዜኔ። 17 ናዔላ ኔኤኮ ኩሙሢቲቀሴ ጌዒ ሱንያ ዒዞኮ ፑርቲሴኔ፤ ጋዓንቲ ታ ናዔላ ኩሙሢ ማዔሢ ዔርዘ ማርኮ ማላቶ ሃኣዛጉዋቲ፤ ጌዒ ሱጉፃ ሄሌ ዓፒሎ ሱኡጎ ቤርታ ሂኣሦንጎ። 18 ዒማና ካታሜሎኮ ሱኡጋ ዬያ ዓናሢ ዔኪ ጳርቆንጎ፤ 19 ሃሃ ቃሲ ፔቲ ኪሎ ማዓ ዓንጊ ቢራ ማጋጩ ጨጊሺ ናዔሎኮ ዓደም ሲንጎንጎ፤ ዓይጎር ጌዔቲ ዬይ ዓሢ ፔቲ ዒሰራዔኤሌ ዓሲ ማዔ ኩሙያ ዉዲር ናዔሎኮ ሱንያ ፑርቲሴሢሢኮ፤ ዩካፓ ዒዞ ዒዞኮ ማኞ ማዒ ናንጎንጎ፤ ሃይቃንዳያ ሄላንዳኣና ዒዞ ዒ ዓንጃንዳያ ኮይሱቀሴ» ጌዔኔ።

20 «ጋዓንቲ ዓሢ ኬኤዜ ባካ ጎኔ ማዒ፣ ዒዞኣ ኩሙሢ ማዔሢኮ ማርካ ባኣያ ማዔቲ፣ 21 ዒዞ ዓደ ማኣራ ዓኣያ ዓቲንቄና ዘኣሰካ ኮኣሚ፣ ዬያጉዳ ዲውሲንቲ ማደ ዒሰራዔኤሌ ዓሶ ባኣካ ማደሢር ዓሳ ዒዞ ዔኪ ዒዞኮ ዓደ ማኣሪ ዴንዴም፣ ዒኣካ ዒዞ ናንጋ ካታሞይዳ ዓኣ ዓሳ ሹቻ ዲይ ዒዞ ዋደንጎ፤ ዬያይዲ ዬያጉዳ ፑርቶ ማደ ሲንሢ ባኣካፓ ሲንሢ ባይዛኒ ዳንዳዓኔ» ጌዔኔ።

22 «ፔቲ ዓሲ ሜሌ ዓሲኮ ላኣሊ ዒኣሴቶ ዬያ ዓሢንታ ላኣሌሎንታ ቢያ ዋደንቶንጎ፤ ዬያይዲ ዬያጉዳ ፑርቶ ማደ ሲንሢ ባኣካፓ ሲንሢ ባይዛኒ ዳንዳዓኔ» ጌዔኔ።

23 «ፔቲ ዓሲ ፔቲ ካታማይዳ ሜሌ ዓሲና ያኦጪንቲ ዓኣ፣ ኩሙሢ ዉዲር ናይ ዓርቂያ ማዔቲ፣ 24 ላምፖንሢ ካታሞኮ ዙሎ ዔኪ ኬሰኪ ሹቻ ዲይ ዋደቀቲ፤ ናዔላ ሃይቃኒ ኮይሳሢ ካታሞ ሳዛ፣ ዓሲ ዋይዛኒ ዳንዳዓ ቤሲዳ ዓኣያ ዒላቲባኣሢሢኮ፤ ዓሢ

22:9 22:9 ለዊ. ዓከ 19:19። 22:12 22:12 ፓይ. ማፃ 15:37-41።

ሃይቃኒ ኮይሳሢ ሜሌ ዓሲና ያኑጨንቲ ዓኣ ኩሙዖ ዉዲር ናዔሎ ዓርቄሢርኬ፤ ዩያይዲ ዩያጉዴ ፑርቶ ማዶ ዒንሢ ባኣካፓ ዒንሢ ባይዛኒ ዳንዳዓኔ» ጌዔኔ።

25 «ፔቴ ዓሲ ሜሌ ዓሲና ያኑጨንቲ ዓኣ፣ ኩሙሢ ዉዲር ናይ ካይካ ዴንቁ ዓርቄቴ ዓሢ ሌሊ ዎዲንቶን። 26 ዩና ናዔላ ዒዞ ዎዲሻንዳ ዳሲንቲ ማዲባኣሢር ዒዞይዳ ፔቴ ባኣዚታዎ ማዳንዳያ ኮይሱቀሴ፤ ዩያጉዴ ማዶ ማዶ ዓሢ ዓሲ ዎዶ ዓሲጉዲ ዛገንታኔ። 27 ዩይ ያዲ ማዲንታሢ፡- ዩይ ዓሢ ዩና ሜሌ ዓሲና ያኑጨንቲ ዓኣ ዉዲር ናዔላ ሶኦፔ ቤዛ፣ ካዮ ባኣካ ዓኣንቲ ዓርቄሢር ዒዞ ዒላቴቴያ ዒዞ ማኣዳንዳ ዓሲ ባኣሢርኬ» ጌዔኔ።

28 «ፔቴ ዓሲ ዓሲና ያኑጨንቲባኣ፣ ኩሙሢ ዉዲር ናይ ዓርቄያ ማዔቴ፣ 29 ናዔሎኮ ዓዶሞ ዶንጊታሚ ማዓ ዓንጊ ቢራ ጨጎንጎ፤ ዩካፓ ዒዞ ዒዞኮ ማቾ ማዒ ናንጎንጎ፤ ዒዚ ዒዞ ዎልቄና ዓርቄ ዒዞና ላሢሢር ዒዚ ሃይቃንዳያ ሄላንዳኣና ዒዞ ዒ ዓንጅኒ ዳንዳዐቀሴ» ጌዔኔ።

30 «ዓይጎ ዓሲያ ማዎሞ ዒንዶ ሌጎና ላሢ ዓዶ ዳውሲሶፓ» ጌዔኔ።

23

ናንጊና ናንጋ ጎዳ ዴርይዳፓ ዓሲ ዴማሳ ባኣዚ

1 ሙሴ ኬኤዞ፡- «ጂኦቄ ዲይንቲያ ሃሢ ጌኒንቲ ዓሲ ናንጊና ናንጋ ጎዳ ዴር ባኣካ ፓይዲንታንዳያ ኮይሱቀሴ» ጌዔኔ።

2 «ዳኣሪ ናይ ማዒ ሾይንቲ ዓሲና ዒዞኮ ዜርዎና ዴንዲ ታጾ ሾይንቲ ሄላንዳኣናታዎ ናንጊና ናንጋ ጎዳ ዴር ባኣኮ ጌሊ ፓይዲንታንዳያ ኮይሱቀሴ» ጌዔኔ።

3 «ዓሞኦኔ ዓሲ ማዔቴያ ሞዓኣቤ ዓሲ፤ ሃሢ ዔያቶ ዜርሢ ማዔ ዓሲ ቢያ ዴንዲ ታጾ ሾይንቲ ሄላንዳኣናታዎ ናንጊና ናንጋ ጎዳ ዴር ባኣካ ፓይዲንታንዳያ ኮይሱቀሴ። 4 ዒንሢ ጌብፃ ዓጫፓ ኬሰኪ ጎይዎይዳ ዓኣንቲ ዔያታ ሙኡዚንታ ዎኣሢንታ ዒንሢሞ «ዒንጋዓ» ጌዒ ላኣጌያታሢ ዎሊንታያቱቀሴ፤ ዩያ ሌሊቱቀንቲ ሜሶፖታሚያይዳ ፔቶሬ ጌይንታ ካታሞይዳ ናንጋ ቢዎሬ ጎዎሢ ናኣዚ ባላዓሜ ዒንሢ ጋዳንቃንዳጉዲ ሚኢሼ ዔያታ ዒዞሞ ጨጌኔ። 5 ጋዓንቲ ናንጊና ናንጋ ጎዳ ማዔ ዒንሢኮ ያኡዛሢ ዒዞሞ ዎይዛኒ ኮይባኣሴ፤ ናንጊና ናንጋ ጎዳ ዒንሢ ናሽኬሢር ጋዳሞ ዓንጅ ባንሢ

22:29 22:29 ኬሲ. ማፃ 22:16-17። 22:30 22:30 ሌዊ. ዓኬ 18:8፤ 20:11፤ ላሚ. ዎማ 27:20። 23:4 23:4 ፓይ. ማፃ 22:1-6።

ሸርሼ። 6 ዲንሢ ናንጋ ዋዶ ቢያይዳ ዩይ ዴራ ያርጎጪ ኮሺ ናንጊ ናንጋንዳጉዲ ዔያቶ ማኣዲፖቴ» ጌዔ።

7 «ዔዶአሜ ዓሳ ዲንሢኮ ዲጊኖ ማዔሢሮ ዔያቶ ዒዲፖቴ፤ ጊብፄ ዓጩ ሙኩ ዓሲ ማዔ ዲንሢ ናንጊሢሮ ጊብፄ ዓጩ ዓሶዋ ዒዲፖቴ። 8 ዔያቶኮ ዜርፃ ሃይሆ ሸይንቴ ሄላዛ ናንጊና ናንጋ ጎዳ ዴሮ ባኣካ ማዔ ፓይዲንጎንጎ» ጌዔ።

ፆሎ ዓሳ ዲንኪ ዴዓ ቤዛ ጌኤሺ ማሂ ካፒሢ

9 «ዲንሢ ያልዚ ያላኒ ያሎሮ ዲንኪ ዴዓ ቤዛይዳ ዓኣ ዋዶና ዲንሢ ዲኢሳ ባኣዚዳፓ ካፒንቴዋቴ። 10 ፔቴ ዓሲ ዲሚና ዓውታዲ ሸይዣ ዜርፆ ፔ ዑፃ ላኣሌያ ማዔቴ ዩይ ዓሢ ጉርዳፓ ዙሎ ኬሰኪ ዲኢካ ዴዖንጎ። 11 ዩካፓ ዓባ ኬዳዛ ዑፆ ማሰቴ፤ ዓባ ጌላኣና ጉርዶ ማዔ ጌሎንጎ» ጌዔ።

12 «ዲንሢ ሸኤሺ ሸኤቃንዳ ቤሲ ጉርዶኮ ዙላ ጊኢጊሹዋቴ፤ 13 ዲንሢ ሸኤቃ ዋዶና ሺዖ ቦኣኪ ዲኤካኒ ያሎ ዓንጋሞና ዋላ ሲፖ ዔቢ ሃንቴዋቴ። 14 ዲንሢ ዲንኪ ዴዔ ጉርዶ ዋጋ ጋዓ ጎይዖጉዴያ ጌኤሺ ማሂ ካፑዋቴ፤ ናንጊና ናንጋ ጎዳ ማዔ ዲንሢኮ ያኣዛሢ ዲንሢ ካፓኒ፤ ሃሣ ያሎናኣ ሞርኮ ዲንሢ ባሺሳኒ ዲንሢኮ ጉርዶ ባኣካ ዓኣኔ፤ ናንጊና ናንጋ ጎዳ ዲንሢዳፓ ፔ ዓኣፖ ካሮ ሸርሻንዳጉዲ ማሃ ሻኣካ ባኣዚ ቢያ ማዲፖቴ» ጌዔ።

ዲማ ዲማ ዋጌ

15 «ፔቴ ዓይሌ ማዔ ማዳ ዓሲ ዒ ማዳ ዓሢ ኮይላፓ ቤቴ ዲንሢ ኮይላ ሙኩያ ማዔቴ ቤርታ ዒዛ ቆላሢሞ ማሂ ዳኪፖቴ፤ 16 ዲንሢኮ ካታሞይዳ ዒ ናሽኬ ቤዛ ናንጎንጎ፤ ዒዛ ማታሲፖቴ» ጌዔ።

17 «ዒሰራዔኤሌ ዓሲ ማዔ፥ ዓቲንቁታቴያ ላኣሊ ሜሌ ያኣዛ ካኣሽካ ዓሳ ማዳሢጉዲ ማቾ ሃሣ ዓኒ ማዔባኣያና ላሆፓ፤ 18 ማቾ ሃሣ ዓኒ ማዔባኣያና ላሃ ዓሲ ናንጊና ናንጋ ጎዳ ዲያያታሢሮ ዩያ ማዲ ዔኮና ሚኢሻ ናኣቢ ኩንሥሢ ማዔ ናንጊና ናንጋ ጎዳ ማዔ ዲንሢኮ ያኣዛሢ ማኣሪ ጌሎፓ።

19 «ዲንሢ ፃፂ ማዔ፥ ዒሰራዔኤሌ ዓሲሞ ሚኢሹ ዲንሢ ታልዔቴ ሃሣ ሙሙዖንዶ ባኣዚያ ዲንሢ ዲንጌቴ ሸይቺና ማሃንዳጉዲ ያኣጪፖቴ። 20 ሸይቺና ዲንሢሞ ዲንጋኒ ኮይሳሢ ሜሌ ዓጪፓ ሙኩ ዓሲ ማዖንጎ፤ ዲንሢ ፃፂ ማዔ፥ ዒሰራዔኤሌ ዓሲፓ ማዓኒ ኮይሱዋሴ፤ ዩያ ዋጎ ዲንሢ ማዲ ኩንሢቴ ናንጊና

23:5 23:5 ኣሂ. 13:1-2። 23:5 23:5 ፓይ. ማፃ 23:7—24:9። 23:17 23:17 ሌዊ. ዓኬ 19:29።

ናንጋ ጎዳ ማዕ ዲንሢኮ ጾክዛሢ ዴንዲ ዲንሢ ደካላ ዓጮይዳ ማደ ማደና ቢያ ዲንሢ ዓንጃንዳኔ» ጌዔኔ።

21 «ናንጊና ናንጋ ጎዳ ማዕ ዲንሢኮ ጾክዛሢም ፔቲ ባአዚ ዲንሢ ዲንጋኒ ናአቤ ዎደና <ዲንጋንዳኔ> ጌዒ ጮኦቂ ናአቤ ባኮ ኔጊሺፖቲ፤ ዲንሢ ዲንጋኒ ናአቤ ባኮ ዲንጋንዳጉዲ ናንጊና ናንጋ ጎዳ ኮዓኔ፤ ናአቦ ዲንሢ ኩንሢባአቲ ጎሜ ዲንሢኮ ማዓንዳኔ። 22 ናንጊና ናንጋ ጎዳም ናአቡዎዎ ሃሺሢ ፔኤሮ ጎሜ ማዑቀሴ፤ 23 ጋዓንቴ ዲንሢ ዲንሢኮ ናሽኪ ናንጊና ናንጋ ጎዳ ማዕ ዲንሢኮ ጾክዛሢም ናአቤቲ ዲንሢ ጌዔ ባኮማ ዛጊ ካፒ ኩንሢንዳያ ኮይሳኔ» ጌዔኔ።

24 «ፔቲ ዓሲኮ ቲኮናዎይና ባአኮና ዲንሢ ዴንዳዎደና ካፂ ዓአፖ ኮዔሢጉዲ ሙዓኒ ዲንሢ ዴንዳዓኔ፤ ጋዓንቴ ዔኤቢዳ ማንፂ ዔኪ ዴንዲፖቲ። 25 ሃሢ ፔቲ ዓሲኮ ጎሺ ጋርሲና ዲንሢ ዴንዳ ዎደና ቲሻሢ ኩቻ ሾኦሊ ዔኪ ዴንዳ ዲንሢ ዴንዳዓኔ፤ ጋዓንቴ ጲሺ ዔኪ ዲንሢ ማአሪ ዴንዲፖቲ» ጌዔኔ።

24

ለአሊ ዓንጃዎ ለሚ ዔኪሢ ዛላ

1 ሙሴ ከኤዛዎ፡- «ፔቲ ዓሲ ለአሊ ዔኪዎ ናንጊቤቃ ዒዛ ዒሢ ባአዚ ዒ ዴንቁ ዓንጃዎ ዔርዘያ ማርካ ማዓ ዋርቃታ ፃአፒ ዲንጊ፤ ፔ ማአራፓ ዒዛ ዴኬያ ማዔቲ፤ 2 ሃሢ ዒዛ ዴንዲ ሜሌ ዓሲም ሌዔቲ፤ 3 ዬይ ለምዓሳ ዓናሢያ ዒዛ ዒፃያ ማዒ ዓንጃንቲያ ዔርዘ፤ ማርካ ማዓ፤ ዋርቃታ ፃአፒ ዲንጊ ፔ ማአራፓ ከሲ ዴኬቲ፤ ሃሢ ዬይ ዓናሢ ሃይቄያ ማዔቲ፤ 4 ዬንሢ ለምዎ ካሮንሢና ማዔቲያ ዬይ ቤርታአ ዓናሢ ዒዛ ለሚ ዔኪንዳያ ኮይሱቀሴ፤ ዒዛ ዲኢቲያ ማሢ ዒ ዛጎንጎ፤ ዒዛ ዒ ለሚ ዔኬቲ ዬያጉዴ ማደ ናንጊና ናንጋ ጎዳ ዲፃያከ፤ ናንጊና ናንጋ ጎዳ ማዕ ዲንሢኮ ጾክዛሢ ዲንሢም ዲንጋ ዓጮይዳ ዲንሢ ናንጋ ዎደና ዬያጉዴ ፑርታ ጎሜ ማደንዳያ ኮይሱቀሴ» ጌዔኔ።

ዲማ ዲማ ዎጊ

5 «ዑከ ለአሊ ዔኪ ዓሲ ያልዚ ያላንዳጉዲ ዎልቄና ዴካንዳያ ኮይሱቀሴ፤ ሃሢ ሜሌ ማደዎ ዎልቄና ማደንዳያ ኮይሱቀሴ፤ ዒዚ ፔቲ ሌዔ ዓይሳ ባአዚያ ዎልቃዲ ዓይሢንቲዎዎ ሜታ ባአያ ማዒ ፔ ማአራ ማቾ ዎዛሶንጎ» ጌዔኔ።

23:20 23:20 ከሲ. ማፃ 22:25፤ ሌዊ. ዓክ 25:36-37፤ ላሚ. ዎም 15:7-11።
23:21 23:21 ፓይ. ማፃ 30:1-16፤ ማቲ. 5:33። 24:1 24:1 ማቲ. 5:31፤ 19:7፤ ማር. 10:4።

6 «ፔቴ ዓሲም ፔቴ ባኣዚ ዒንሢ ታልዓ ዎደና ዎንጾታቴያ ማዶ ዓይሢ ባኣዚ ማሂ ዔኪ ዓርቂፖቴ፤ ዬያ ዒንሢ ማዴቴ ዬያ ዓሢኮ ማኣሮ ዓሳ ሙዖንዶ ባኣዚ ጊኢሊሾ ባሺንቲ ሃይቃንዳጉዲ ማዲሢጉዲ ዬይ ፓይዲንታኔ» ጌዔኔ።

7 «ፔፃጲ ማዔ፥ ዒሰራዔኤሌ ዓሲ ዓርቂ ዔኪ ፔኤኮ ካራሚ ማሂ ማዲሻ ዓሲ፤ ሃሃ ማሌም ሻንቻ ዓሲ ሃይቃንዳጉዲ ዎጊንቶንጎ፤ ዬያይዲ ዬያጉዳ ፑርቶ ማዶ ዒንሢ ባኣካፓ ዒንሢ ባይዛንዳኔ» ጌዔኔ።

8 «ዑሢዳ ኬሰካ ዶርዓሢ ዒንሢ ዓርቂ ዎደና ታ ዒንሢም ኬኤዛ ዳምቦ ጎይጾና ሌዊ ዓሶ ማዔ ቁኤሳ ዒንሢም ኬኤዛ ዳምቦ ዛጊ ማዲ ኩንሠቀቴ። 9 ጊብፂ ዓጫፓ ዒንሢ ኬሰኪ ጎይጾይዳ ዓኣንቲ ናንጊና ናንጋ ጎዳ ማዔ ዒንሢኮ ጾኦዛሢ ማይራሞይዳ ማዴ ባኮ ማሊ ጳቂሠቀቴ» ጌዔኔ።

10 «ዒንሢ ፔቴ ዓሲም ዔኤቢ ታልዓ ዎደና ዓይሢ ማዓ ባኣዚ ዔካኒ ዒንሢሮ ዓሢኮ ጋሮ ጌሊፖቴ። 11 ዒንሢ ዙላ ዔቁም ዓሢ ፔኤሮ ዓይጾ ማዓ ባኮ ዔኪ ዒንጎንጎ። 12 ዓሢ ማንቆ ማዔቴ ዓሢ ማኣዓ ዓፒሎ ዒንሢ ማኣራ ዔኪ ዎይሢፖቴ፤ 13 ዒዚ ማኣዒ ዎርቃንዳጉዲ ዓባ ጌሉዎንቲ ዒዛም ማማሠቀቴ፤ ዒዚ ዒንሢም ጾኦሲ ዒንጎም። ጋዓንዳኔ፤ ናንጊና ናንጋ ጎዳ ማዔ ዒንሢኮ ጾኦሲያ ዒንሢኮ ዬያ ማዶና ዎዛዳንዳኔ» ጌዔኔ።

14 «ዒንሢ ፃፀ ዒሰራዔኤሌ ዓሲ ማዔቴያ ዒንሢ ዓጮ ካታሞኮ ፔቴዘይዳ ናንጋ ማሌ ዓጪ ዓሲ ማዔ ማንቆ፥ ሃሃ ማታዳ ዓሲ ዒንሢ ማኢሾ ጪጌም ማዶ ማዳኒ ጌሌ ዎደና ኮይሳሢ ጪጌዎፖ ጌሺ ጌሺ ማዲሺፖቴ። 15 ዒዚ ማንቆ ማዔሢሮ ኬላ ኬላ ዒ ማዴሢ ዛሎ ዒንሢ ዒንጋ ማኢሾ ዔካኒ ዒማ ካፒ ዓኣሢሮ ማኢሾ ዓባ ጌሉዎንቲ ዒንጉዎቴ፤ ዒንሢ ጪጊባኣቲ ናንጊና ናንጋ ጎዳ ባንሢ ዒዚ ዒላቴም ጎሜ ዒንሢኮ ማዓንዳኔ» ጌዔኔ።

16 «ናይ ማዴ ዳቢንቲና ሾዓ ዓሳ ሃይቃንዳጉዲ ዎጊንታንዳያ ኮይሱዋሴ፤ ሃሃ ሾዔ ዓሳ ማዴ ዳቢንቲና ናኣታ ሃይቃንዳጉዲ ዎጊንታንዳያ ኮይሱዋሴ፤ ፔቴ ፔቴ ዓሳ ፔ ማዴ ዳቢንቶና ሌሊ ሃይቃንዳጉዲ ዎጊንታንዳያ ኮይሳኔ» ጌዔኔ።

17 «ሜሌ ዓጪፓ ሙኬያ፥ ሃሃ ዜኤሪ ናይም ፒዜ ዎጌ ዎጊያ ሃሺፖቴ፤ ዜኤሪንዳ ታልዔ ባኣዚ ዛላሮ ዓፒላ ዓይሢ ባኣዚ ማሂ

24:7 24:7 ኬሲ. ማፃ 21:16። 24:8 24:8 ሌዊ. ዓከ 13:1—14:54። 24:9 24:9 ፓይ. ማፃ 12:10። 24:13 24:13 ኬሲ. ማፃ 22:26-27። 24:15 24:15 ሌዊ. ዓከ 19:13። 24:16 24:16 2ካኣቶ. ማ 14:6፤ 2ጾኦሲ. ዓሃኬ 25:4፤ ሂዚ. 18:20።

ዔኪፖቴ። 18 ዒንሢ ጊብፄ ዓጮይዳ ዓይሌ ማዒ ናንጌሢንታ ናንጊና ናንጋ ጎዳ ማዔ ዒንሢኮ ፆኦዚሢ ዩያይዳፓ ዓውሲ ዒንሢ ኬሴሢ ጳቂሠቀቴ፤ ታኣኒያ ሃያ ዓይሢፆ ዒንሢ ዓይሢሢ ዩያ ዘሎናኬ» ጌዔኔ።

19 «ሃኣኮ ዒንሢ ጮኦራ ዎዶና ዒንሢ ጎዡ ጋራ ዋሌ ናኦራ ዓኣቴ ጊንሢ ማዒ ሙኪ ዔኪፖቴ፤ ዩይ ማሌ ዓጮፓ ሙኬ ዓሶንታ ዜኤሮ ናኣቶንታ ዜኤሮ ዒንዶንሢንታም ዓቶንጎ፤ ዩያ ዒንሢ ማዕቴ ዒንሢ ማዕ ማዕና ቢያ ናንጊና ናንጋ ጎዳ ዒንሢ ዓንጃንዳኔ። 20 ዛይቶ ጩኦጲ ኮሾ ሪሚቶ ዓኣፖ ዒንሢ ማንፄሰካፓ ሚፆ ካኣፓ ካኣፓ ዓቴ ቃኣሉዋ ጊንሢ ሙኪ ማንፄ ዔኪፖቴ፤ ዩይ ማሌ ዓጮፓ ሙኬ ዓሶንታ ዜኤሮ ናኣቶንታ ዜኤሮ ዒንዶንሢንታም ዓቶንጎ። 21 ዎይኖኮዋ ዓኣፖ ሱፃፓ ቴቂ ቴቂ ዒንሢ ዔካንቴ ዓቴሢ ጊንሢ ሙኪ ቴቂ ዔኪፖቴ፤ ዩያ ማሌ ዓጮፓ ሙኬ ዓሶንታ ዜኤሮ ናኣቶንታ ዜኤሮ ዒንዶንሢንታም ሃሹዋቴ። 22 ዒንሢ ጊብፄ ዓጮይዳ ዓይሌ ማዒ ናንጌሢ ዋሊፖቴ፤ ታኣኒያ ሃያ ዓይሢፆ ዒንሢ ዓይሢሢ ዩያሮኬ» ጌዔኔ።

25

1 ሙሴ ኬኤዘዎ፡- «ላምዎ ዓሲ ዎላ ፑርታዎ ሞኦቶ ዓርቂ ዎጎ ዎጎ ቤዞ ሙኬቴ ዎጎ ዎጋ ዓሳ ፒዜሢም ለማታ ኔኤኮ ባኣሴ፤ ዳቤሢም ሄ ዳቢንቴያኬ» ጌይ ዎጋኒ ኮይሳኔ፤ 2 ዳቢንቴ ዓሢ ዠራፓና ጳርቂንታንዳያ ኮይሳያ ማዔቴ ዒዚ ጳርቂንታንዳሢ ዎጎ ዎጋ ዓሢ ዓኣ ቤዛ፤ ሃሢ ዒ ዋኣዕ ጳርቂንታንዳቴያ ዎጊንታሢ ዒዚ ዳቢንቴ ዳቢንቶ ጎይፆ ጉዴያ ማዓንዳኔ። 3 ዎይዲታሚ ማዓንዳ ዠራፓና ጳርቂንታኒ ዳንዳዓኔ፤ ጋዓንቴ ዎይዲታሚፓ ዑሣ ዓኣሣንዳያ ኮይሱዋሴ፤ ዩካፓ ዑሣ ዓኣሢ ጳዲንቴያ ማዔቴ ዒንሢ ዒንሢኮ ፆጳሢ ዓሲ ቤርቴዳ ቦርሲሳያ ማዓኔ» ጌዔኔ።

4 «ሃኣኮ ሺርካ ጌማይኮ ሺርካ ዎዶና ሙሱሮ ቴኪፖቴ» ጌዔኔ።

ደንሢ ባይቂ ዓሲ ዛላ ማዲንታ ዳምቤ

5 «ዋሊኮ ጌርሲንሢ ማዓ ዓሲ ፔቴ ቤሲዳ ናንጋያታዎ ፔቴሢ ናይ ሾዑዎ ሃይቂቴ ሃይቂሢኮ ማቻ ማኣሮ ዓሶፓ ማሌ ዓሲም ሌዓንዳያ ኮይሱዋሴ፤ ዒዞ ዓኒኮ ጌርሲ ዒዞ ዓካንዳያ ኮይሳኔ።

24:18 24:18 ኬሲ. ማፃ 23:9፤ ለዊ. ዓኬ 19:33-34፤ ላሚ. ዎማ 27:19።
24:21 24:21 ለዊ. ዓኬ 19:9-10፤ 23:22። 25:3 25:3 2ቆሮ. 11:24።
25:4 25:4 1ቆሮ. 9:9፤ 1ፂዋ. 5:18።

6 ዬይ ሂዲንታ ዋደና ቤርታ ሾይንቲ ባቲንቆ ናባ ሃይቁሂ ሱንዖና ዔኤሊንቶንጎ፤ ዬያይዲዖና ዒሰራዔኤሌ ዓሶይዲፓ ዓሲ ሃይቁቲ ደንሂሂ ባይቃይ ባኣያ ማዒ ዜርፃ ናንጋንዳኔ። 7 ጋንጎቲ ሃይቁሂኮ ጌርሲ ዬኖ ላኣሌሎ ዔካኒ ኮዒባኣቲ፣ ዒዛ ካታሞ ሱኡጎ ኮይላ ዴንዲ ታኣኮ ዓኒኮ ጌርሲ ታና ዔካንዲያ ኮይሳያታንቲ ዔካኒ ኮይባኣሲ፤ ዒዛኮ ሃይቁ ጌርሲም ዒሰራዔኤሌ ዓሶ ባኣካ ዜርሂ ጌሂኒያ ኮይባኣሲ፤ ጎዖንጎ፤ 8 ዬካፓ ካታሜሎኮ ሱኡጋ ዓሂ ዔኤሊ ያኦጮንጎ፤ ሃሃ ዒዚ ዒዛ ዔኪዖ ዒፃያ ማዔቲ፣ 9 ዬና ላኣሌላ ካታሞ ሱኡጎ ቤርቶ ዒዛ ኮይላ ሙኪጋፓ ቶካፓ ዒዛኮ ፔቲ ዲርዘ ኬሲ ዓኣፖ ካራ ጩታዖ፡- <ፔ ጌርሲም ዜርሂ ጌሂኒ ዒፃ ዓሲዲ ዬያጉዴ ቦርሲሳ ማደ ማዲንታንዲያ ኮይሳኔ። ጎዖንጎ። 10 ዬያ ዓሂኮ ጌኣሮ ዓሳ ዒሰራዔኤሌ ዴሮ ባኣካ «ዲርዘ ኬሲንቲ ዓሂ ማኣሮ ዓሶ» ጌይንቲ ቦሂንታያ ማዒ ናንጋንዳኔ።

ሚሊ ዲማ ዲማ ዓይሥሂ

11 «ለምዖ ዓሲ ዋላ ፑርቲ፣ ዋሊ ዓርቂ ዑራዲንቲ ፔቲሂኮ ማቻ ሙኪ ዓኒ ማኣዲኒ ሃንጎ ዓሂኮ ጂኣቆ ዲዲ ዓርቁቲ፣ 12 ሚጪንቲሂባኣያና ኩጫ ዒዛኮ ቲቲቂንቶንጎ» ጌዔኔ።

13-14 «ዔኤቢ ማኮ ዴኤፒ ባኣዚና ዳካ ባኣዚና ዔኪ ዓሲ ጌሺ ሺሪፖቲ። 15 ናንጊና ናንጋ ጎዳ ማዔ ዒንሂኮ ያኦዛሂ ዒንሂም ዒንጋ ዓጮይዳ ሚርጌ ለዔ ናንጋኒ ፒዜ ሃሃ ጉሙርቂንታያ ማዔ ማኮ ባኣዚ ዒንሂኮ ዓኣያ ማዖንጎ፤ 16 ናንጊና ናንጋ ጎዳ ማዔ ዒንሂኮ ያኦዛሂ ዬያይዲ ጌሺሂና ጌኔ ማደ ማደ ዓሲ ጉቤ ዓዒፃኔ» ጌዔኔ።

ዓማሌቁ ዓሶ ባይዛንዳጉዲ ዓይሂንቲ ዓይሥሂ

17 «ዒንሂ ጊብፂ ዓጮፓ ኬሰኬ ዋደና ዓማሌቁ ዓሳ ዒንሂዳ ማዴ ጌኖ ማደ ዋሊፖቲ፤ 18 ዔያታ ያኦሲ ዒጊጩምዖ ዒንሂ ጎይዖይዳ ላቢ ዓኣንቲ ጊንሂና ሙኪ ያልዚ ቡሊ ላቢንቲ ጊንፃ ታሂ ታሂ ሙካ ዓሶ ዒንሂኮ ቢያ ዋዴኔ። 19 ዬያሮ ናንጊና ናንጋ ጎዳ ማዔ ዒንሂኮ ያኦዛሂ ዓጩሎ ዒንሂ ዳካልሲ ዒንሂኮ ኮይላ ዓኣ ሞርኮይዲፓ ቢያ ሃውሺሲ ዴይሄ ዋደና ሳይዳ ዔያቶ ዓይጎ ዓሲያ ጰቂሂይ ባኣያ ማሂ ዓማሌቁ ዓሶ ቢያ ዋዲ ባይዙዋቲ! ዬያ ፔቲታዖ ዋሊፖቲ!» ጌዔኔ።

25:6 25:6 ማቲ. 22:24፤ ማር. 12:19፤ ሉቃ. 20:28። 25:10 25:10 ሩኡቲ 4:7-8። 25:16 25:16 ሉዊ. ዓኬ 19:35-36። 25:19 25:19 ኬሲ. ማፃ 17:8-14፤ 1ጎሙ. 15:2-9።

26

ማኣሎ ቡር ዎድና ዒንጊንታ ሃኣኮ ዒንጊሢ

1 ሙሴ ኬኔዛዎ፡- «ናገረና ናገጋ ጎዳ ማዕ ዒንሢኮ ጾኣዛሢ ዒንሢ ዳካልሳ ሳዔሎ ጌሊ፡ ጊኢጊ ዒንሢ ዴዔ ዎድና፡- 2 ዒንሢ ፔቲ ፔቲሢ ጎሽኪ ካዲሴ ሃኣኮይዳፓ ቤርቶ ጾኦራና ዔኪ ናገረና ናገጋ ጎዳ ማዕ ዒንሢኮ ጾኣዛሢ ዒዛ ዒንሢ ካኣሽካገዳጉዲ ዶኦሬ ቤዘ ዴንዲጋፓ፡ 3 ዒማና ቄኤሴ ማዕ ማዳሢ ኮይላ ማና ኑ ዒዶንሢም ናገረና ናገጋ ጎዳ ማዕ ኑ ጾኣዛሢ ኑና ዔያቶኮ ናኣቶም ዒንጋጊ ጫኣቄ ዓጨሎ ታ ጌላሢ ሃኖ ታኣጊ ማርካዳኔ» ጌዔኔ።

4 «ቄኤሳሢ ጾኦሮና ዓኣ ሃኣኮ ዔኪ ናገረና ናገጋ ጎዳ ማዕ ዒንሢኮ ጾኣዛሢም ማቺ ዒንጎ ቤዘኮ ቤርቶ ዘላ ጌሃንጎ፤ 5 ዩካፓ ናገረና ናገጋ ጎዳ ማዕ ዒንሢኮ ጾኣዛሢ ቤርታ፡- ኦ ዓዳሢ ፔቲ ቤዛፓ ማሌ ቤሲ ቤቲ ቤቲ ናገጋ ሶኦሪያ ዓጨ ዓሲኬ፤ ዒዛኮ ዳካ ማኣሪ ዓሲ ዓኣንቲ ዩንሢ ዔኪ ጊብፄ ዓጨ ዒ ዴንዳዎ ሙኬ ዓሲ ማዕ ዒኢካ ናገጌ፤ ዩንሢ ዳኮ ዓሶንሢ ዲቢ፤ ሃሢ ዎልቄና ዓኣ ዴሬ ማዔኔ። 6 ጊብፄ ዓጨ ዓሳ ጋዓንቲ ኑና ማርጌ ማታሴ፤ ቶኣኪያ ኑኡኮ ባይዚ፡ ዓይሌ ማዕያ ዔያቶም ኑ ማዳንዳጉዲ ኑጊዳ ዎልቋዴ። 7 ዩካፓ ኑኡኒ፡- ናገረና ናገጋ ጎዳ ማዕ ኑ ዒዶንሢኮ ጾኣዛሢ ባንሢ ዒላቲ፤ ናገረና ናገጋ ጎዳሢያ ኑኡኮ ዒላቶ ዎይዚ ኑኡኮ ማቶ፡ ኑ ላቤ ላቢያ፤ ሃሢ ኑ ሂርቁንቲ ዎርቃ ዎይያዎ ዛጌ። 8 ዩያር ናገረና ናገጋ ጎዳ ፔኤኮ ዴኤፖ ዎልቆና ቢታንቶና ጊብፄ ዓሶይዳ ዒጊቹዎ ጌልዚ፡ ዒዛ ዎልቄና ማዳንታ ዓኪ ባኣዚ ማዲ ጊብፄ ዓጨፓ ኑና ዒ ኬሴ። 9 ሃሢ ሃይካ ኑና ዔኪ ሙኪ ሃኖ ማሎ ዓጨሎ ኑና ዳካልሴ። 10 ዩያር ሃይሾ፡- ታኣጊ ዒዚ ታኣም ዒንጌሢኮ ቤርቶ ዔኪ ዩዔኔ» ጌይ ኬኤዘንጎ» ጌዔኔ።

«ዩካፓ ጾኦሮና ዓኣ ሃኣኮ ናገረና ናገጋ ጎዳ ቤርታ ጌሢ ዒዛም ዘጉዎቲ፤ 11 ዒንሢና ዒንሢኮ ማኣር ዓሶናም ናገረና ናገጋ ጎዳ ማዳ ኮዠ ባኮና ቢያ ዎዛዲ ጋላቱዎቲ፤ ለዊ ዓሶንታ ዒንሢና ዎላ ናገጋ ማሌ ዓጨ ዓሳ ዩያ ጋላቶ ኬሎይዳ ዒንሢና ዎላ ዓኣያ ማጾንጎ» ጌዔኔ።

12 «ሃይሣሳ ሃይሣሳ ሌዎና ጌይ፡- ቤርቶ ዔኪ ዒንሢ ዴማሳ ሌዎና ቤርቶ ማዕ ሃኣኮ ዔኪ ሙኪ ቡኩሲ ጋፔሰካፓ ዒንሢ ካታዎይዳ ናገጋ ለዊ ዓሳ፡ ማሌ ዓጨፓ ሙኬ ዓሳ፡ ዜኤር ናኣቶንታ ዜኤር ዒንዶንሢንታም ዔያታ ሙይ ማሽካገዳጉዲ ዒንጉዎቲ።

13 ዩያይዴሰካፓ ናገረና ናገጋ ጎዳ ማዕ ዒንሢኮ ጾኣዛሢም

እኔም ደማዳያ፣ ታጳሚዳ፣ ፔቲ ዔኪ ዒንጎ ዒንገገያ ኑና ዓይህ ጎይያና ታኣኒ ዔኪ ሊዊ ዓሰም፤ ሜሌ ዓጫፓ ሙኩ ዓሰም፤ ዘኤሮ ናኣቶጎታ ዘኤሮ ዒንደንሢጎታም ማኣደ ማዓንዳጉዲ ዒንገኔ፤ ኔ ዓይህሢዳ፣ ታ ሃሼ ባኣዚ ባኣሴ፤ 14 ፑርታ ታ ማኣራ ከሰከም ዩኤፒዳ ማዕቲያ ዩያይዳ፣ ታ ዔኪ ሙዒባኣሴ፤ ዋጎ ጎይያና ጌኤሺ ታ ማዒባኣ ዋደናኣ ዩያይዳ፣ ፔቲታ፣ ታ ዔኪ ዓኤቢ ዋኦቲባኣሴ፤ ሃይቄ ዓሲ ዛላ ዒንጎ ዒንገሢ ማህያ ዩያ፣ ዔኪ ፔቲታ፣ ታ ዒንገባኣሴ፤ ኔ ኑና ዓይህ ጎይያና ኔና፣ ናንገና ናንጎ ጎዳ ማዕ ኑ ያኦዛህከ ዓይህያ ኑ ከንህ።፡፡ 15 ጫሪንጮይዳ ዓኣ ኔኤም ደማዳያ፣ ኔ ናንጎ ቤዘይዳ ዴዒ ኑና ዛጌ፤ ኔኤከ ደሮ ዒሰራዔኤሌ ዓሰ ዓንጃ፤ ቤርታ ኑኡከ ዓደንሢም ኔ ጫኣቄ ኑኡም ዒንጌ ማሎ ዓጩሎ ዓንጃ፤ ጌዒ ከኤተዋቲ» ጌዔ።፡፡

ናንገና ናንጎ ጎዳም ደማዳ ዴሬ

16 «ዋጎጎታ ደምቦጎታ ዒንሢ ካፒ ከንህንዳጉዲ ናንገና ናንጎ ጎዳ ማዕ ዒንሢከ ያኦዛህ ሃኖ ዒንሢ ዓይህ፤ ዩያሮ ዩንሢ ጉቤ ዒና፣ ሃህ ጉቤ ሽምፓ፣ ካፑዋቲ። 17 ናንገና ናንጎ ጎዳ ማዕ ዒንሢከ ያኦዛህ ማዕህ፤ ሃህ ገንህ ዒ ዓይህ ዋጎ ጎይያዋ ዒንሢ ማዳያ ማዕህ ሃኖ ዒንሢ ዔርዘኔ። ዒዛከ ዋጎጎታ ዓይህያጎታ ደምቦጎታ ማዳ ከንህኒ ኔ ጫኣቄ፤ 18 ዩያሮ ናንገና ናንጎ ጎዳ ዒንሢም ማዳኒ ጫኣቄ ጎይያና ሃይሾ ሃኖ ዒዛም ደማዳያ ሃህ ዒዚ ናሽካ ዴሬ ማህ ዒንሢ ዒ ዔከኔ፤ ዒ ዓይህ ዓይህያዋ ቢያ ዒንሢ ካፒ ከንህንዳጉዲ ዒንሢ ዒ ዓይህ፤ 19 ዩያ ዒንሢ ማዳቲ ዒዚ ማዘፍ ሃንጎ ዴሮይዳ፣ ቢያ ባሼ ጎላቲጎታንዳጉዲ፣ ሱንሢ ዓኣያ ማዓንዳጉዲ ቦንቲሲ ዒንሢ ዴገዳኒ ዒ ጫኣቄ ጎይያና ዒዛም ደማዳ ዴሬ ማሃንዳህ ዒንሢም ዒ ከኤዘኔ» ጌዔ።፡፡

27

ናንገና ናንጎ ጎዳከ ሹጮይዳ ፃኣፒጎቲ ዋጎ

1 ዩካ፣ ሙሴ ዒሰራዔኤሌ ዓሰኮ ሱኡጎና ዋላ ማዒ ዴሮም፡- «ሃኖ ታኣኒ ዒንሢም ከኤዛ ዓይህያ ካፑዋቲ፤ 2 ዒንሢ ዮርዳኖሴ ዋሮና ፒንቄ ናንገና ናንጎ ጎዳ ማዕ ዒንሢከ ያኦዛህ ዒንጎ ዓጮ ጌሌ ዋደና ዴኤፒ ዴኤፒ ሹቺ ዳካ ዔኪጋ፣ ዳኣቦ ዳኣቢ ቦኦሪንቶና ዑያ ቲሽኩዋቲ፤ 3 ናንገና ናንጎ ጎዳ ማዕ ዒንሢከ ያኦዛህ ማሎ ዓጩሎ ዒንጎኒ ዒንሢም ጫኣቄ ጎይያና ዓጩሎ ዒንሢ ዳካላኒ

26:18 26:18 ከሲ. ማፃ 19:5፤ ላሚ. ዋማ 4:20፤ 7:6፤ 14:2፤ ቲቶ 2:14፤ 2ጴ። 2:9። 27:2 27:2 ዒያ. 8:30-32።

ዎሮና ፒንቄ ዎደና ሃንሢ ዎሳንሢ ሹዎ ዑፃ ፃአፑዎቲ፤ 4 ዮርዳኖሴ ዎሮና ፒንቃዎ ሃኖ ታአኒ ዒንሢ ዒይሢ ጎይዎ ዩንሢ ሹጮንሢ ዔባአሌ ዲኮይዳ ዳአቢ ቦኦሪንቶና ቲሽኩዎቲ፤ 5 ዓንገና ዓርሲንቲባአ ሹቺ ዔኪ ያኦሲም ሚቺ ዒንጎ ቤሲ ኮሹዎቲ፤ 6 ናንገና ናንጋ ጎዳ ማዔ ዒንሢኮ ያኦዛሢም ዒንሢ ኮሻ ዒንጎ ባኮ ዒንጎ ቤዛ ቢያ ዓርሲንቲባአ ሹቺና ኮሽንቲያ ማዔኒ ኮይሳኔ፤ ዒኢካ ሚቺ ዒንጎ ባኮ ዒንጎቲ። 7 ፔቲሞና ዒንጎ ዒንገዎ ዒንገ፣ ናንገና ናንጋ ጎዳ ማዔ ዒንሢኮ ያኦዛሢ ዓአ ቤዛይዳ ሙይ ሙይ ዎዛዲዎቲ። 8 ዩንሢ ቦኦሪንታሢና ቲሽኪንቲ ሹጮንሢዳ ናንገና ናንጋ ጎዳኮ ዎሳ ቢያ ዔርቲ ናባቢንታንዳጉዲ ማሂ ፃአፑዎቲ» ጌዔኔ።

9 ሃሃ ሙሴ ለዊ ዓሶ ማዔ ቄኤሶና ዎላ ማዔ ዒሰሪዔኤሌ ዴሮም ቢያ፡- «ዒሰሪዔኤሌ ዓሲዮቲ! ታ ጋዓሢ ዒናፓ ዎይዙዎቲ፤ ሃይሽ ሃኖ ዒንሢ ናንገና ናንጋ ጎዳ ማዔ ዒንሢኮ ያኦዛሢ ዴሬ ማዔኔ፤ 10 ናንገና ናንጋ ጎዳ ማዔ ዒንሢኮ ያኦዛሢ ኬኤዜ ባኮ ዎይዚ ዓይሢንታያ ማዕብዎቲ፤ ታአኒያ ሃኖ ዒንሢም ዓይሢ ዓይሢዎንታ ዳምቦንታ ካፑዎቲ» ጌዔኔ።

ዓይሢንቲ ዒፃሢ ዔኪ ሙካ ጋዳማ

11 ዬኖ ኬሎና ሙሴ ዒሰሪዔኤሌ ዴሮም፡- 12 «ዮርዳኖሴ ዎሮና ዒንሢ ፒንቄሰካፓ ዴራ ዓንጃ ዓንጃንታ ዎደና ጌሪዛኔ ዲኮይዳ ኬሰኪ ዔቄ ዓንጃንዳዞንሢ፡- ሲሞኦኔ፣ ለዊ፣ ዪሁዳ፣ ዪሳኮኦሬ፣ ዮሴፔንታ ቢኢኒያሜ ማአሮ ዓሶንታኬ። 13 ጋዳማ ጋዳንቄንታ ዎደና ዔባአሌ ዲካ ጋዳንቃንዳዞንሢ፡- ሮኦቤኤሌ፣ ጋአዴ፣ ዓሴኤሬ፣ ዛብሎኦኔ፣ ዳኔንታ ኒፕታኦኤኤሜ ማአሮ ዓሶንታኬ። 14 ዒማና ለዊ ዓሳ ዑኡዞ ፔኤኮ ዲጊዲ ሃካፓ ሊካ ኬኤዚንቲ ባኮ ጎዎንጎ፡-

15 « ለዒ ፔ ኩቻ ማዜ ባአዚ፣ ያኦሲ ዒፃያ ማዔ ካአሽኮ ባአዚ ማዜ ዓአቺ ዴሚና ካአሽካ ዓሲ ጋዳቄንቲያ ማዎንጎ! ጋዓዛ ዴራ ቢያሢ ዒማና ለማዓንታኦ! ጎዎንጎ» ጌዔኔ።

16 « ለደና ዒንደና ቦሃ ዓሲ ጋዳንቄንቲያ ማዎም! ጋዓዛ ዴራ ቢያሢ ለማዓንታኦ! ጎዎንጎ» ጌዔኔ።

17 « ለፔ ዓሽናሢኮ ዛጳ ደቄንቲ ዓአ ሹጮ ሸኢሻ ዓሲ ቢያ ጋዳንቄንቲያ ማዎም! ጋዓዛ፣ ዴራ ቢያሢ ለማዓንታኦ! ጎዎንጎ» ጌዔኔ።

27:6 27:6 ኬሲ. ማፃ 20:25። 27:12 27:12 ላሚ. ዎማ 11:29፤ ዒያ. 8:33-35። 27:15 27:15 ኬሲ. ማፃ 20:4፤ 34:17፤ ለዊ. ዓኬ 19:4፤ 26፤ ላሚ. ዎማ 4:15-18፤ 5:8። 27:16 27:16 ኬሲ. ማፃ 20:12፤ ላሚ. ዎማ 5:16። 27:17 27:17 ላሚ. ዎማ 19:14።

18 « <ዓኣፒ ባይቄ ዓሲ ጎይሢ ዣኣሊሲሲ ዳካ ዓሲ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

19 « <ዓሲኬ ጎዑዎፖ ማሌ ዓጪፓ ሙኬ ዓሶንታ ዜኤሮ ናኣቶንታ ዜኤሮ ዒንደንሢንታ ሜታሳ ዓሲ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

20 « <ዒንደ ሌጎ ማዓያና ላሂ ዓዶ ደውሲሳ ዓሲ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

21 « <ዒይጎ ዓሲያ ማዖም ቆልሞ ዒኢሳ ዓሲ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

22 « <ፔኤኮ ጌሮና፤ ሃሣ ዓዶታቴያ ዒንደ ማሌፓ ሾዔ ጌሮና ላሃ ዓቲንቄ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

23 « <ባይሶና ዎላ ላሃ ዓቲንቄ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

24 « <ዓሲ ካቲ ዴዒ ዎዳ ዓሲ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

25 « <ሚኢሽና ሻንቁንቲ ፒዜ ዓሲ ጉሪ ዎዳ ዓሲ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

26 « <ናንጊና ናንጋ ጎዳኮ ዎጋ ጋዓ ሃያ ባኮ ቢያ ማዲ ኩንሠዎ ዓሲ ቢያ ጋዳንቁንቴያ ማዖም!> ጋዓዛ፣ ዴራ ቢያሢ <ማዓንታኣ!> ጎዖንጎ» ጌዔኔ።

28

ዓይሢንቱም ጰዳ ዓንጃ (ሌዊ. ዓክ 26:3-13፤ ላሚ. ዎማ 7:12-24)

1 ሙሴ ዒሲራዔኤሌ ዓሶም ከኤዛዖ፡- «ናንጊና ናንጋ ጎዳ ማዔ ዒንሢኮ ጸኣዛሢም ዒንሢ ዓይሢንቲቴ፣ ሃሣ ሃኖ ታኣኒ ዒንሢም ዓይሣ ዓይሢዖ ቢያ ጉሙርቁንታያ ማዒ ዒንሢ ካፔቴ ዓጮይዳ ናንጋ ሃንጎ ዴሮይዳፓ ቢያ ዑሣ ማሂ ዒንሢ ዒዚ ዴግ ዴጊዳንዳኔ፤ 2 ናንጊና ናንጋ ጎዳ ማዔ ዒንሢኮ ጸኣዛሢም ዒንሢ ዓይሢንቲቴ ሃካፓ ሊካ ከኤዚንታ ዓንጃ ዒንሢሮ ማዓንዳኔ» ጌዔኔ።

3 «ናንጊና ናንጋ ጎዳ ዒንሢኮ ካታሞንታ ጎኩንታ ቢያ ዓንጃንዳኔ፤

27:18 27:18 ሌዊ. ዓክ 19:14። 27:19 27:19 ከሲ. ማፃ 22:21፤ 23:9፤ ሌዊ. ዓክ 19:33-34፤ ላሚ. ዎማ 24:17-18። 27:20 27:20 ሌዊ. ዓክ 18:8፤ 20:11፤ ላሚ. ዎማ 22:30።

4 «ናገረና ናንጋ ጎዳ ዲንሢም ናይ፡ ጎሽካ ጎዛፓ ሃአኮ፡ ባይ፡ ማራይንታ ዋአሪንታ ዲንጊ ዲንሢ ዓንጃንዳኔ።

5 «ናገረና ናንጋ ጎዳ ዲንሢ ጎሽካ ሃአኮንታ ዲኢፓ ዔኪ ዲርካ ዲኢሎንታ ዓንጃንዳኔ።

6 «ማአራ ዲንሢ ዓአቴያ ኬሰኪ ማዳ ቤዘይዳአ ቢያ ናገረና ናንጋ ጎዳ ዲንሢ ዓንጃንዳኔ፤

7 «ሞርካ ሙኪ ዲንሢ ያላአና ናገረና ናንጋ ጎዳ ዔያቶ ባሽንቲጎንዳኔ፤ ዔያታ ፔቴ ዛላና ሙካንዳኔ፤ ጋዓንቴ ቢያ ካራና ጳሽኪ ጳሽኪ ዴንዲ ባይቃንዳኔ።

8 «ናገረና ናንጋ ጎዳ ዲንሢኮ ያኦዛሢ ዲንሢ ማዳ ማዳና ዓንጃም ኮና ቢያ ሃአኮና ኩማንዳኔ፤ ሃሣ ዲንሢ ናንጋ ዓጮይዳአ ዲንሢ ዲ ዓንጃንዳኔ» ጌዔ።

9 «ናገረና ናንጋ ጎዳ ማዔ ዲንሢኮ ያኦዛሢም ዓይሢንቲ ዲዚ ዓይሢ ባኮ ቢያ ማዲ ዲንሢ ኩንሢቴ ዲዚ ቤርታ ጮአቄ ጎይያና ፔኤም ዲማዴ ዴሪ ዲንሢ ዲ ማሃንዳኔ። 10 ዩካፓ ሳይይዳ ናንጋ ዴራ ቢያ ዲንሢ ናገረና ናንጋ ጎዳ ዴሪ ማዔሢ ዛጊ ዲጊጮንዳኔ። 11 ናገረና ናንጋ ጎዳ ዲንሢም ዲንጋኒ ዲንሢኮ ቤርታአ ዓዶንሢም ጮአቄ ዓጮይዳ ሚርጌ ናይ፡ ሚርጌ ባይንታ ዑሣ ዓአዳ ሚርጋ ሃአኮዋ ዲንሢም ዲንጋንዳኔ፤ 12 ጮሪንጮይዳ ዲዚ ቃዚ ጌሢ ቤዛፓ ዲር ኮይሳ ዋዶና ዲንሢም ዋርቁሲ ዲንሢ ማዳ ባኮና ዲንሢ ዓንጃንዳኔ፤ ዩያር ዲንሢ ሃንጎ ሚርጌ ዴርም ታልዓንዳኔ፤ ጋዓንቴ ዲንሢ ያ ጊዳፓአ ታልዒ ዔካዓኬ፤ 13 ናገረና ናንጋ ጎዳ ማዔ ዲንሢኮ ያኦዛሢ ሃንጎ ሚርጌ ዴር ባአኮይዳ ቶኦኪ ዲንሢ ማሃንዳኔ፤ ማዔ ሚርጌ ማዔ ጊንፃ ዓታንዳጉዲ ማሃዓኬ፤ ሃኖ ታ ዲንሢም ዓይሣ፡ ናገረና ናንጋ ጎዳኮ ዓይሢያ ጉሙርቁንቲሢና ማዲ ዲንሢ ኩንሢቴ ፔቴታያ ማታ ዲንሢ ሄሉዋንቴ ቤርቲም ዲንሢ ዴንዳንዳኔ፤ ጊንሢም ዓታዓኬ። 14 ጋዓንቴ ዓይሳዋ ማዖም ሃንሢ ዓይሢያ ሃሺ ማሌ ያኦዛም ዚጋንዳያና ዩያም ማዳንዳያ ዲንሢ ኮይሱዋሴ» ጌዔ።

ዓይሢንቲ ዲዒሢ ሄሊሳ ጋዳማ (ሌዊ. ዓኬ 26:14-46)

15 «ጋዓንቴ ናገረና ናንጋ ጎዳ ማዔ ዲንሢኮ ያኦዛሢም ዲንሢ ዓይሢንቲባኦቴ፤ ሃሣ ታኦኒ ሃኖ ዲንሢ ዓይሣ ዓይሢያንታ ዋጎንታ ጉሙርቁንቲ ማዲ ዲንሢ ኩንሢባኦቴ ሃካፓ ሊካ ኬኤዚንቴ ጋዳማ ዲንሢ ሄሊንዳኔ፡-

28:14 28:14 ላሚ. ዋማ 11:13-17::

16 «ሲንሢኮ ካታሞንታ ጎዡንታ ጋዳንቁንቴያ ማዓንዳኔ።

17 «ሲንሢ ጎሽካ ሃኣኮንታ ዒኢፓ ዔኪ ሲንሢ ዲርካ ዲኢሎንታ ጋዳንቁንቴያ ማዓንዳኔ።

18 «ሲንሢኮ ናኣታኣ፣ ጎሽካ ጎዡ፣ ባኣታ፣ ማራቶንታ ዋኣርንታ ጋዳንቁንቴያ ማዓንዳኔ።

19 «ማኣራ ሲንሢ ዓኣቴያ ኬሰኪ ማዳቴያ ጋዳንቁንቴያ ማዓንዳኔ።

20 «ፑርታ ባኣዚ ሲንሢ ማዳ፣ ናንገና ናንጋ ጎዳ ሲንሢ ሃሹሢሮ ኔጉዋዎ ጋፒ ሲንሢ ባይቃንዳጉዲ ሲንሢ ማዳ ባኮ ቢያ ሲንሢኮ ዒ ጋዳንቃንዳኔ፣ ማሊያ ሲንሢኮ ዡኣሊሳንዳኔ፣ ሲንሢ ዒ ቦርሲሳንዳኔ። 21 ሲንሢ ዳካላኒ ጌላ ዓጩሎይዳፓ ጋፒሲ ሲንሢ ዒ ባይዛንዳያ ሄላንዳኣና ሃሹዋ ፑርታ ዶርዎ ናንገና ናንጋ ጎዳ ሲንሢዳ ዓጋንዳኔ። 22 ናንገና ናንጋ ጎዳ ሲንሢዳ ዎኦፒሳ ዶርዎ፣ ቆሢ፣ ከሢ፣ ዎይዲ ሚሚቻ ዓቢንታ ሉማንታ ዳካንዳኔ፤ ሃኣኮ ሲንሢኮ ባይዛኒ ቃኣዮና ዬያጉይያ ሃኣኮ ዎዳ ባኮ ዒ ዳካንዳኔ። 23 ሌካ ጩሪንጩ ሲንሢሞ ዒሮ ዋርቁሱዋጉዲ ሞኣና ዓንገ ማሢ ዒ ዶዲሻንዳኔ፤ ሳዎ ሜልዚ፣ ዓንገ ማሃንዳኔ። 24 ናንገና ናንጋ ጎዳ ዒራ ዋርቃንዳ ቤዞ ሲንሢዳ ዴኤፒ ዡገባሪ ዔኪ ሙካ ሲላሊና ማኣሻላና ዳካንዳኔ፤ ዬያ ዒ ማዳሢ ሲንሢ ባይዛኒኬ።

25 «ናንገና ናንጋ ጎዳ ሲንሢኮ ሞርካ ሲንሢ ባሻንዳጉዲ ማሃንዳኔ፤ ፔቴ ዛላና ሲንሢ ዔያቶይዳ ዎሎ ቡላዎ ዔያቶይዳፓ ቶላኒ ቢያ ዛሎና ጳሽኪ ጳሽኪ ሲንሢ ዴንዳንዳኔ፤ ሳዎይ ናንጋ ሃንጎ ዴራ ቢያ ሲንሢዳ ማዳንታ ባኮ ዛገ ሲገጩ ዲቃታንዳኔ፤

26 ሲንሢ ሃይቃዛ ሌዞ ሲንሢኮ ካዮ ቦዎና ካፖና ሙዓንዳኔ፤ ዬያ ባኮ ላኣጋንዳ ዓሲያ ባኣሴ። 27 ናንገና ናንጋ ጎዳ ጊብፄ ዓሶይዳ ማዳሢጉዲ ዳርጩ ዶርዎንታ ፖዑዋ ከሢንታ ዑዎይዳ ዋኣጩሳ ዶርዎ፣ ሃሢ ዒላንቶዋ ሲንሢዳ ዓጋንዳኔ፤ 28 ናንገና ናንጋ ጎዳ ማሊሢ ባይዛ ዡኣሹሞና ዓኣፒ ሲንሢኮ ባይዛ ባኣዚ ሲንሢዳ ዳካንዳኔ። 29 ዓቦ ዲኡዞይዳ ዓኣፒ ባይቁ ዓሲጉዲ ሲንሢ ዲቁንታንዳኔ፤ ሲንሢ ዴንዳ ጎይዎዋ ሲንሢ ዴንቃዓኬ፤ ሲንሢ ማዳ ባካ ቢያ ሲንሢሞ ገኢጋዓኬ፤ ቢያ ዎዴ ሄርቁንቲ ዋርቁሢና ዓሲ ሲንሢ ባኣዚ ሙዓያ ሲንሢ ማዓንዳኔ፤ ሲንሢ ዓውሳንዳ ዓሲ ሲንሢ ዴንቃዓኬ» ጌዔኔ።

28:21 28:21 ኬሲ. ማፃ 22:19፤ 20:15። 28:22 28:22 ፓይ. ማፃ 18:9፤ 20:17። 28:23 28:23 ሌዊ. ዓኬ 18:17፤ 20:14። 28:26 28:26 ጋሊ. 3:10።

30 «ዔካኒ ዒንሢ ምዕራፍ ወደሬሎ ማሌ ዓሲ ላሂ ዒኢሳንዳኔ፤ ማእሪ ዒንሢ ማዠንዳኔ፤ ጋዓንቴ ዒኢካ ዒንሢ ናንጋዓኬ፤ ወይኖዎ ዒንሢ ቱካንዳኔ፤ ጋዓንቴ ዓእፖ ዒንሢ ሙዓዓኬ። 31 ዒንሢኮ ባኣታ ዒንሢኮ ቤርታ ዒንሢ ዛጋንቴ ሹኪንታንዳኔ፤ ጋዓንቴ ዓሸኮ ዒንሢ ኩኡሊታዎ ዛጋዓኬ፤ ሃራ ዒንሢኮ ዒንሢ ዛጋንቴ ጎቹንቴ ዔውታንዳኔ፤ ጋዓንቴ ማሂ ዒንሢም ዒንገንታዓኬ፤ ዒንሢኮ ማራታ ሞርኮም ዒንሢኮ ዓእሢንቴ ዒንገንታንዳኔ፤ ዬያቶ ማሃኒ ዒንሢ ማእዳንዳ ዓሲ ባኣሴ። 32 ዒንሢ ዛጋንቴ ዒንሢኮ ዓቲንቆ ናኣቶንታ ወደሮ ናኣቶንታ ማሌ ዓጨ ዓሲም ዒንገንታንዳኔ፤ ዒንሢ ጋዓንቴ ናኣታ ኦኡኮ ለማዓንዳኣ ናንዳኔ» ጌዒ ጉሪ ጎይሢ ዛገ ላባንዳኔ፤ ፔቴታዎ ዒንሢ ዎኣታንዳ ባኣዚ ባኣሴ። 33 ሚርጌ ዒንሢ ላቢንቴ ጎሽኬ ሃኣኮ ዒንሢ ዔሩዎ ማሌ ዓጨ ዓሲ ዔኪ ሙዓንዳኔ፤ ዒንሢኮ ጋዓንቴ ዒንሢ ናንጋ ዎይይዳ ቢያ ጌኔ ማዳና ሄርቁንቴ ዎርቁሂናይዳፓ ዓታዛ ማሌ ባኣዚ ባኣያ ማዓንዳኔ። 34 ዬይ ዒንሢ ዛጋ ባካ ቢያ ዒንሢ ዠዠኣሻንዳኔ፤ 35 ናንገና ናንጋ ጎዳ ዘኣሎና ጉባዘናይዳ ፖዑዎ ከሢ ባይዚ ኬሰካንዳጉዳ ማሃንዳኔ፤ ፑርታ ከሢንታ ከኪያ ባኣዚንታ ቶኦኮ ጋፓናፓ ዴንዲ ቶኮ ፀንጎ ሄላንዳኣና ዒንሢኮ ባይዚ ኬሰካንዳኔ» ጌዔኔ።

36 «ናንገና ናንጋ ጎዳ ዒንሢንታ ዒንሢኮ ካኣታሢንታ ሃያኮ ቤርታ ዒንሢኮ ቤርታኣ ዓደንሢ ማዔቴያ ዒንሢያ ናንገ ቤቁባኣ ማሌ ዓጨ ቤቲሲ ዳካንዳኔ፤ ዒኢካ ሚሢና ሃሃ ሹቻ ኮሾና ማሌ ምኡሲ ዒንሢ ካኣሽካንዳኔ። 37 ናንገና ናንጋ ጎዳ ዒንሢ ዜርቁ ዳካ ዓጮይዳ ናንጋ ዴራ ቢያ ዒንሢዳ ማዲንቴ ባኮ ዛገ ዲቃታንዳኔ፤ ዔያታ ዒንሢ ሚኢጨ ዓማሎ ባኣዚ ማሃንዳኔ» ጌዔኔ።

38 «ዒንሢ ጎሽኬ ሃኣኮ ዓቢሢ ሙዓንዳሢሮ ሚርጌ ሃኣኮ ዒንሢ ዜርቁዎ ዳካ ሃኣኮ ዒንሢ ዔካንዳኔ፤ 39 ዎይኖዎ ዒንሢ ቱኪ ዓጮ ኮሺ ኮሺ ዛጋንዳኔ፤ ጋዓንቴ ዬያ ዘኣሌ ሙዓንዳሢሮ ዎይኖ ዓእፖ ሱዎና ዎላ ቲቁ ዒንሢ ዔኪ ሙዓዓኬ፤ ሃሃ ዑሺ ኮሺያ ዒንሢ ዑሽካዓኬ፤ 40 ዛይቶ ሪሚቶ ሚፃ ዒንሢኮ ሳዎ ቢያይዳ ባቃላንዳኔ፤ ጋዓንቴ ዓሚ ዓማ ዎዳ ሄሉዎንቴ ዲኢኒ ጋፓንዳሢሮ ሪሚቲ ዛይቴ ዒንሢ ዴንቃዓኬ። 41 ዓቲንቁንታ ወደሮ ናይንታ ዒንሢ ሸዓንዳኔ፤ ጋዓንቴ ዎልዚና ዲዒንቴ ዔያታ ዔውታንዳሢሮ ዒንሢና ዎላ ናንጋዓኬ። 42 ዒንሢኮ ሚያንታ ጎዠይዳ ዓኣ ሃኣኮንታ ቢያ ዓቢያ ማካሢ ሙዓንዳኔ።

43 «ዒንሢኮ ዎልቃ ላቢ ላቢ ዴንዳዛ፤ ዒንሢ ዓጮይዳ ናንጋ ማሌ ዓጮ ዓሶ ዎልቃ ጋዓንቴ ዶዲ ዶዳንዳኔ። 44 ማሌ ዓጨፓ ሙኬ ዓሳ ዒንሢም ሚኢሹ ታልዓያ ማዓንዳኔ፤ ጋዓንቴ ዒንሢ

ዔያቶም ታልዓንዳ ሚኒሽ ዒንሢኮ ባይቃንዳ፤ ጋፒንጾይዳ ዔያታ ዒንሢኮ ቤርታዳ ቶኦኪ ማዓንዳ፤ ዒንሢ ጋዓንቴ ዑንኪ ማዒ ጊንፃ ዓታንዳ።

45 «ዒንሢ ዒንሢኮ ጾኦዚሞ ዓይሢንታያ ማዒባኦሢሮ፤ ሃሃ ዒዚ ዓይሢ ደሞብና ዓይሢጾና ዒንሢ ካፒባኦሢሮ ዬይ ቢያ ደርዓሢ ዒንሢዳ ሙካንዳ፤ ዒንሢ ጋፒ ባይቃንዳያ ሄላንዳኦና ዒንሢፓ ሺኦካዓኬ፤ 46 ዬይ ቢያ ዒንሢንታ ዒንሢኮ ዜርጾናይዳ ዒንሢ ዳቢንቴሢሮ ናንጊና ናንጋ ጎዳ ዔኪ ሙኬ ሜቶ ማዒ ናንጊና ጾቁ ጾቁ ናንጋ ማላታ ዒንሢሞ ማዓንዳ፤ 47 ናንጊና ናንጋ ጎዳ ዒንሢ ሚርጌ ካራና ዓንጃያታንቴ ዒንሢ ዒናፓ ዋዛዲ ዒዛም ማዲባኦሶ፤ 48 ዬያር ሃካፓ ሴካ ናንጊና ናንጋ ጎዳ ዒንሢዳ ዳካ ሞርኮኮ ዒንሢ ዓይሌ ማዓንዳ፤ ቢያ ባኦዚና ሜታዲ ዒንሢ ናይዲንታዳ፤ ዴኤቢንታንዳ፤ ሃሃ ካላዳንዳ። ጋፒ ዒንሢ ባይቃንዳያ ሄላንዳኦና ዴኤፃ ዓንጊ ቃምባራ ባቃናይዳ ዓጎናፕዲ ዒንሢኮ ሞርካ ዒንሢ ዋይሃ ዋይሢጾና ሄርቁ ዒንሢ ዋይሃንዳፕዲ ናንጊና ናንጋ ጎዳ ዒንሢ ሃሻንዳ። 49 ናንጊና ናንጋ ጎዳ ዒንሢዳ ሙኦቹ ዒንሢ ዔሩዋያ ሚርጌ ጾላ ዴፊ ሃኬ ዓጨፓ ዔኪ ሙካንዳ፤ ዔያታ ዒንሢዳ ኮኦኬፕዲ ኬዳንዳ። 50 ዔያታ ጋርቾ ቦንቹዋያ፣ ናኦቶ ሚጨንቴዋ ፑርታ ዓሲ ማዒ ዒንሢዳ ዔቃንዳ፤ 51 ዔያታ ዒንሢኮ ባኦቶንታ ሃኦኮንታ ቢያ ፒዒ ሙዓንዳሢሮ ዒንሢ ሃይቃንዳያ ሄላንዳኦና ናይዚና ሜታዳንዳ፤ ዔያታ ሃኦኮይዳፓ ፔቴ ዓኦፒታፃ፤ ሃሃ ዋይናንታ ዛይቶ ሪሚቶ ሚጾ ዓኦፓይዳፓ ፔቴ ዓኦፒታዋ ዓይሳዓኬ። ዬያፕዲ ባኦቶንታ ማዓንዳ፤ 52 ናንጊና ናንጋ ጎዳ ማዔ ዒንሢኮ ጾኦዚሞ ዒንሢሞ ዒንጋ ዓጮይዳ ዒንሢ ናንጋ ዒንሢኮ ካታሞ ዔያታ ጾላ፤ ዒንሢ ፕሙርቃ ዴጌ ከኤሎ ዲጾ ዒንሢኮ ዔያታ ደይሲ ባይዛንዳ።

53 «ዒንሢኮ ሞርካ ካታሞ ዒንሢኮ ማንጊ ዒንሢ ሜታሴም ሙጾንዳ ባኦዚ ዒንሢ ባይዚ፣ ናንጊና ናንጋ ጎዳ ማዔ ዒንሢኮ ጾኦዚሞ ዒንሢሞ ዒንጌ ዒንሢኮ ዓቲንቆ ናኦቶና ዉዲር ናኦቶ ዒንሢ ሙዓንዳ፤ 54 ዒንሢ ባኦካ ኮሽ፣ ሃሃ ዓሲ ሚጨንታያ ማዔ ዓሲታጾ ፔኤኮ ጌርሲም፣ ፔ ማቾም ሃሃ ሃይባፓ ዓቲ ናኦቶም ማዔቴያ ዬያ ዒ ሙዓሢ ዒንጎ ዒዒ ዲኤዳንዳ። 55 ዓሲም ካራ ባይዚ፣ ካታሞ ቢያሢ ሞርካ ዒንሢኮ ማንጋ ዋደና ሜሌ ሙጾ ባኦዚ ባኦያ ማዓንዳሢሮ ናጾ ሙዓ ዓሢ ሙዓ ዓሽኮይዳፓ ሜሌ ዓይጎ ዓሲማኦ ዒንጊንዲዋሴ። 56 ዒንሢ ባኦኮይዳ ሜታ ባኦዚ ባኦያ ማዔም ጾቶርቁ ናንጋያ፤ ሃሃ ቶኪና ሳዓ ሄርቁዋ ላኦሌላ ዒዘኮ

ዓረንታ ናኦቶንታም ዲኡዲያ ማዓንዳኔ። 57 ዓሲም ካራ ባይዘ፣ ካታም ቢያሢ ሞርካ ዒንሢኮ ማንጋ ዎዶና ሜሌ ሙዮ ባኦዚ ፔቲታዎ ባኦያ ማዓንዳሢሮ ዒዛ ዓኦቲ ሙዓ ፔኤኮ ናዖና ቢኢዞና ሜሌ ዓይጎ ዓሲማኦ ዒንጋዓኬ» ጌዔኔ።

58 «ሃያ ማፃአፖይዳ ፃኦፒጎቲ፣ ናንገና ናንጋ ጎዳኮ ዓይሢያ ጉሙርቁንቲ ማዲ ዒንሢ ኩንሢባኦቲ፤ ሃሣ ዲቃሢ ሄርሺሳያና ዒጊቻያ ማዔ ናንገና ናንጋ ጎዳ ማዔ ዒንሢኮ ፆኦዛሢኮ ሱንዎ ዒንሢ ቦንቲባኦቲ፣ 59 ናንገና ናንጋ ጎዳ ዒንሢንታ ዒንሢኮ ናኦቶንታይዳ ዒጊቻያ፣ ሚርጌ ዎዴ ዒንሢ ሚታሲ ዴዓንዳ ፑርታ ዶርዎ ዳካንዳኔ። 60 ጊብፄ ዓጮ ዓሶይዳ ኬዴም ዒንሢ ዛጊ ዒጊጨ፣ ዬያ ፑርቶ ዶርዓሢ ቢያ ናንገና ናንጋ ጎዳ ዒንሢዳ ጊንሣ ሃሣ ዳካንዳኔ፤ ዬያ ዶርዓሢዳፓ ዒንሢ ፖዒያ ፖዓዓኬ፤ 61 ዬያ ሌሊቲዎንቲ ናንገና ናንጋ ጎዳኮ ዎጋ ፃኦፒጎቲ፣ ሃያ ማፃአፖይዳ ኬኤዚንቲባኦ ዶርዖና ዲማ ዲማ ዎዳ ዶርዎ ቢያ ዒንሢ ባይዘጊ ዒዚ ዳካንዳኔ። 62 ናንገና ናንጋ ጎዳ ማዔ ዒንሢኮ ፆኦዛሢም ዓይሢንታያ ዒንሢ ማዔባኦሢሮ ሚርጉማ ዒንሢኮ ጫሪንጮ ዉጫሢጉዲ ማዔቲያ ዒንሢዳፓ ዳካ ዓሲ ሌሊ ዓታንዳኔ፤ 63 ናንገና ናንጋ ጎዳ ዒንሢ ዓርጎጨሳኦና፣ ሃሣ ዒንሢ ሚርጊሻ ዎዶናኦ ዎዛዳሢጉዲ ዒንሢ ዒ ባይዘ ዎዶናኦ ዓሚዲ ዒ ዎዛዳንዳኔ፤ ዬኖ ዒንሢ ዳካላንዳ ዓጩሎይዳፓ ጋፒ ዒንሢ ባይቃንዳኔ።

64 «ናንገና ናንጋ ጎዳ ዒንሢ ሳዎኮ ዓይፆፓ ዴንዲ ጋፖ ሄላንዳኦና ሃንጎ ዴር ባኦካ ዜርቃንዳኔ፤ ዒኦካ ዒንሢ ናንጋ ዎዶና ዒንሢንታ ዒንሢኮ ቤርታኦ ዓዶንሢንታ ዘጊ ካኦሽኪ ቤቁባኦ ሚሢና ሹቲና ዓርሲ ኮሾና ሜሌ ፆኦሲ ዒንሢ ካኦሽካንዳኔ። 65 ዬያ ዴር ባኦኮይዳ ሃውሾ ዒንሢኮ ባኦያ፣ ሃሣ ቶኪ ሄርቃንዳጉዴ ቤሲታዎ ዒንሢኮ ባኦያ ማዓንዳኔ፤ ናንገና ናንጋ ጎዳ ዒንሢም ዒጊጨ ዒና፣ «ዔኤቢ ዴንቃንዳኔ» ጌይ ጎይሢ ዛጊ ላባ ዓኦቲ፣ ሃጊ ማዓንዳ ዎዛባኦ ዓሲ ማሃ ማላሢ ዒንጎዳኔ። 66 ናንጋ ዒንሢኮ ቢያ ዎዴ ሜታዲ ማላሢና ማዓንዳኔ፤ ዒንሢኮ ሹምፓሢ «ሃይቃንዳኔ» ጌይ ዓልቲ ዓልቲ ዒንሢ ናንጋንዳሢሮ ዎንቶና ሮኦርና ቢያ ዒንሢ ዒጊቹምና ናንጋዳኔ። 67 ዒንሢ ዛጋ ባካ ቢያ ዒንሢ ዲቃሢያ ማዓንዳሢሮ ካራዛ «ዓይዴ ዓማንዳይ?»፣ ሃሣ ዓማዛ «ዓይዲ ካራንዳይ?» ዒንሢ ጋዓንዳኔ። 68 ናንገና ናንጋ ጎዳ ዒንሢም፡- «ላሚ ዒንሢ ጊንሣ ዬካ ዴንዲንዳዎሴ» ጌይ ኬኤዜያ ማዔቲያ ዎኦያ ካኦሚሎ ቶጊ ጊብፄ ዓጮ ዒንሢ ዴንዳንዳጉዲ ዒ ማሃንዳኔ፤ ዒኦካ ዒንሢ ዒንሢ

28:57 28:57 2ካኦቶ. ማ 6:28-29፤ ዓ.ቃ. ማ 4:10።

ዓይሌ ማሂ ሻንቻኒ ኮዓንዳኔ፤ ጋዓንቴ ዓይሌ ማሂ ዒንሢ ሻንቻንዳ ዓሲ ዒንሢ ዳንቃዓኩ» ጌዔኔ።

29

ጫአቁሞኮ ገንሣ ዓካዲያ

1 ናንገና ናንጋ ጎዳ ሲና ዲኮ ኮይላ ዒሰራዔኤሌ ዓሶም ማዲኒ ጫአቁ ጫአቁሞይዳ ቃሲ፣ ሞዓኣቤ ዓጮይዳ ሙሴ ዒሰራዔኤሌ ዓሶም ጫአቃንዳጉዲ ዓይሢ ጫአቁማ ሃካፓ ሊካ ኬኤዚንታሢኩ፡-

2 ሙሴ ዒሰራዔኤሌ ዳሮ ዔኤሊ ፔቴይዳ ቡኩሳዎ፡- «ናንገና ናንጋ ጎዳ ጊብፄ ዓጮ ካአቲንታ ሱኡጎ ማዒ ማዳ፣ ዴኤፖ ዴኤፖ ዓሶንታ ዓጮ ቢያሢንታይዳ ማዴ ባኮ ቢያ ዒንሢ ዒንሢ ዓአፒና ዛጌ፤ 3 ናንገና ናንጋ ጎዳ ዔያቶይዳ ዓጌ፣ ፑርቶ ዎዳ ዶርዒሢንታ ዒዚ ማዴ ፔ ዎልቆና ማዲንታ ዓኮ ባኮንታ ዲቃሢ ሄርሺሳ ባኮዎ ቢያ ዒንሢ ዛጌ። 4 ናንገና ናንጋ ጎዳ ጋዓንቴ ሃሢ ሃኖ ሃይማ ሄላንዳኣና ዒንሢ ሃንቲ ሙኬ ጎይያ ዛጋ ዓአፒ፣ ዬያ ዛሎ ዎይዛንዳ ዎይዚና ማላ ዒኔና ዒንሢም ዒንገባኣሴ። 5 ያይዲታሚ ሌዔ ጉቤ ዓሲ ናንጉዎ ዳውሎይዳና ናንገና ናንጋ ጎዳ ዒንሢ ዔኪ ዳንዳኣና ማአዓሢያ ዒንሢኮ ጨንቁ ዳርዒባኣሴ፤ ዳርዘኣ ዒንሢኮ ጨንቁ ዲጲባኣሴ። 6 ዒንሢ ጎይያይዳ ካሢ ዳንቁ ሙዒባኣሴ፣ ዑሽኮ ዑሽንታ ማሣ ዑሽያ ዑሽኪባኣሴ፤ ናንገና ናንጋ ጎዳ ዒንሢኮ ያኦሲ ማዔሢ ዔርዘኒ ኮይሳ ባኮ ቢያ ዒንሢም ዒ ዒንጌ። 7 ሃይካ ኑኡኒ ሄላዛ ሃሴቦኣኔ ካአቲ ሲሆኔና ባኣሳኣኔ ካአቲ ያኦጌና ኑና ያላኒ ኬሰኬኔ፤ ጋዓንቴ ያሎና ኑ ዔያቶ ባሺኔ፤ 8 ዓጮ ዔያቶኮ ኑ ዔኪ፣ ሮኦኤሌሌና ጋኣዴ ማአሮ ዓሶናም፤ ሃሣ ዬያጉዲ ሚናኣሴ ማአሮ ዓሶኮዎ ዛሎም ዔያቶ ዓጪ ማዓንዳጉዲ ገሽኪ ኑ ዒንጌ፤ 9 ዬያሮ ዒንሢ ማዳ ባካ ቢያ ዒንሢም ገኢጋንዳጉዲ ሃያ ጫአቆና ጫአቁሞ ጋራ ዓኣ ዓይሢያ ቢያ ዛጊ ማዲ ኩንሡዎቴ።

10-11 «ሃይሾ፣ ዒንሢ ፔቴ ፔቴ ማአሮ ዓሶኮ ሱኡጎና ዴሮኮ ጨማ፣ ዲማ ዲማ ሱኡጋ፣ ሃንጎ ዓቴ ዓሶንታ ዒንሢኮ ናኣቶንታ ዒንሢ ናንጋ ጉርዶይዳ ናንገ ናንገ ዒንሢም ሃንፂሎ ሃኣከ፣ ዎኣያ ዲዓያ ሜሌ ዓጫፓ ሙኬ ዓሶንታ፤ ዒንሢ ቢያሢ ናንገና ናንጋ ጎዳ ማዔ ዒንሢኮ ያኣዛሢ ቤርታ ሃኖ ዔቄ። 12 ዒንሢ ሃይካ ዔቁሢ ናንገና ናንጋ ጎዳ ማዔ ዒንሢኮ ያኣዛሢና ዎላ ጫአቁሞ ጫአቃኒኬ፤ ሃሣ ዒዛና ዎላ ዒንሢ ጫአቃ ባኮ ማዲ ኩንሢኒኬ። 13 ናንገና ናንጋ ጎዳ ዬያ ማዴሢ ዒንሢም ዒዚ <ማዳንዳኔ> ጌይ ጫአቁ ጎይያና

29:7 29:7 ፓይ. ማፃ 21:21-35። 29:8 29:8 ፓይ. ማፃ 32:33።

ሃሣ ዒንሢኮ ዓደንሢ፡ ዓብራሃሚንታ ዪሳአቄንታ ያይቆኑቤንታ ዋላ ጫአቄ ጎይዖና ዒንሢ ዒ ፔ ዴሬ ማሂ ዶኦሬሢ ዔርዘኒኬ። 14 ዒዚ ዬያ ቢያ ጫአቁሞ ጫአቃሢ ዒንሢና ዋላ ሌሊቱሞሴ። 15 ዒዚ ዬያ ጫአቃሢ ሃኖ ሃይካ ዒዘና ዋላ ዔቂ ዓአ ኑና ቢያሢንታ ሃጊ ኑጊዳፓ ሾይንታንዳ ዜርዖ ቢያሢንታሞ ዋላኬ።

16 «ጊብፄ ዓጮይዳ ዎዚጉዴ ናንጊ ዒንሢ ናንጌቲያ፤ ሃሣ ማሌ ዓሶ ዓጮይዴና ቲቂ ዴንዲፃ ዎማዒ ዒንሢሞ ማቲቲያ ዒንሢ ዔራኔ። 17 ዔያቶኮ ሻአካያ ማዔያ ጌይፃ፡- ሚሢ፡ ሹቸ፡ ቢራ ዓንጊንታ ዎርቁንታይዳፓ ኮሾና ማሌ ያኦዞ ዒንሢ ዛጌኔ። 18 ሃይካ ሃሢ ዒንሢ ዔቂ ዓአ ዓሶይዳፓ ዓቲንቁ ማዔቲያ ላአሊ፤ ፔቲ ማአሪ ዓሲ ማዔቲያ ፔቲ ቶኦኪ፤ ናንጊና ናንጋ ጎዳ ኑ ያኦዞሢ ሃሺ ማሌ ዴራ ካአሽካ ያኦዞ ካአሽኩዎጉዲ ዒንሢና ዔራዎቲ፤ ዒንሢ ባአካ ዬያጉይያ ዎዳ ባአዚ፡ ጊንሣ ሃሣ ጫጫንቃያ ማዔ ማዶ ማዳ ዓሲ ባአያ ማዖንጎ፤ 19 ዬያጉዴ ዓሲ ሃያ ጋዳሞ ዑኡዞ ዎይዜያታዖ፡- ዓይጎሞ ማዖም ታ ኮዔ ጎይዖ ናንጌቲ ዳቃንዳኔ። ጌዒ ፔ ዒኖና ማሌቲ ኮዞ ዓሶንታ ፑርቶ ዓሶንታይዳ ባይሲንታ ዒ ዔኪ ሙካንዳኔ። 20 ናንጊና ናንጋ ጎዳ ዬያጉዴ ዓሲሞ ዓቶም ጎዑሞሴ፤ ዒዛኮ ዳጋ፡ ሃሣ ዒዛ ሃሺ ማሌ ካአሽኪሢ ኮዑሞያ ማዔ ማሊፃ ታሚጉዲ ዬያ ዓሢዳ ዔኤታንዳኔ፤ ናንጊና ናንጋ ጎዳ ዬያጉዴ ዓሢ ጋፒ ባይቃንዳጉዲ ሃያ ማፃአፖይዳ ፃአፒንቲ ዲማ ዲማ ዎዳ ዶርዓሢ ቢያ ዒዛይዳ ዓጋንዳኔ። 21 ናንጊና ናንጋ ጎዳ ዬያጉዴ ዓሢ ሃያ ዎጎ ማፃአፖይዳ ፃአፒንቲ ጋዳሞ ጫአቁሞ ጎይዖጉይያና ዒሰራዔኤሌ ዓሶ ባአካፓ ኬሲ ባይዛንዳኔ።

22 «ሃጊ ዒንሢኮ ሙካንዳ ዜርዖንታ ማሌ ዓጫፓ ሙኬ ዓሳ ናንጊና ናንጋ ጎዳ ዒንሢ ዓጮይዳ ዓጌ ባይሲንቶና ዎዳ ዶርዓሢና ዛጋንዳኔ። 23 ዒንሢኮ ሳዓ ጋፒ ሚጮያ፡ ሃሣ ሶኦጌ ኬሰኪ ላሃያ ማዓንዳኔ፤ ፔቲታዖ ዒኢካ ዔኤቢ ቱኪንታዓኬ፤ ባቃላንዳ ባአዚያ ባአሴ፤ ዒንሢኮ ዬይ ሳዓ ናንጊና ናንጋ ጎዳ ፔኤኮ ዴኤፖ ዳጎና ባይዜ፡ ሴዶሚንታ ጋሞራንታ ዓዳአማንታ ዒባዮንታጉዲ ማዒ ዓታንዳኔ። 24 ዬይ ያዲ ማዔ ዎደና ሳዖይዳ ዓአ ሃንጎ ዴራ ቢያ፡- ናንጊና ናንጋ ጎዳ ሃኖ ዓጮይዳ ሃያ ቢያ ዓይጎር ማዴይ? ዒዛ ሃያይዲ ዒናፓ ዳጋሴሢ ዓይጎዳይ?። ጌይ ያኦጫንዳኔ፤ 25 ዬያ ያኦጫዖኮ ማሂፃ፡- ዔያቶኮ ቤርታአ ዓደንሢ ያኦዞሢ ጊብፄ ዓጫፓ ዔያቶ ኬሳአና ዔያቶና ዎላ ጫአቁ ጫአቁሞ ዔያታ ሃሺሢሮኬ። 26 ዔያታ ሃያኮ ቤርታ ዚጊ ካአሽኪ ቤቁባአያ፤ ናንጊና ናንጋ ጎዳ

29:18 29:18 ዔ.ብ. 12:15። 29:23 29:23 ማዢ. ማፃ 19:24-25።

ዔያቶ ዘገ ካአሽኩዋጉዲ ላኣጌ፣ ማሌ ጸኦዞ ዔያታ ካአሽኬኔ።
27 ዬያሮ ናንገና ናንጋ ጎዳ ፔኤኮ ዴሮይዳ ዳጋዲ ሃያ ማፃአፖይዳ
ፃአፒንቴ ዋዳ ዶርባሢ ሲያ ዔያቶ ዓጫ ዓጌኔ። 28 ናንገና ናንጋ ጎዳ
ዒናፓ ዔያቶ ዑፃ ዳጋዳኔ፤ ዒዛኮ ዬያ ዳጋፓ ዔቁያና ዔያቶኮ ዓጫፓ
ዔያቶ ቱጊ ዔኪ ማሌ ዓጪዳ ኬኤሬኔ። ዬያሮ ሃሢ ሄላንዳኣና ዔያታ
ዒኢካ ዓኣኔ። ጋዓያ ማዓንዳኔ።

29 «ናንገና ናንጋ ጎዳ ማዔ ኑ ጸኦዞሢ ፔጋሱዋዎ ዓኣቹ ባኣዚ
ሚርጌ ዓኣኔ፤ ጋዓንቴ ፔጋዲ ዔርቴ ባካ ኑናታ ኑ ናኣቶንታ ማዲ ኑ
ኩንሣንዳጉዲ ኮይሳ ዒዛኮ ዋጎ ቃኣሎኬ» ጌዔኔ።

30

ናንገና ናንጋ ጎዳ ባንሢ ማዓዎ ዔኮ ዓንጅ

1 ሙሴ ዒሰራዔኤሌ ዓሱም፡- «ዓንጅና ጋዳማናይዳፓ ፔቴማ
ዒንሢ ደኦራንዳጉዲ ታኣኒ ኮዓኔ፤ ናንገና ናንጋ ጎዳ ዒንሢ ማሌ
ዴሮ ባኣኮ ዜርቁም ዒንሢ ዒኢካ ዓኣዎ ዒዚ ዒንሢዳ ማዳ ባኮ
ማሊ ጳቁሄቴ፣ 2 ሃሢ ዒንሢንታ ዒንሢኮ ዜርቁንታ ናንገና ናንጋ
ጎዳ ባንሢ ማዔ ሃሮ ታኣኒ ዒንሢም ዓይሢ ናንገና ናንጋ ጎዳ
ማዔ ዒንሢኮ ጸኦዞሢ ዓይሢዎ ዒናፓ ዒንሢ ዓይሢንታያ ማዔቴ፣
3 ናንገና ናንጋ ጎዳ ማዔ ዒንሢኮ ጸኦዞሢ ዒንሢ ማኣራንዳኔ፤
ሃንጎ ዴሮ ባኣኮይዳ ዒንሢ ዒ ዜርቁ ቤዘይዳፓ ማሢ ዔኪ ሙኪ
ገንሣ ዒንሢ ዒ ያርጎጪ ሳንዳኔ። 4 ሳዎኮ ጋፒንፆ ሄላንዳኣና ዒንሢ
ዜርቁንቴ ዓኣያ ማዔቴያ ናንገና ናንጋ ጎዳ ማዔ ዒንሢኮ ጸኦዞሢ
ፔቴይዳ ቡኩሲ ዒንሢ ዔኪ ሙካንዳኔ፤ 5 ዬያይዲ ዒንሢኮ
ቤርታኣ ዓድንሢ ናንጋ ዓጮ ዒንሢ ዳካልሳንዳኔ፤ ናንገና ናንጋ
ጎዳ ቤርታኣ ዓድንሢፓ ባሽ ዒንሢ ያርጪሲ ፓይደዋ ዒንሢኮ
ዒማዲ ሚርገሻንዳኔ። 6 ናንገና ናንጋ ጎዳ ማዔ ዒንሢኮ ጸኦዞሢ
ዒንሢንታ ዒንሢኮ ናኣቶንታ ዒዛም ዓይሢንታንዳ ዒኔ ዒንጋንዳኔ፤
ዬያሮ ጉቤ ዒናፓ ዒንሢ ዒዛ ሰሽካንዳኔ፤ ዬሮ ዓጪጮሎይዳ ሸምፔና
ዒንሢ ናንጋንዳኔ። 7 ናንገና ናንጋ ጎዳ ሃያ ጋዳም ቢያ ዒንሢዳፓ
ዒንሢ ዔፃ ዓሶና ዒንሢ ሄርቁ ዎይሣ፣ ዒንሢኮ ሞርኮ ባንሢ
ሸርሻንዳኔ፤ 8 ዒንሢ ዒዛም ገንሣ ዓይሢንታያ ማዓንዳኔ፤ ታኣኒ
ሃሮ ዒንሢም ዓይሢ ዒዛኮ ዓይሢዎዋ ዒንሢ ካፓንዳኔ፤ 9 ዒንሢ
ማዳ ባኮና ቢያ ናንገና ናንጋ ጎዳ ማዔ ዒንሢኮ ጸኦዞሢ ዒንሢ
ያርጎጪ ሳንዳኔ፤ ሚርጌ ናይ፣ ሚርጌ ቆልሞንታ ሚርጌ ሃኣኮንታ
ዒንሢም ዒ ዲቢሻንዳኔ፤ ዒንሢኮ ቤርታኣ ዓድንሢ ዒ ያርጎጪ ሳዎ
ዎዛዳሢጉዲ ዒንሢ ያርጎጪ ሳዎዋ ዒማዲ ዎዛዳንዳኔ። 10 ዬያ
ዒዚ ማዳንዳሢ ሃያ ዋጎ ማፃአፖይዳ ፃአፒንቴ ዓይሢያና ዎጎና ካፒ

ጉቤ ዒናፓ፣ ጉቤ ሸምፓፓ ናንጊና ናንጋ ጎዳ ማዔ ዒንሢኮ ጾካዛሢ ባንሢ ዒንሢ ማዔቲኩ።

ናንጊና ሃይቢናይዳፓ ደኦሪሢ ዛላ

11 «ታኦኒ ሃኖ ዒንሢ ዒይሣ ዒይሢፃ ፔቶ ዴኤፃያ፣ ሃሣ ዒንሢፓ ሃካያቱዋሴ፤ 12 «ዴያ ዋይዚ ኑ ዒይሢንታንዳጉዲ ጾኦኒ ሎኦፓ ኬይሲ ኑም ዔኪ ዩዓንዳይ?» ጌይ ዒንሢ ጾኦጌቱዋጉዲ ዩይ ዋጋ ዓኣሢ ለካ ጫሪንጫቱዋሴ። 13 ሃሣ «ዴያ ዋይዚ ኑ ዒይሢንታንዳጉዲ ባዘ ሱካፓ ጾ ኑም ፒንቁ ዔኪ ዩዓንዳይ?» ጌይ ዒንሢ ጾኦጌቱዋጉዲ ዩይ ጴዳሢ ባዘ ሱካቱዋሴ። 14 ዩይ ዒይሢፃ ዒንሢኮ ዑኩ ጊደኬ፤ ዒንሢ ካፓንዳጉዲ ዒንሢኮ ዳንጋ፣ ሃሣ ዒናኦ ዓኣኔ» ጌዔኔ።

15 «ሃኖ ታኦኒ ናንጊና ሃይቢና፤ ጊንሣ ሃሣ ኮሹዋና ፑርቱሞናፓ ዒንሢ ደኦሪንዳጉዲ ኮዓኔ፤ 16 ታኦኒ ሃኖ ዒንሢ ዒይሣ፣ ናንጊና ናንጋ ጎዳ ማዔ ዒንሢኮ ጾካዛሢ ዒይሢፃ ማዲ ዒንሢ ኩንሣያ ማዔቲ ዋጎ ጎይፃ ዒንሢ ዋርቁቲ ዒዛኮ ዒይሢፃና ዳሞቦና ዒንሢ ካፔቲ ሸምፔና ዒንሢ ናንጋንዳኔ፤ ዒንሢኮ ፓይዳኦ ሚርጋንዳኔ፤ ናንጊና ናንጋ ጎዳ ማዔ ዒንሢኮ ጾካዛሢ ዒንሢ ጌላ ዓጮይዳ ዒንሢ ዓንጃንዳኔ። 17 ጋዓንቲ «ዒዛሞ ኑ ዒይሢንታዓ፤ ዒዚ ኬኤዛ ባኮዋ ኑ ዋይዛዓ» ጌዒ ሜሌ ጾኦዘሞ ዘጊ ካኦሽካኒ ናንጊና ናንጋ ጎዳይዳፓ ዒንሢ ዲማዲ ዴንዴቲ፤ 18 ጋፒ ዒንሢ ባይቃንዳያታሢ ሃይሾ፣ ሃኖ ታ ዒንሢሞ ኬኤዛኔ፤ ዮርዳኖሴና ፒንቁ፣ ዒንሢ ዳካላንዳ ዓጮሎይዳ ሚርጌ ዋዴ ዒንሢ ናንጋዓኩ። 19 ሃይሾ ታኦኒ ናንጊና ሃይቢናይዳፓ፤ ናንጊና ናንጋ ጎዳ ጋዳንቃ ጋዳሞና ዒ ዓንጃ ዓንጃናይዳፓ ፔቲ ዒንሢ ደኦሪንዳጉዲ ታ ኮዓኔ። ዩያ ዒንሢ ደኦሪ ደኦሪፃኮ ጫሪንጫና ሳፃና ዒንሢዳ ታ ማርካሳንዳኔ፤ ዩያር ዒንሢንታ ዒንሢኮ ዜርፃንታ ሸምፔና ናንጋኒ ናንጊ ደኦሪዋቲ። 20 ናንጊና ናንጋ ጎዳ ማዔ ዒንሢኮ ጾካዛሢ ናሽኩዋቲ፤ ዒዛሞ ዒይሢንታያና ዒዛሞ ጉሙርቁንታያ ማዑዋቲ፤ ዒንሢ ዩያይዴቲ ናንጊ ዴንቃንዳኔ፤ ሃሣ ዒንሢኮ ቤርታኦ ዒደንሢ፣ ዓብራሃሜንታ ዩሳኦቁንታ ያይቁቤንታሞ ዒንጋኒ ናንጊና ናንጋ ጎዳ ጫኦቁ ዓጮሎ ጌላፃ ሚርጌ ዋዴ ዒንሢ ዒኦከ ናንጋንዳኔ» ጌዔኔ።

31

ሙሴ ማዲ ማዲ ዒያሱ ማዲፃ ዓርቁሢ

30:14 30:14 ሮሜ 10:6-8። 30:20 30:20 ማኸ. ማፃ 12:7፤ 26:3፤ 28:13።

1 ዩካፓ ሙሴ ዲሰራዔኤሌ ዴሮ ቢያሢሞ፡- 2 «ታኣኮ ለዓ ጭታና ለማታሚና ማዕሚሮ ማይ ታኣም ዲንሢ ዔኪ ዓኣዲፃ ዲንዳዒንታዓኬ፤ ሃሣ ታኣኒ ዮርዳኖሴ ዎሮና ፒንቁንዲዎኣሢያ ናንገና ናንጋ ጎዳ ታኣም ኬኤዜኔ፤ 3 ናንገና ናንጋ ጎዳ ማዕ ዲንሢኮ ጸኣዛሢ ቤርታ ቤርታ ማዕ ዲንሢ ዔኪ ዴንዳንዳኔ፤ ዲንሢ ዴንዳ ዓጮይዳ ዓኣ ዴሮ ዲዚ ባይዜም ዲንሢ ዬኖ ዓጮ ዳካላንዳኔ፤ ናንገና ናንጋ ጎዳ ኬኤዜ ጎይጾጉዴያ ዲያሱ ዲንሢኮ ሱኡጌ ማዕ ዔኪ ዓኣዲሢ ማዕንዳኔ። 4 ሃያኮ ቤርታ ናንገና ናንጋ ጎዳ ዓሞራ ዓሶ ካኣቶንሢ ሲሆኔና ጸኣጌና ጸሊ ባሺ ዓጮ ዔያቶኮ ባይዚሢጉዲ ዲንሢኮ ሞርኮ ማዕ ዴሮ ዲዚ ዲማይዳንዳኔ። 5 ናንገና ናንጋ ጎዳ ጸሎና ዲንሢ ዔያቶ ባሻንዳጉዲ ማሃንዳኔ፤ ዬያሮ ሃሢ ታኣኒ ዲንሢ ዓይሣ ጎይጾማ ዲንሢ ዔያቶ ማዳንዳኔ። 6 ጫርቂ ዶዲያ ማዕ-ዎቲ፤ ዔያቶ ፔቲታዎ ዲጊጩፖቲ፤ ሃሣ ዲቃቲፖቲ። ናንገና ናንጋ ጎዳ ማዕ ዲንሢኮ ጸኣዛሢ ዲንሢና ዎላኬ፤ ዲንሢ ዲ ኬኤራዓኬ፤ ሃሻዓኬ» ጌዒ ኬኤዜኔ።

7 ዩካፓ ሙሴ ዲያሱ ዔኤላዎ ዲሰራዔኤሌ ዴሮ ቢያሢኮ ቤርታ፡- «ጫርቂ ዶዲያ ማዕ፤ ናንገና ናንጋ ጎዳ ዔያቶኮ ቤርታኣ ዓድንሢም ሲንጋጌ ጫኣቄ ጎይጾና ዓጩሎ ዔያታ ዳካላንዳጉዲ ሃያ ዴሮ ዔኪ ጌልዛንዳሢ ኔናኬ፤ 8 ናንገና ናንጋ ጎዳ ፔ ቶኣኪና ኔኤና ዎላ ማዕ ኔ ማዳንዳ ባኮ ዳዎንዳኔ፤ ዲ ኔና ኬኤራዓኬ፤ ፔቲታዎ ሃሻዓኬ፤ ዬያሮ ዲጊጩፖ፡ ዲቃቲፖ» ጌዔኔ።

ዎጋ ናባቢንታንዳጉዲ ዓይሢንቲሢ

9 ዩካፓ ሙሴ ጸኣሲኮ ዎጎ ፃኣፒ ናንገና ናንጋ ጎዳኮ ጫኣቁሞ ሳኣዲና ኬዲ ኬዲ ማዳ ለዎ ዓሶ ቁኤሶንታ ዲሰራዔኤሌ ዓሶኮ ሱኣጎንታም ዲንጌኔ። 10 ዔያቶ ዲ፡- «ጋሌ ቢያ ሃሺንታ፡ ላንካሳ ላንካሳ ሌዎኮ ጋፒንጾይዳ ቦንቹንታ ዉልሾ ዴማ ቦንቾ ቦንቾና፤

11 ዲሰራዔኤሌ ዴራ ቢያ ናንገና ናንጋ ጎዳ ማዕ ዲንሢኮ ጸኣዛሢ ቤርቶይዳ ዲዛ ዲንሢ ካኣሽካንዳጉዲ ዶኦሪ ቤዘይዳ ቡካ ዎድና ሃያ ዎጎ ናባቡዎቲ። 12 ቢያሢ ዎይዚ፡ ናንገና ናንጋ ጎዳ ማዕ ዲንሢኮ ጸኣዛሢ ዲጊጩሢ ዔራንዳጉዲ፤ ሃሣ ሃያ ዎጎይዳ ኬኤዚንቲ ባኮ ቢያ ዛጊ ካፒ ኩንሣንዳጉዲ ዓቲንቆንታ ላኣሎንታ ናኣቶንታ ዲንሢኮ ካታሞይዳ ካታሞይዳ ናንጋ ሜሌ ዓጫፓ ሙኬ ዓሶዎ ቡኩሱዎቲ። 13 ዲንሢ ያዲዴቲ ናንገና ናንጋ ጎዳ ማዕ ዲንሢ ጸኣዛሢኮ ዎጎ ዎይዚ ቤቁባኣ ዜርፃ ቢያ ዎይዚ ዲንዳዓኔ፤ ዬያሮ

31:2 31:2 ፓይ. ማፃ 20:12። 31:4 31:4 ፓይ. ማፃ 21:21-35። 31:8 31:8 ዓ.ያ. 1:5፤ ዔ.ብ. 13:5። 31:10 31:10 ላሚ. ዎማ 15:1፤ 16:13-15።

የርዳናሴ ዋርና ፒንቁ ዲንሢ ዳካላንዳ ዓጩሎይዳ ዔያታ ናንጋ ዋደይዳ ቢያ ናንገና ናንጋ ጎዳም ዓይሢንቲሢ ዔራንዳኔ» ጌዒ ዓይሢኔ።

ናንገና ናንጋ ጎዳ ሙሴና ዲያሱናም ዓይሢ ባኮ

14 ዬካፓ ናንገና ናንጋ ጎዳ ሙሴም፡- «ኔ ሃይቃንዳ ዋዳ ሄሌኔ፤ ታ ዒዛ ዓይሢንዳ ባካዚ ዓኣሢሮ ዲያሱ ዔኤሊ ዔኪ ዓፒሎና ማዢንቲ፣ ታኣኒ ዳሮና ካኣማ ማኣሮ ካሮ ሙኩዋቲ» ጋዓዛ ሙሴና ዲያሱና ያኦሲ ዳሮና ካኣማ ማኣሮ ካሮ ሙኩኔ፤ 15 ዲማና ናንገና ናንጋ ጎዳ ዓፒሎና ማዢንቲ ማኣሮ ካራ ፒዝ ጌይ ዔቁ ሻኣሬና ማዒ ዔያቶም ጴዳኔ።

16 ናንገና ናንጋ ጎዳ ሙሴም፡- «ኔኤኒ ሃሢ ዑኩ ከሊዳ ኔኤኮ ቤርታኣ ዓደንሢጉዲ ሃይቃንዳኔ፤ ዬካፓ ሃይ ዳራ ታ ዔያቶና ዋላ ጫኣቁ ጫኣቁም ሃሻንዳኔ፤ ዔያታ ዳካላንዳ ዓጩሎይዳ ዓኣ ዳራ ካኣሽካ ያኦዞ ካኣሽካንዳኔ፤ ታና ዔያታ ሃሻንዳኔ። 17 ዔያታ ያዲዴ ዋደና ታ ዔያቶ ዑፃ ዳጋዲ ዔያቶፓ ዳማዳንዳኔ፤ ዓኣፖዋ ታ ዔያቶይዳፓ ሸርሻንዳኔ፤ ዔያታ ባይቃንዳኔ፤ ዔያቶይዳ ሚርጌ ዋዳ ደርዓ ኬዳንዳኔ፤ ዬካፓ ዬይ ባካ ቢያ ዔያቶ ሄሊሢ ታኣኒ፣ ዔያቶኮ ያኦዞሢ ዔያቶይዳፓ ዳማዳሢሮታሢ ዔያታ ዔራንዳኔ። 18 ማሌ ያኦዞ ካኣሽኪ ዔያታ ማዴ ጎሞሮ ዲማና ፔቲታፖ ታ ዔያቶ ማኣዳዓኪ።

19 «ሃያ ዓይኑም ፃኣፒ ዒሰራዔኤሌ ዳሮ ዔርዘኔ፤ ዬይ ዓይኑም ዔያታ ዬያ ማዴ ባኮኮ ታኣም ማርካ ማዓንዳሢሮ ዔያታ ዓይናዳንዳጉዲ ማሄ። 20 ዔያቶኮ ቤርታኣ ዓደንሢም ታ ጫኣቁ ጎይፖ ዔኤዞና ዲኢቆና ኩሜ ዓጩሎ ታ ዔያቶ ጌልዛንዳኔ፤ ዒኢካ ዔያታ ሙይ ዑሽኪ ሚሽኬሰካፓ ታና ዔያታ ሃሻንዳኔ፤ ታኣና ዋላ ጫኣቁ ጫኣቁም ሃሺ ማሌ ያኦዞ ዔያታ ካኣሽካንዳኔ። 21 ሚርጌ ባይሲንታና ዳኤሢ ማታ ዔያቶ ሄሌ ዋደና ዬይ ዓይኑም ማርካ ማዓንዳኔ፤ ዔያቶኮ ናኣቶናኣ ዋሊንቲዋያ ማዓንዳኔ፤ ታ ዔያቶም ዒንጋኒ ጫኣቁ ዓጩሎ ጌልዛንዳሢኮ ቤርታ ሃጊ ዔያታ ዓይጎ ማዳንዳቲያ ታ ዔዔራኔ» ጌዔኔ።

22 ዬና ዓቦ ሙሴ ዬያ ዓይኑም ፃኣፒ ዒሰራዔኤሌ ዳሮ ዔርዘኔ።

23 ዬካፓ ናንገና ናንጋ ጎዳ ኔዋ ናኣዚ ዲያሱም፡- «ጫርቁ ዶዳያ ማዔ፤ ታኣኒ ዔያቶም ዒንጋኒ ጫኣቁ ዓጩሎ ዒሰራዔኤሌ ዳሮ ዔኪ ኔ ጌልዛንዳኔ፤ ታኣኒያ ኔኤና ዋላ ማዓንዳኔ» ጌይ ዓይሢኔ።

31:23 31:23 ፓይ. ማፃ 27:23፤ ዒያ. 1:6።

24 ሙሴ ሃያ ዋጎይዳ ኬኤዚንቴ ባኮ ፔቴታዎ ዓይሱዎን ማፃአፖይዳ ፃኣፒ ጋፒሴሰካፓ፡ 25 ናንጊና ናንጋ ጎዳኮ ጫኣቁዎ ሳኣዲኖ ኬዳ፡ ለዊ ዓሰ ማዔ ቁኤሶም፡- 26 «የኦሲኮ ዎጋ ፃኣፒንቴ ሃያ ማፃአፖ ናንጊና ናንጋ ጎዳ ማዔ ዒንሢ ጸኣዛሢኮ ጫኣቁዎ ሳኣዲኖ ኮይላ ዔኪ ዴንዲ ጌሡዋቴ፤ ዒንሢ ዬያይዳዛ ዬይ ዴሮም ማርካ ማዔ ዴዓንዳኔ። 27 ዒሰራዔኤሌ ዴራ ዋይዙዋያ፡ ባቃና ዴይሢ ዓሲታሢ ታ ዔራኔ፤ ታ ዔያቶና ዎላ ዓኣ ዎደናታዎ ናንጊና ናንጋ ጎዳም ዋይዘ ዒዲ ዔያታ ናንጋያኬ፤ ታ ሃይቁሰካፓ ዑሣ ዓኣዴ ዔያታ ዒያያ ማዓንዳኔ፤ 28 ዬያሮ ዬያ ቢያ ታ ዔያቶም ኬኤዛንዳጉዲ ፔቴ ፔቴ ፃጶኮ ቶይደና ዴሮኮ ሱኡጎና ታኣም ቡኩሱዋቴ፤ ታኣኒ ጫሪንጮና ሳዎና ዔያቶይዳ ማርካሲ ሃሻንዳኔ። 29 ታኣኒ ሃይቁሰካፓ ዴራ ዓይሢንቴዎያ ማዔ ፑርታ ማዴ ማዳንዳሢ ታ ዔራኔ፤ ናንጊና ናንጋ ጎዳ ዔያቶ ላኣጌ ባኮ ማዴ ዒዛ ዔያታ ደጋሳንዳሢሮ ዲማ ዲማ ዎዳ ደርዎ ዒ ዳካንዳኔ» ጌዔ።

ሙሴ ዓይናዴ ዓይኑዎ

30 ዬካፓ ሙሴ ዒሰራዔኤሌ ዓሳ ቢያ ዋይዛንቴ ዓይፓፓ ጋፖ ሃላንዳኣና ሂዚ ጌይ ዓይናዴኔ፤

32

- 1 «ጫሪንጮንታ ሳዎንታ ታ ጋዓ ባኮ ዋይዙዋቴ፤
ታ ጋዓ ባኮ ኮሺ ዋይዙዋቴ!
- 2 ታ ዔርዛ ባካ ዒርዚጉዲ ዋርቆንጎ፤
ሃይሳኣ ታኣኮ የልኬጉዲ የዶንጎ፤
ማኣቲዳ ፀባ ዒርዚጉዲ፤
ባቃሊ ዑጋ ባቃሊ ዳኣ ዋርቃያጉዲ ማዎንጎ።
- 3 ታኣኒ ናንጊና ናንጋ ጎዳኮ ሱንጎ ዴጊዲ ኬኤዛንዳኔ፤
ኑ የኣዛሢኮ ዴኤፑዎ ሄርሹዋቴ!» ጌዔ።
- 4 «ዒዚ ኑኤኮ ዋርዲዮ ሹጫሢኬ፤
ማዴ ዒዛኮ ጌኤሺ ጎይፃኣ ዒዛኮ ፒዜኬ፤
ዒዚ ዳሲንቴዎያ ጉሙርቁንታ የኦሲ፤
ናንጊና ናንጋ ጎዳ ፒዜ፤ ሃሣ ኮሺ ማዔ ባኣዚ ማዳያኬ።
- 5 ዒንሢ ጉሙርቁንቴዎያ፡ ማኣዳ ባኣዚያባኣ
ጎሜ ማዳያና ጌሻ ዓሲና ማዔሢሮ
ዒዛ ዓሲ ማዓኒ ዒንሢ ዳንዳዓያቴዎሴ።
- 6 ዒንሢ ሃይ ዔኤያ፡ ሃሣ ማሊ ጳቂሡዋ ዴራ!
ናንጊና ናንጋ ጎዳም ዒ ማዴ ባኮ ዛሎ ዒንሢ ማሃሢ ዬያዳ?

ዲዚ ዲንሢ ማገፍያ፣ ዲንሢኮ ዳዳሢቱዋዳ?
ዲንሢ ደዲሺ ዲቢ ዴሬ ማሄሢ ዲዛቱዋዳ?»

7 «ሚና ሚርጌ ለዔኮ ቤርታ
ማዲንቲ ባኮ ማሊ ጳቂሡዋቱ፤
ዬያ ዘሎ ዲንሢኮ ዳዳንሢ ስኦጤዋቱ፣ ዲንሢም ከኤዛንዳ፤
ጋርቾ ዳሶዋ ስኦጤዋቱ ዔያታ ዲንሢም ከኤዛንዳ።።

8 ዴኤፖ ስኦዛሢ ሳዖ ዴሮ ቢያም ዳጮ ጊሽኬ ዋዶና
ዲማ ዲማ ዜርፃ ናንጋንዳ ቤዞ ዲማሴ ዋዶና
ዲሰራዔኤሌ ዓሳ ሚርጌ ጎይዖጉዴያ
ፔ ዴሮ ዳጮኮ ዛጳ ዲማሲ ቆኦሬ።።

9 ያይቆኦ ቤዜርዖ ዲ ፔ ዓሲ ማሂ ዶኦሬያኮ።።»

10 «ዴኤፖ ዠባራ ዠባርሻ ዳውሎ ቦኦሎይዳ
ዔኤቢያባኦ ጉሮ ቦኦሎይዳ ዓኦንቲ ዲ ዴንቂ
ዔያቶኮ ጊቲማ ማዔ፤ ፑርታፓኦ ካፔ፤
ዓኦንኮ ካርዖማጉዲ ማሂ ዔያቶ ዲ ዛጌ።።

11 ኮኦኬ ናኦቶ ባራንሢ ዔርዛኒ
ማኦራፓ ከሲ ዠባራ ሃሻዖ ዴማ ባራኒ
ፔኤኮ ጋኦዞና ዓርቂ ዔካሢጉዲ
ናንጊና ናንጋ ጎዳ ዲሰራዔኤሌ ዬያይዲ ባይሲንታፓ ካፔ።።

12 ናንጊና ናንጋ ጎዳ ሜሌ ዓይጎ ያኦሲኮዋ
ማኦዳ ኮዐዋዖ
ዴሮ ፔኤሮ ዔከ ዴንዴ።።

13 «ሳዖኮ ዴጌ ቤዞይዳ ዴዲ ዋይሃንዳጉዲ
ጎዛ ካፃም ሃኦኮ ዲንሢ ዲ ሙኦዜ፤
ዴኤፖ ዴኤፖ ሹጮይዳ ዔኤሴ ዐታሢ ዲንሢም ዲንጌ፤
ቃንዖ ሌሊ ማዔ ሳዖይዳ ባቃሌ ሪሚቶዋ ዲ ዓኦፒሴ።።

14 ዲንሢኮ ባኦቶንታ ዋኦርንታ ቢያ
ሚርጌ ማኦፃ ዲ ማሄ፤
ኮሺ ኮሺ ማዔ ባይንታ ማራይንታ
ዋኦሪንታ ቆላኒ
ዬያጉዲ ሃሃ ቃራ ማዔ ዛርጎና
ሱጉሢጉዲ ዞቂ ማዔ ቃሮ ዋይኖ ዐጉዋ
ዲንሢ ዐሽኬ፤» ጌዔ።።

32:8 32:8 ዳከ. ማዶ 17:26።

- 15 «ናንገና ናንጋ ጎዳኮ ዴራ ሚርጌና የርጎጩኔ፤
 የርጎጩ ጎይታዳያ ዋይዚ ዲፃያ ማዕኔ፤
 ዑፃ ዲንሢኮ ማሌኔ፤
 ሚርጌ ዲንሢ ሙዓሢሮዋ ዲጩኔ፤
 ዲንሢ ማዜ፣ ናንገና ናንጋ ጎዳሢያ ዲንሢ ሃሼኔ፤
 ዋርዲዮ ሹጮ ማዒ ዲንሢ ማአዳሢያ ዲንሢ ቦሃኔ።
- 16 ዲንሢ ሜሌ ያኦዞ ካአሽኪያና
 ናንገና ናንጋ ጎዳ ዳጋሳኒ ጌኤሲ ማዜኔ፤
 ዲንሢ ማዳ ፑርቶ ማዳና ቢያ ዲዛ ዲንሢ ዳጋሴኔ።
- 17 ሃያኮ ቤርታ ዲንሢ ዔሩዋያ፣
 ሃሢ ዑኬ ሙኬያ፣ ያኦሲቱዋያ ማዔ
 ፑርቶ ዓያኖዎ
 ቤርታአ ዓድንሢ ዲንሢ ካአሽኪባአ ያኦዞዎ
 ሚቹ ዲንጎ ዲንጊሢ ዲንሢ ሺኢሼኔ።
- 18 ዲንሢ ካዳ ማዔ ያኦዞሢ
 <ዔሩዋሴ> ዲንሢ ገዔኔ፤
 ዲንሢ ማዜ፣ ያኦዞሢ ዲንሢ ዋሌኔ።»
- 19 «ናንገና ናንጋ ጎዳ ዬያ ዛጋያ ዳጋዴኔ፤
 ዲዛኮ ዓቲንቆና ዉዲሮ ናኦቶ ማዔዞንሢ
 ዲዚ ዲፃ ሃሼኔ።
- 20 ናንገና ናንጋ ጎዳ፡- <ሃካፓ ሴካ ታ ዲንሢ ማአዳዓኬ፤
 ዲንሢ ጋፒንያ ሄላንዳኦና ዋዎይታቲያ ታ ዛጋንዳኔ፤
 ዲንሢ ዋቦ ሸይንቲኬ፤
 ጉሙርቁንታ ዓሲያቱዋሴ።»
- 21 ሜሌ ያኦዞ ዲንሢ ካአሽኪ
 ታና ዳጋሳኒ ጌኤሲ ማዜኔ፤
 ማአዳዋ ያኦዞ ካአሽኪ ታና ዲንሢ ዳጋሴኔ፤
 ታኦኒያ ዲንሢ ቦሃንቲ ዴሬ ዛላና
 <ዋይቲ ዔያታ ያኦዴ ማዔይ?> ጌይሲሳንዳኔ፤
 ማላሢባኦ ዴሬ ዛላና
 ታ ዲንሢ ዳጋሳንዳኔ።
- 22 ታኦኮ ዳጋ ታሚጉዲ ዔኤቲ
 ሳዎንታ ሳዓ ካፃሳ ሃኦኮንታ ቢያ ሚቻንዳኔ፤
 ዬይ ሚቹፃ ሳዎኮ ዴዎ ኬዲ ሄላንዳኔ፤
 ዲኮኮዋ ፃፀ ሄላንዳኦና ሚቻንዳኔ።»

- 23 «ዒንሢዳ ዎዳ ዶርዎ ቃሲ ቃሲ ታ ዳካንዳኔ፤
ታኣኮ ሂኢዡ ዒንሢ ዲኪ ታ ኩርሳንዳኔ።
- 24 ዎዳ ኩርሳንዳ ናይዚ ታ ዳካንዳኔ፤
ዲማ ዲማ ዎዳ ዶርዎና ዒንሢ ኩዳንዳኔ፤
ዲማ ዲማ ዳዒ ቦዎንታ
ዳይ ዎዎዳ ሸኣሺያ ታ ዒንሢዳ ዳካንዳኔ።
- 25 ናኣታ ዒንሢኮ ኬሰኬ ቤዘይዳ ቢያ
የልዚ ዔያቶ ኩርሳንዳኔ፤
ጋርይዳ ዒንሢ ዓኣቴያ
ዒጊቹሞ ዒንሢዳ ጌላንዳኔ፤
ዳጌ ዓቲንቆንታ ዉዲራሢንታ
ዳኮ ናኣቶታቴያ ጋርቻኣ ዓቱሞ ኩዳንዳኔ።
- 26 ታኣኒ ጋፒሲ ዒንሢ ባይዛንዳኔ፤
ዬካፓ ዒንሢ ጳቂሣንዳ ዓሲያ ባኣሴ፤
- 27 ጋዓንቲ ዒንሢኮ ሞርካ
ኦ ባሺያፓዓቴሞ ናንጊና ናንጋ ጎዳቱሞሴ ባሺሢ፣ ጌዒ
የቶርቂ ጌሰታንዳኔ ጌዒ ታ ዓልታኔ።»

- 28 «ዒንሢ ዒሰራዔኤሌ ዓሳ ዒናባኣ ዓሲኬ፤
ዒንሢ ማሊ ጳቂሣ ዓሲቱሞሴ።
- 29 ማሊ ጳቂሣ ዓሲ ዒንሢ ዎንዴ ማዔቴ
ዬያ ዒንሢ ጳቂሢና ናንዳኔ፤
ጋፒንፃ ዒንሢኮ ዓይጎ ማዓንዳቴያ
ዒንሢ ዔራንዳያታንቲኬ፤
- 30 ዒንሢ ማዡሢ ዓኣሢ ዒንገባኣያታንቲ
ዒንሢኮ የኣሲ ዒንሢ ሃሺባኣያታንቲ
ዎይቲ ፔቲ ዓሲ ሺያ ዓሲ ዳውሳይ?
ላሞዓ ዎይቲ ታጳ ሺያ ዓሲ ዳውሳይ?
- 31 ኦ ሞርካኣ ሳኔኬ፣ ጋዓሢጉዲ
ዔያቶ የኣሲ ኦ የኣሲጉዲቱሞሴ።
- 32 ኦኡኮ ሞርካ ሰደማና ጋሞራ ዓሰናጉዲ ዒኢቲያኬ፤
ዬያሮ ዔያታ ጫንቃያ ሃሣ
ዓሲ ዎዎዳ ዎይኔ ዓኣፒጉዴያኬ።
- 33 ዔያቶኮ ዎይና ዳይ ዎዎዳ ሸኣሺ
ፑርታ ዶርባ ጉዴያኬ።»

- 34 «ኦኡኮ ሞርካ ማዳ ዳቢንቶ፤
ናንጊና ናንጋ ጎዳ ዔሪ ፃኣፒ ዓርቂ ዓኣኔ።

- 35 ናንጊና ናንጋ ጎዳ ዬያ ኮሞ ዔኪር
 ዔያቶይዳ ሜቶ ዓጋገዳኔ፤
 ዔያቶኮ ባይሲንቶ ኬላ ሄሌሢር
 ዲቂንቲ ኔጉሞዎ ዔያታ ባይቃንዳኔ።
- 36 ዒዘኮ ዓይላ ዎልቄ ባይቄሢ ዛጋዎ
 ናንጊና ናንጋ ጎዳ ዔያቶ ሚጨገታንዳኔ፤
 ካራሚቱዎአሢንታ ካራማሢንታ ዲማሱሞዎ
 ናንጊና ናንጋ ጎዳ ፔ ዴሮሞ ዎጋንዳኔ።
- 37 ናንጊና ናንጋ ጎዳ ፔ ዴሮ
 <ዒንሢ ጉሙርቃ ያኦዛ ዒንሢኮ ዎካ ዓኣይ?
 ዒንሢኮ ዎርዲዮ ሹጮ ማሂ
 ዒንሢ ጉሙርቄ ያኦዛ ዒንሢኮ ዓንካዳይ?>
- 38 <ዒንሢ ሚቶ ዒንጌ ባኮኮ ማሎ ሙዔ
 ዎይኖ ዑዠር ዒንሢኮ ዑሸኬ ያኦዛ
 ሂንዳ ሙኪ ዒንሢ ዔያታ ማኣደንጎ፤
 ዔያታ ዒንሢኮ ዎርዲዮ ሹጮ ማዎንጎ!> »

- 39 «ያኦሲ ታና ሌሊታሢ ዔሩዎቱ፤
 ታ ጊዳፓዓቱም ሜሌ ያኦሲ ባኣሴ፤
 ዎዳይያ፡ ሹምፖ ዒንጋያኣ ታናኬ፤
 ታ ሚንሢ ኪፃሳኔ፤ ጊንሣ ታ ፓሣኔ፤
 ዬያ ታና ላኣጋይ ያኦኒያ ባኣሴ።
- 40 ኩጮ ታኣኮ ታ ሌካ ዔቂሲ
 ሂዚ ጌይ ታ ጫኣቃንዳኔ፡- <ታኣኒ ናንጊና ታናኬ፤
- 41 ፖፖዓ ጨንቾ ዓፓር ታኣኮ ታ ዎርቃንዳኔ፤
 ፒዜ ዎጌ ዎጋኒ ዬያ ታ ዳካንዳኔ፤
 ታኣኮ ዎርኮ ኮሜ ታ ኮፃንዳኔ፤
 ታና ዒፃ ዓሶም ኮይሳ ባኮ ታ ዒንጋንዳኔ።
- 42 ዎዲንቲሢንታ ዲዒንቲ ዎርኮንታኮ ሱኡጎ ቶኦኮ ሱጉዎ
 ታ ዓኣዞ ታ ዑሺ ማሢሳንዳኔ፤
 ጨንቾ ዓፓራ ታኣኮ ዎርኮ ዓሸኮ ቲቃንዳኔ።»

- 43 «ዓሲዮቲ! ናንጊና ናንጋ ጎዳ ዒዛም ማዳ ዓሶኮ
 ሱጉዎ ኮሞ ማሃንዳኔ፤
 ፔኤኮ ዎርኮ ኮማንዳኔ፤
 ዒዛ ዒፃ ዓሶይዳ ሜቶ ዓጊ

ፔ ዳርኮ ጎሞ ጌኤሻንዳኔ፤
ሳያኮ ዒኢቲያዎ ሻቲንሣንዳኔ፤
ዬያሮ ዒዛ ዳሮና ዎላ ዎዛዲዎቲ።»

44 ሙሴና ኔቂ ናኣዚ ዒያሱና ዳራ ዎይዛንዳጉዲ ዬያ ዓይኑሞ ናባቤ።

ሙሴ ጋፒንሢ ዛሬ ዘሮ

45 ሙሴ ዬያ ባኮ ቢያ ዳሮ ዎይዚሲ ጋፒሴሰካፓ፡- 46 «ሃያ ዎጎይዳ ኬኤዚንቲ ባኮ ቢያ ዛጊ ካፓንዳጉዲ ናኣቶሞ ዒንሢኮ ዒንሢ ዔርዛኒ ሃና ታኣኒ ዒንሢሞ ኬኤዜ ባኮ ቢያ ዒና ዔኩዎቲ። 47 ሃይ ዎላ ካንሢ ጉሪ ጌጌሰቶና ባኣዘቲዎሴ፤ ዬይ ዒንሢ ናንጎኮ ፃጲ ማዓ ባኣዚታሢሮ ዬያ ጌይንቲ ባኮ ዓይሢንቲ ማዲያ ማዐ-ዎቲ፤ ዒንሢ ዬያይዳቲ ዮርዳኖሴ ዎሮና ፒንቂ ዒንሢ ዳካላንዳ ዓጩሎይዳ ሚርጌ ዎዳ ናንጋዳኔ» ጌዔ።

ሙሴ ሃይቃንዳሢ ቤርታዲ ኬኤዚንቲሢ

48 ዬኖ ዓቦ ናንጊና ናንጋ ጎዳ ሙሴም፡- 49 «ሞዓኣቤ ዓጩይዳ ዒያርኮ ካታሞኮ ቤርቶ ዛላ ዓኣ ዓባሪሜ ዲኮ ጌይንታዘንሢዳፓ ፔቲ ኔቦ ጌይንታ ዲካሢ ኬሰኬ፤ ዒኢካ ዔቂ ዒሰራዔኤሌ ዳሮም ታ ዳካልሳንዳ ካኣና፤ ዓጩ ሃኬና ዛጌ፤ 50 ኔ ጌርሲ ዓኣሮኔ ሆኦሬ ዲኮይዳ ሃይቂ ፔ ዒጊኖ ባንሢ ዳንዳሢጉዲ ኔኤኒ ዬኖ ኔቦ ዲኬሎይዳ ሃይቂ ኔ ዒጊኖ ባንሢ ዳንዳንዳኔ። 51 ዓይጎሮ ጌዔቲ ዒንሢ ለሞዓሢ ዒሰራዔኤሌ ዳሮ ቤርታ ታኣም ጉሙርቂንታያ ማዒባኣሢሮ፤ ሃሃ ዓሲ ናንጉዎ ፃኢኔ ዳውሎይዳ ቃዳሴ ካታሞ ኮይላ ዓኣ ሜሪባ ጌይንታ ዎኣፃ ዓልቃ ቤዘ ኮይላ ዒሰራዔኤሌ ዳሮ ቤርታ ታና ዒንሢ ቦንቺሲባኣሢሮኬ። 52 ኔኤኒ ሃኬ ዔቂ ዓጩሎ ዛጋንዳኔ፤ ጋዓንቲ ዒሰራዔኤሌ ናኣቶ ታኣኒ ዳካልሳ ዬኖ ዓጩሎ ኔ ጌላዓኬ» ጌዔ።

33

ሙሴ ዒሰራዔኤሌ ዓሶ ፃጲ ቢያ ዓንጃሢ

- 1 ሙሴ ሃይቃንዳሢኮ ቤርታ ዒሰራዔኤሌ ዳሮም ሃጊ ማዓንዳ ባኮ ኬኤዚ ሂዚ ጌይ ዓንጃኔ፡-
- 2 «ናንጊና ናንጋ ጎዳ ሲና ዲካፓ ሙኬኔ፤
ዔዶኦሜይዳፓ ዓቢጉዲ ያርቄኔ፤

32:43 32:43 ሮሜ 15:10፤ ዮሃ. ያፔዳ 19:2። 32:52 32:52 ፓይ. ማፃ 27:12-14፤ ላሚ. ዎማ 3:23-27።

ፓአራአኔ ዲኮይዳኣ ፖዔኔ፤
ሚርጌ ዲቢ ከኢታገቻ ዒዛና ዎላ ዓኣኔ፤
ዒዛኮ ሚዛቆ ዛላ ዔኤታ ታሚ ዓኣኔ።

3 ናንጊና ናንጋ ጎዳ ፔኤኮ ዴሮ ጎኔ ናሽካኔ፤
ዒዛሞ ዲማዴ ዴሮዎ ዒ ካፓኔ፤
ዬያሮ ዒዛኮ ቶኮ ዴማ ጉሞዓቲ ኑ ዚጋንዳኔ፤
ዎጎ ዒዛሲ ኑ ካፓንዳኔ፤

4 ዒሰራዔኤሌ ዴሮሞ ዔያቶሮ ማሂ ዒንጊንቴ
ሙሴ ኑሞ ኬኤዜ ቦንቸንቴያ ማዔ ዎጎ ኑ ካፓንዳኔ።

5 ዒሰራዔኤሌ ዓሶ ፃጶና
ዴሮኮ ሱኡጎና ቡኩንቴ ዎዶና
ናንጊና ናንጋ ጎዳ ዒሰራዔኤሌይዳ ካኣታዴኔ።»

6 ሙሴ ሃሣ ሮኦቤኤሌ ማኣሮ ዓሶ ዛሎ
«ፓይዳ ዔያቶኮ ዳካ ማዔቲያ
ናንጊና ናንጋ ጎዳሢዮ! ሮኦቤኤሌ ዴራ ናናንጎንጎ፤ ባይቆፓ።»

7 ሃሣ ዒዚ ዪሁዳ ማኣሮ ዓሶ ዛሎ
«ናንጊና ናንጋ ጎዳሢዮ! ኔ ባንሢ ዔያታ ዒላታ ዒላቶ ዎይዜ፤
ሃንጎ ፃጶ ዓሶና ዎላ ፔቱሞ ዓኣያ ዔያቶ ማሄ፤
ደዲ ዎልቄ ዔያቶሞ ዒንጌ፤
ዔያታ ፔ ሞርኮና ያልታ ዎዶና ዔያቶ ማኣዴ።»

8 ዒዚ ሃሣ ሌዊ ማኣሮ ዓሶ ዛሎ
«ናንጊና ናንጋ ጎዳሢዮ! ኔ ማሊያ ዲማሲ ዔርዛ *
ኔኤሞ ዲማዴ ባኮንሢና
ማሳሄና ሜሪባ ዎኣያ ዓጮናይዳ
ዔያቶና ማርሚ ዔያቶኮ ጎኑሞ ኔ ዛጌ
ኔኤሞ ማዳ ሌዊ ዓሶሞ ማሊያ ኔኤኮ ፔጋሲ ዳዌ።

9 ዔያታ ኔ ጋቲ ጌዒ ሾዔ ዓሶ ዎሌኔ፤
ፔ ዒጊኖይዳፓኣ ዲማዴኔ፤
ናኣቶዎ ፔኤኮ ዔያታ ሃሽኔ፤
ኔ ኬኤዛ ባኮዎ ዔያታ ቦንቸኔ፤
ኔ ዔያቶና ዎላ ጫኣቄ ጫኣቁሞዎ ዔያታ ካፔኔ፤

10 ኔኤኮ ዳሞቦ ያይቆኦቤም
ዎጎዎ ኔኤኮ ዒሰራዔኤሌ ዓሶ ዔርዛኔ፤

* 33:8 33:8 ኔ ማሊያ ዲማሲ ዔርዛ ዬና ባካ፡- ዑሪሜና ቱሚሜ ጌይንታ ላምዎ ባኣዚኬ። 33:8 33:8 ኬሲ. ማፃ 17:7፤ ፓይ. ማፃ 20:13።

ኔ ቤርታ ዔያታ ዑንጅ ጨቢሻኔ፤
ኔኤም ሚቹ ዒንጎ ባኮ ዒንጎ ቤዘይዳ
ሚቹ ዒንጎ ባኮ ዒንጎ።

11 ናንጊና ናንጋ ጎዳሢዮ! ዔያቶኮ ዓኣ ባኮ ዓንጃ፤
ዔያታ ማዳ ማዶዋ ኮሺ ማሂ ዔኬ፤
ዔያቶ ሞርኮኮ ዎልቆ ላቢሴ፤
ዔያቶ ዒፃ ዓሳ ላሚ ዔቁዋጉዲ ዎልቁ ባይዜ!»

12 ሃሣ ሙሴ ቢኢኒያሜ ማኣሮ ዓሶ ዛሎ
«ናንጊና ናንጋ ጎዳ ዔያቶ ናሽካ ዓሳ ሂርጋ ባኣያ ናንጎንጎ፤
ዴኤፖ ጆኦዛሢ ሮኦሮ ቢያ ዔያቶ ካፓ።
ዒንዳ ፔኤኮ ናዖ ኮንቃሢጉዲ ዒዚ ኮንቁም ዔያታ
ናንጎንዳ።»

13 ዒዚ ዮሴፔ ማኣሮ ዓሶ ዛሎ፡-
«ናንጊና ናንጋ ጎዳ ሎ ጫሪንጫፓ ዒሮ ዋርቂሲ
ሎ ዴማ ዓኣ ዎኣዎዎ ዓልቂሲ
ሳዖ ዔያቶኮ ዓንጅንጎ።

14 ዔያጉዲ ዓባ ቃራ ዓቤም ካፃ ሃኣኮ
ሌዖና ሌዖና ሳዓ ዔያቶኮ ሚርጌ ካሣያ ማዖንጎ፤

15 ዔያቶኮ ሚናፓ ዓኣ ዲኮንታ ጌሜርንታ
ሙዎ ባኣዚ ቃራ ቃራ ካፂሳያ ማዖንጎ፤

16 ዓጫ ዔያቶኮ ኮሺ ማዔ ባኣዚና ቢያ ኩሜያ ማዖንጎ፤
ካዮ ባኣካ ዔኤታ ታሞና ጴዴ ጆኦዛሢ ዓንጅ ዓንጅና
ዒዛ ሳዓ ዓንጅንጌያ ማዖንጎ፤
ዒዚ ፔኤኮ ጌርሲንሢ ባኣካ ሱኡጌ ማዖንጎ።

17 ዮሴፔ ዚያ ጌማይጉዲ ደዲኬ፤
ካኣራ ዒዛኮ ሜኤኒ ካኣሪጉዲ ደዳያኬ፤
ዬያና ዒ ዴሮ ደዓንዳኔ፤
ዓጮኮ ጋፒንዖ ሄላንዳኣና ዒ ዳውሳንዳኔ፤
ዔፕሬኤሜኮ ታጶ ላምዖ ሺዮንታ
ሚናኣሴኮ ሺዮንታ ያኣዴ ማዓንዳኔ።»

18 ሃሣ ሙሴ ዛብሎኦኒና ዪሳኮኦሬ ማኣሮ ዛሎ፡-
«ዛብሎኦኒ ዜርፃ ባዘይዳ ኮርማ ኮርሞና
ዖርጎጪ ዎዛዶንጎ፤
ዪሳኮኦሬያ ማኣራ ዓኣዖ ዎዛዳያ ማዖንጎ።

19 ዔያታ ሃንጎ ዴሮ ዲኮ ዔኤሊ ኬሲ

ፒዜ ማዕዳ፣ ያኦሲም ዒንጎ ባኮ ዒኢካ ሸኢሻንዳኔ፤
ዔያቶ ያርጎጪ ሳንዳ ቆሎ ዔያታ ባዞና
ባዞ ዓጫ ዓኣ ማኣሻሎናይዳፓ ዴንቃንዳኔ።»

20 ዒዚ ሃሣ ጋኣዴ ማኣሮ ዓሶ ዛሎ፡-
«ጋኣዴ ዓጮ ዳልጊሹ፣ ናንጊና ናንጋ ጎዳሢ ጋላቲንቶንጎ!
ጋኣዴ ዓሳ ሞርኮኮ ኩጮ ማንሣኒና
ባሊቶዋ ጳርቁ ዑራኒ
ዘቢጉዲ ካታያ ማዓንዳኔ።»

21 ዒዚ ሱኡጌ ማዒ ዶኦሪንቴሣሮ
ፔኤም ቃራ ማዕ ሳዖ ዶኦሪ ዔኬኔ፤
ዴርኮ ሱኡጋ ቡኬ ዎዶና
ናንጊና ናንጋ ጎዳኮ ማሊያንታ ዳምቦንታ
ዒሰራዔኤሌ ዓሶም ማዒ ዒ ኩንሣኔ።»

22 ሃሣ ዒ ዳኣኔ ማኣሮ ዓሶ ዛሎ፡-
«ዳኣኔ ሃጊ ዔቃ ዓዴ ዘቢጉዲኬ፤
ዒዚ ባኣሳኣኔይዳፓ ኮኦሚ ኬሰካያ ማዓንዳኔ።»

23 ዒዚ ሃሣ ኒፕታኣሌኤሜ ማኣሮ ዓሶ ዛሎ፡-
«ናንጊና ናንጋ ጎዳ ኒፕታኣሌኤሜ ኮሺ ናሽካያኬ፤
ያኦሲ ሚርጌና ዔያቶ ዓንጄያኬ፤
ዔያቶኮ ዓጫ ጌሊላ ባዛፓ ዴንዲ
ዶኦሎ ዛሎ ዓጮ ሄላያ ማዓንዳኔ።»

24 ሃሣ ዒ ዓሴኤሬ ማኣሮ ዓሶ ዛሎ፡-
«ዓሴኤሬ ማኣራ ሃንጎ ማኣሮይዳፓ ባሽ ዓንጄንቴያኬ፤
ዒዛ ጌርሲንሢ ናሽካያ ማዖንጎ፤
ሳዓ ዒዛኮ ዛይቶ ሪሚቶ ሚዖ
ሚርጌ ባቃልሳያ ማዖንጎ።»

25 ካታሞ ጌሎ ካራ ዒዛኮ
ዓንጊና ዎዲንቲ ካፒንታያ ማዖንጎ፤
ዒ ናንጋ ዎዶ ቢያይዳ ዎልቁ ዓኣያ ማዖንጎ።»

26 «ዒሰራዔኤሌ ዓሰዮቴ!
ዴኤፒ ዒጊቻ ቦንቾና ጫሪንጮ ቲቂ ዴንዳያ
ዒንሣ ማኣዳኒ ሻኣሮ ዑፃ ዴዒ ሙካ
ናንጊና ናንጋ ጎዳ ማዕ ኑ ያኦዛሣጉዴያ

- ያኑኒያ ባኣሴ።።
- 27 ናንጊና ናንጋ ጎዳ ቢያ ዎዴ ዒንሢኮ ዋርዲዮ ሹጫሢኬ፤
 ናንጊና ናንጋ ዎልቃ ዒዛኮ ዒንሢ ማኣዳንዳ፤
 ዋርኮ ዒንሢኮ ቤርታፓ ዒ ዳውሳንዳ፤
 ዒንሢ ዔያቶ ዎዲ ባይዛንዳጉዲ ዒ ማሃንዳ።።
- 28 ዬያሮ ያይቆኦቤ ዜርፃ
 ጫሪንጫፓ ያልኬ ያዳያ
 ሃኣኮና ዎይኖ ዑዠና ኩሜ ዓጩሎይዳ
 ፔ ሹምፓሢኮ ሂርጉዋዎ ኮሺ ናንጋንዳ።።
- 29 ዒሰራዔኤሌ ዓሲዮቴ! ዒንሢ ዎዚ ባሊቲናዳይ!
 ናንጊና ናንጋ ጎዳ ዓውሴ ዴሬ ዒንሢጉዴያ
 ፔቴታዎ ባኣሴ፤
 ናንጊና ናንጋ ጎዳ ፔ ቶኣኪና ዒንሢኮ ገቲማሢ፤
 ሃሃ ያሎ ዒንሢ ያሊ ባሻ ጩንቾ ዓፓራሢኬ፤
 ዒንሢኮ ዋርካ ዒንሢ ሺኣቁ ሺኣቁ
 ዒንሢ ኮይላ ሙካዛ፤
 ገኢሮ ዒንሢ ዔያቶኮ ሄርቁ ማንሃንዳ።። ገዔ።።

34

ሙሴኮ ሃይቦ

1 ሙሴ ሞዓኣቤ ቦኣላፓ ዔቂ ኔቦ ዲኮ ዴንዲ፡ ዒያርኮኮ ዓባ ኬሰካ ዛሎና ዓኣ ፒሲጋ ዲኮ ቶኦኮ ኬሰኬ፤ ዬካፓ ናንጊና ናንጋ ጎዳ ዓጩሎ ዒዛ ሃኬና ዳዌ፤ ዬይ ዒ ዳዌሢ፡- ጌሌዓዴ ዓጫፓ ዓርቃዎ ዴንዲ ኬዶ ዛሎና ዳኣ፤ ካታሞ ሄላንዳኣና፡ 2 ኒፕታኣሌኤሜ ዓጮ ጉቤ፤ ዔፕሪኤሜንታ ሚናኣሴንታ ዓጮ፤ ዶኦሎ ዛሎና ዴንዲ ሜድቴራኒያ ባዘ ኮይላ ዓኣ ዪሁዳ ዓጮ ሄላንዳኣና፡ 3 ዪሁዳ ዓጮኮ ዶኦሎ ዛሎና ዓኣ ቦኦሎ፤ ዒያርኮ ዓጮ ዶኦሎይዳ ሜኤዎ ካታሞ ጌይንታ ዒያርኮ፤ ሃሃ ዴንዲ ያዓሬ ሄላንዳኣና። 4 ናንጊና ናንጋ ጎዳ ሙሴም፡- «ዔያቶኮ ዜርፃ ዳካልሳኒ ዓብራሃሜንታ ዪሳኣቁንታ ያይቆኦቤንታም ታ ጫኣቁ ዓጩላ ሃኖኬ፤ ሃይሾ ዓኣፖና ታ ኔና ዛገሴ፤፤ ጋዓንቴ ዒዛ ኔ ጌላዓኬ» ጌዔ።።

5 ዬያሮ ናንጊና ናንጋ ጎዳ ዓይላሢ፡ ሙሴ ሞዓኣቤ ዓጫ ዓኣዎ ናንጊና ናንጋ ጎዳ ዒዛም ኬኤዜ ጎይዎና ዒኢካ ሃይቄ።። 6 ናንጊና ናንጋ ጎዳ ዒዛ ፔትፔይሬ ካታሞኮ ቤርቶ ዛላ ሞዓኣቤ ዓጩይዳ ዓኣ ዶኦሎ ዴኦኬ፤፤ ጋዓንቴ ሃኖ ሄላንዳኣና ፒዜ ዒ ዴኦቴ ሰዘ

34:4 34:4 ማዢ. ማፃ 12:7፤ 26:3፤ 28:13።

ዲማሲ ዔራ ዓሲ ባኣሴ። 7 ሙሴ ሃይቃኣና ሌዓ ዒዛኮ ጃኤታና ለማታሚናኬ፤ ጋዓጎቲ ዓኣፓ ዒዛኮ ባይቁባኣሴ፤ ዎልቃ ሃጊ ደዲ ዓኣዎኬ። 8 ሲያ ጋፓንዳያ ሄላንዳኣና ዒሰራዔኤሌ ዴራ ዒዛ ዛሎ ዎዪ ሃይሢታሚ ኬሊ ሞዓኣቤ ቦኦሎይዳ ዩኤኬኔ።

9 ሙሴ ፔ ቤዛ ማዳያ ማዓንዳጉዲ ኩጮ ዒያሱ ዑፃ ገሢ ደኦሪሢር ኔዊናኣዚ ዒያሱ ዔራቶና ዓኣ ዓሲ ማዔኔ፤ ዒሰራዔኤሌ ዴራኣ ዒዛም ዓይሢጎቲኔ፤ ናንጊና ናንጋ ጎዳ ሙሴ ዛሎና ዔያቶም ዒንገ ዓይሢዎም ዔያታ ካፔኔ።

10 ናንጊና ናንጋ ጎዳ ቤርታ ዔቂ ዎላ ገሰቲያ፣ ሙሴጉዴያ ዎኦሲ ማሊሢ ኬኤዛ ዓሲ ፔቲታዎ ዒሰራዔኤሌይዳ ኬሰኪባኣሴ፤

11 ናንጊና ናንጋ ጎዳ ሙሴ ጊብፃ ዓጮ ካኣቲና ሱኡጎ ማዒ ማዳ ዴኤፖ ዴኤፖ ዓሶ ኮይላ፤ ሃሣ ዓጮ ቢያሢም ዳካዛ ዒዛ ዛሎና ማዳጎቲ ዎኦሲ ዎልቁና ማዳጎታ ዓኮ ባኮና ዲቃሣ ባኮ ማዳይ ሜሌ ዎኦሲ ማሊሢ ኬኤዛ ዓሲ ፔቲታዎ ባኣሴ። 12 ሙሴ ዒሰራዔኤሌ ዓሶ ቢያሢ ቤርታ ማዳ ዴኤፖ ባኮና ዒጊቻ ባኮ ቢያሢጉዴያ ማዳ ሜሌ ዎኦሲ ማሊሢ ኬኤዛ ዓሲ ፔቲታዎ ባኣሴ።

34:10 34:10 ኬሲ. ማፃ 33:11።

ጌሌዥ ማጻሕፍት

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929